

JOÃO TỸ RÁ

Topě tỹ ã vĩ tỹ nén ù kar han

¹ Topě tỹ nén ù kar han ja tũg ki tóg nĩ ja nĩ, ěg tỹ ù to: “Topě vĩ,” he mũ ěn ti, hã to ěg: Jesus, he mũ. Topě mrě tóg nĩ. Topě vĩ tỹ ti nĩ gé.

² Topě tỹ nén (ũ) kar han tũg ki tóg Topě mrě nĩ nĩ.

³ Ti hã tũgrĩn tóg nén ù kar han, Topě ti, ěg tỹ ù to: “Topě vĩ,” he mũ ěn tũgnĩn. Ā pir mũ Topě tóg nén ù han tũ nĩ, ti hã mrě tóg nén kar han kãn.

⁴ ěg tỹ ù to: “Topě vĩ,” he mu ěn vĩ rĩr nĩ, hã kỹ tóg ěg rĩnrĩr han mũ gé. Jẽngrẽ ri ke ti nĩ, ù tỹ ěg rĩnrĩr han mũ ěn ti. Ti tỹ ěg kanhrãn to ken hã vễ.

⁵ Ũn jykre pãno ag vĩ ù tỹ kuty mũ mũ ěn ag ri ke nỹtĩ. Hã ra tóg ěg mũ jẽngrẽ ri ke nĩ, ěg tỹ ù to: “Topě vĩ,” he mũ ěn ti. Kỹ Nén-Kórég vĩ ti tỹ tũ! he han sór ja nĩ, hã ra tóg ti tỹ hẽ ri ke ja tũ nĩ.

⁶ Kỹ kejẽn Topě tóg ěprã ke ù jẽnẽ, ti jiji hã vĩ: João, he mũ.

⁷ Ti mũ tóg: “ag mũ ù tỹ ag mũ jẽngrẽ hen mũ ěn kãmén” he ja nĩ, hã kỹ tóg ke mũ, ag kar tỹ ti vĩ mẽ jẽ, ag tỹ ti vĩ kri fi jẽ.

⁸ João pi(jé) ěg mũ jẽngrẽ han ja nĩ!. Ti tỹ ěg mũ: “ẽn hã vễ,” henh kãtĩg ja vễ, ù tỹ ěg mũ jẽngrẽ han mũ ěn to, hã vĩ: Jesus, he mũ.

⁹ Jẽngrẽ pẽ ěn hã vễ. Ĕprã tóg jun, ti tỹ ěg kanhrãn jẽ, ěprã ke kar, ù tỹ ěg ki jẽngrẽg pẽ han mũ ěn ti.

10 Ga han tóg, ù tỹ ãg mỹ jẽngrẽ han mũ ên ti, kỹ tóg ãg mré ga kri tĩnh kãtĩg gé, ga han kar kỹ. Hã ra ag tóg ti ki kanhrãn ja tũ nĩ, êprã ke ag.

11 Æ povo kar mũ tóg tĩg ja nĩ, hã ra ti mrẽ ke ag pi(jẽ) tí ki ge sór ja nĩgtĩ'.

12 Û ag tóg hã ra ti ki ge mũ. En ag to tóg: “Topẽ krẽ,” he mũ, ù tỹ ti ki ge kỹ nỹtĩ tãvĩ ag to.

13 Ti ki ge kỹ nỹtĩ tugrĩn ãg hã vỹ tỹ ti krẽ nỹtĩ. Æg mur tugrĩn ãg tóg ver tỹ ti krẽ tũ nỹtĩ. Æg panh tỹ ãg mỹnh fi mrẽ nỹ tugrĩn ãg tóg mur mũ gé. Topẽ tỹ ãg han mãn tugrĩn ãg tóg tỹ ti krẽ nỹtĩ jãvo.

14 Æg tỹ ù to: “Topẽ vĩ,” he mũ ên vỹ ãg ri ke mur, kỹ tóg tỹ êprã ke jẽ sir. Æg mrẽ tóg tĩg ja nĩgtĩ. Há kỹ sóg ti vẽ. Pã'i mág vỹ tỹ ti nĩ, ùn tar, tag ve inh. Æg to há pẽ tãvĩ ti nĩ, kỹ tóg ki hã tó ti gé. Topẽ kósin pir vẽ, kỹ Topẽ vỹ ti mỹ: “ùn mág vỹ tỹ ã nĩ,” hé, ti jóg ti.

15 João vỹ ti kãmén ja nĩ gé. Ti kãmén há han tóg, kỹ tóg: “inh nón kãtĩ mũ ên vỹ inh kãfór nĩ,” he ja nĩ. “Inh nón kãtĩg jẽ tóg ke mũ, hã ra tóg tỹ ijo ke nĩ. Æn tó inh huri ãjag mỹ. Ti hã vẽ,” he ja tóg nĩ, João ti, Jesus to.

16 Æg to hã tãvĩ tóg nĩ, hã kỹ tóg mỹ nén ù ha kar han, ãg jagãgtãn kỹ. Æg jagãgtãn tag tovãnh ke tũ pẽ tóg nĩ.

17 Moisés vỹ ãg mỹ Topẽ tỹ ãg jyvẽn mũ ên tó ja nĩgtĩ, ãg tỹ ti vĩ ki króm jẽ, kỹ Jesus tóg ãg mỹ: “Topẽ vỹ ãjag mỹ vẽn pãte fón sór mũ, ti tỹ ãjag to há nĩn kỹ,” he mũ. Ti hã ne ãg mỹ vẽn vĩ sér ên to mũ'.

18 Æg pi(jẽ) Topẽ végtĩ'. Kỹ ãg kãmĩ ù vỹ ti ve ja tũ nĩ gé. Ti kósin pir hã vỹ ãg mỹ ti kãmén tĩ, ti hã vỹ ã

jóg mrê nĩ nĩ, Topê mrê. Ti hã vỹ Topê ri ke nĩ. Kỹ tóg êg mỹ ã panh ti kãmén tĩ, Topê kósin ti, Jesus ti.

João Batista tỹ Jesus kãmén.

(Mt 3.1-12; Mc 1.1-8; Lc 3.1-18)

¹⁹ Kejèn Judeu ag pã'i ag vỹ João mỹ vênh vỹ jêñêg mũ. Jerusalém tá ag nỹtĩ, pã'i ag, Topê tũ ki rĩr tĩ, Levi krê'krê ag ke gé. Ag João mỹ vênh vỹ jêñêg kỹ ag tóg mỹ: “ũ nỹ tỹ nĩ?” he mũ.

²⁰ Kỹ tóg ag mỹ: “inh pi(jé) tỹ Cristo nĩ,” he mũ. Tó há han tóg, ag mỹ.

²¹ Kỹ ag tóg ti mỹ: “kỹ ã hỹn tỹ ù nĩ?” he mũ. “Ã mỹ tỹ Elias nĩ?” he ag tóg ti mỹ. Hã ra tóg ag mỹ: “vó” he mũ gé.

Kỹ ag tóg ti mỹ: “Topê vỹ tó tĩ ù nêji kâtĩg ke mũ gé. Ti hã mỹ tỹ ã nĩ?” he mũ. Hã ra tóg: “vó,” he mũ gé.

²² Kỹ ag tóg ti mỹ: “ũ nỹ tỹ ã nĩ, ge kỹ?” he mũ. “Pã'i ag vỹ êg jêgnê, êg tỹ ã ki jêmê jê. Êg hỹn ne tónh ke mũ, ag mỹ?” he ag tóg mũ. “Vêso ã hêri ke ti?” he ag tóg mũ, João mỹ.

²³ Kỹ João vỹ ag mỹ vênh kãmén mũ. ã to nén rán kỹ nĩ ên tó tóg mũ, hã vỹ: “ũ tỹ êmã tũg ja tá jê kỹ vênh kar mỹ Topê jykre kãmén mũ ên vỹ tỹ inh nĩ,” he mũ. “Û tỹ vênh kar mỹ: “êg Senhor japry kure ra, ti jamĩn kurynh ra, ti tỹ jagma tĩg há han jé, he tĩ ên vỹ tỹ inh nĩ. Isaías tỹ inh kãmén hã vê,” he tóg, João ti.

²⁴ Jãvo ù tỹ ti ki jêmêg mũ ag vỹ tỹ Fariseu ag mrê ke nỹtĩ.

²⁵ Kỹ ag tóg ti mỹ: “ã tỹ hê ri ken kỹ ag kygpe sórnê, ã tỹ tỹ Cristo tũ hã ra?” he mũ. “Inh pi(jê) tỹ Elias nĩ”, he ã tóg tĩ. Inh pi(jê) tỹ Topê vỹ tó tĩ ên nĩ,

ẽg tỹ ãn kãtĩg jãvãnh mũ ẽn, he ã tóg tĩ, hã ra ã tóg ag kygpég tĩ,” he ag tóg mũ, João mỹ.

²⁶ Kỹ tóg ag mỹ: “goj tỹ sóg ag kygpég tĩ,” he mũ. “Hã ra ã tóg ãjag kãmĩ tĩ mũ ha, ãjag tỹ ãn ki kagtĩg ã.

²⁷ Ẽn vỹ inh nón kãtĩg ke mũ, hã ra tóg inh kãfór nĩ. Sỹ ti camarada nĩnh ke vễ vễ, sỹ ti pẽn né kunũnh ke vễ vễ, ti pẽn to ró ti. Hã ra sóg tỹ ti krẽm ke pẽ jẽ,” he tóg, João ti

²⁸ Kỹ ag tóg mũ mũ, ti vĩ mẽ kar kỹ. Cidade tỹ Betânia tá ag tóg ti venh kãmũ ja nĩgtĩ, Fariseu ag, João ti, Jordão mã tá. Tá tóg ag kygpég jẽ nĩ, João ti.

Jesus tỹ tỹ ẽg tỹ Topẽ mỹ ẽg mẽg tãnh ẽn ri ke

²⁹ Tỹ vaj kỹ João vỹ Jesus vég mũ sir. João tá tóg jun mũ, Jesus ti. Kỹ João tóg ti to: “ti hã vễ,” he mũ. “Ẽg tỹ Topẽ mỹ ẽg mẽg tỹ carneiro krẽ tãnh ẽn ri ke ti nĩ, cordeiro ẽn ti. Ti hã vỹ ẽg kar tỹ Topẽ vĩ mranh jagfy ter ke mũ,” he tóg.

³⁰ “Sỹ ãn kãmén mũ ẽn hã vễ. Ẽ tỹ ijo jẽ mũ vỹ inh nón kãtĩg ke mũ, he ja inh nĩ ti to. Inh kãfór ti nĩ, ti tỹ inh jo ke nĩn kỹ, he ja inh nĩ.

³¹ Inh pi(jé) ti ki kanhró ja nĩ', hã ra sóg goj tỹ vễnh kar ag kygpé, ag tỹ ti ki kanhrãnh kãn jé, povo tỹ Israel ag kar,” he tóg, João ti

³² Kỹ tóg: “Topẽ kuprĩg ve inh,” he mũ gé. “Kanhkã tá kãkutẽ kỹ tóg ti krĩ kri nĩ nĩ. Tỹ sórag ve ti nĩ, Topẽ kuprĩg ti, ti tỹ ti krĩ kri nĩn kỹ.

³³ Inh pi(jé) Jesus ki kanhró nĩ vễ'. Hã ra Topẽ tóg inh mỹ: ha ag kygpenh tĩg,” he ja nĩgtĩ, kỹ tóg inh mỹ: “ã tỹ inh kuprĩg ve kỹ ã tóg ti ki kanhró nĩnh mũ,” he ja nĩ gé. “Kanhkã tá kãkutẽ kỹ tóg ag kã ãn pir kri nĩnh mũ. Ti tỹ ãn kri nĩ mũ ẽn vỹ inh

kuprĩg tỹ ag kygpenh ke mũ,” he ja tóg nĩ inh mẽ, Topẽ ti.

³⁴ Tag ve inh, hã kỹ sóg ãjag mẽ: ti hã vỹ tỹ Topẽ kósín nĩ, he mũ” he tóg, João ti. Ti tỹ Jesus kãmén hã vễ.

Jesus tỹ ã mrẽ mũ tĩ ag jé prěr

³⁵ Tỹ vaj kỹ João vỹ ã mrẽ mũ tĩ régre ag mré vēmén jẽ nĩ.

³⁶ Kỹ tóg Jesus tỹ mĩ tĩg vég mũ, kỹ tóg ag mẽ: “Topẽ tũ vỹ tỹ ti nĩ,” he mũ. “Ëg tỹ Topẽ mẽ ãg mẽg tỹ cordeiro tân h tĩ ên ri ke ti nĩ,” he tóg, João ti.

³⁷ Ag tỹ ti vĩ tag mẽ kỹ ag tóg Jesus nón mũ mũ.

³⁸ Kỹ Jesus vỹ ag vég mũ, ag tỹ ti nón mũ ti. Kỹ tóg ag mẽ: “ne nẽ?” he mũ. Kỹ ag tóg ti mẽ: “ã hẽ tá êmã nĩ?” he mũ.

³⁹ Kỹ tóg ag mẽ: “mũ jé ha, inh mrẽ, ãjag tỹ inh jamã ven jé,” he mũ. Kỹ ag tóg ti mrẽ mũ mũ sir. Ti mré ag kurã ên tũg mũ. Rã ké ti nỹ ha, ag tỹ ti mrẽ mũ kri, 4 horas hỹn hẽn ri ke mũn.

⁴⁰ Ti mré mũ ag kã ù vỹ tỹ André nĩ, ù tỹ João tỹ Jesus tó ja ên mẽg mũ ag kã ù, hã vỹ: Simão Pedro jãvy, he mũ, André ti, Jesus mrẽ vēmén tĩ ên ag kã ù ti.

⁴¹ Ên tóg tá kãtĩg, kỹ tóg vėsỹmér ã kãke tỹ Simão Pedro venh tĩ mũ, kỹ tóg ti mẽ: “Messias ve inh,” he mũ. “Messias,” he ag tóg tĩ, Topẽ tỹ ùn jẽnẽnh ke ên to, Cristo to.

⁴² André tỹ ti mẽ Jesus tó kỹ tóg ti mré ti venh tĩ mũ. Kỹ Jesus vỹ ti ki êvãnh mũ, kỹ tóg ti mẽ: “Simão vỹ tỹ ã nĩ, João kósín,” he mũ. “Sỹ ã jyjyn mãn ke vễ, hã vỹ: Cefas, he mũ,” he tóg, Jesus ti. Cefas to ken

hã vễ, hã vễ: Pedro, he mữ, hã vễ: pãró, he mữ, ẽg vĩ ki.

Jesus tỹ Filipe mré Natanael jé prěr

⁴³ Tỹ vaj kỹ Jesus vễ ga tỹ Galiléia ra tĩg sór mữ. ã tĩg ke jo tóg Filipe kato tẽ mữ. Kỹ tóg ti mễ: “inh mré kãtĩg,” he mữ. Kỹ tóg tĩ mữ.

⁴⁴ Hã ra Filipe vễ tỹ Betsaida tá ke nĩ, André mré Pedro jamã ẽn tá ke.

⁴⁵ Kỹ Filipe vễ Natanael venh tĩ mữ, ti mễ Jesus kãmén jé. Kỹ tóg ti mễ: “Cristo ve inh huri,” he mữ. “Moisés vễ ti kãtĩg ke rán ja nĩ, Topẽ vĩ tó tĩ ag ke gé. Jesus to ken hã vễ, Nazaré tá ke ẽn to ken hã vễ, José kósin ẽn ti. Ti hã vễ tỹ Cristo nĩ,” he tóg, Filipe ti, Natanael mễ.

⁴⁶ Kỹ tóg ti mễ: “hã ra sóg Nazaré tá ùn há ve ja tũ nĩ ver,” he mữ. Hã ra Filipe tóg ti mễ: “ge ra ti venh kãtĩg,” he mữ. Kỹ tóg ti mré tĩ mữ.

⁴⁷ Ag tỹ Jesus tá junjun mữ ra Jesus tóg Natanael kãmén mữ, ù tỹ tá nễtĩ ag mễ. “Û tỹ tá kãtĩ mữ ẽn ve ra,” he tóg. “Israel krẽ'krẽ pẽ vễ,” he tóg. “ùn há vễ tỹ ti nĩ, ón vãnh ti nĩ,” he tóg.

⁴⁸ Hã ra Natanael vễ Jesus tỹ ã to vĩ tag mễg mữ. Kỹ tóg ti mễ: “kỹ ã mễ inh ki kanhró nĩ?” he mữ. Kỹ Jesus tóg ti mễ: “Filipe tỹ ã jé prěr to hã sóg ã vé,” he mữ. “ã tỹ ka krẽm jẽ kỹ sóg ã vé, ka tỹ figueira ẽn krẽm,” he tóg,” he tóg. Jesus ti.

⁴⁹ Kỹ Natanael tóg Jesus mễ: “mễ’,” he mữ. “Topẽ kósin vễ tỹ ã nĩ,” he tóg. “Ëg povo tỹ Israel kri pã'i vễ tỹ ã nĩ,” he tóg.

⁵⁰ Kỹ Jesus tóg: “isỹ ã mễ: ã ve ja inh nĩ, ã tỹ ka krẽm jẽ ra, hen kỹ tóg ã mễ e tĩ, kỹ ã tóg inh vĩ kri fi sór mữ,” he mữ. “Hã ra tóg ver tỹ nén ù tũ nĩ, sỹ ã

ve ja tag ti. Isy kar ky nen han ke vy a my e pe tãvi tnh mu, ha vemni,” he tog, Jesus ti.

⁵¹ “Ha ve, ki ha sog tonh ke mu, ha me. Kanhka nor ky ni ve je ajag tog ke mu. Ta ajag tog Topê ty jegnê jafã ag venh ke mu gé. Kanhka ta ag kãrenh ke mu, iso, ky ag ra mu man ke mu gé. Ty sog epra ke fi kósin ni myr,” he tog, Jesus ti.

2

Jesus ty vênh prüg venh ti

¹ Kurã tãgtũ tũg ky ã tog vênh prüg han mu emã ty Canã tá, ga ty Galiléia tá. Jesus mynh fi vy venh tũg ja ni.

² Ky ag tog Jesus my to mu gé, ti ty festa venh katĩg je, ti mré mu ti ag mré.

³ Ag ty tá nytĩ ra vanh vinho tog tu' he mu. Ky Jesus mynh fi tog ti my: “vinho hur tũg,” he mu.

⁴ Hã ra Jesus tog fi my: “toreg', mynh',” he mu. “Inh mré ke tu vê, a ty inh my nen to mu tag ti,” he tog, Jesus ti, a mynh fi my.

⁵ Hã ra fi tog ã ty festa ki rĩr ti ag my: “ti ty ajag my nen ã to ky han ni,” he mu.

⁶ Hã ra goj né mág ty 6 (ke) vy tá nytĩ, pó ty goj hé mág. Éhé ti nytĩ, balde fór ty 10 (ke) ty eg tog ãn pir fãn ti. Judeu ag vy vênh kygpe e han ti, ag ty Topê my há nytĩ je. Ag jykre hã vê. Ag ty vênh kygpe hã je tog tá nytĩ, goj nen ti.

⁷ Ky Jesus tog festa ki rĩr ti ag my: “goj né ên fónfãn, goj run ky,” he mu. Ky ag tog ke mu. Fónfãn kãn ag tog mu.

⁸ Ky tog ag my: “goj tag ty festa to pã'i my ven,” he mu. Ky ag tog ke mu.

⁹ Kÿ tóg kron mũ, festa to pã'i ên ti. Hã ra tóg tÿ vinho nĩ sir, ag tÿ run ja ti. Hã ra tóg ki kagtĩg nĩ, festa to pã'i ti. Û tÿ festa ki rĩr tĩ ag hã vÿ ki kanhró nÿtĩ, pã'i ên krêm ke ag.

Pã'i tÿ vinho hã ên kron kÿ tóg ùn prũg mũ ên jé prêr mũ. Kÿ tóg ti mÿ:

¹⁰ “vênh jykre vênhmÿ han ã,” he mũ. “Ag tÿ kronkron vén kÿ ã tóg ag mÿ vinho há tâvĩ nĩm ke mũ vê, kar kÿ vinho pãgsĩ vÿ há nĩ vê. Jãvo ã tóg ag mÿ vinho pãgsĩ ên nĩm vén, kÿ ã tóg vinho há pẽ tag nĩm sór mũ ha vãhã,” he tóg, festa to pã'i ti, ùn prũg mũ ên mÿ. Hã ra tóg ki kagtĩg nĩ, Jesus tÿ goj tÿ vinho há ên han mũ ti, há kÿ tóg ti mÿ e tĩ, ti tÿ festa kaju ki vinho há ven sór kÿ.

¹¹ Jesus tÿ êmã tÿ Caná tá nén han mũn hã vê, Galiléia tá. Êg tÿ nén han ki kagtĩg hyn han tóg tĩ, kÿ tóg tag han vén. Ti tÿ nén han mũ ki êg tóg ti jykre tar ki kanhró nÿtĩ sir. Hã kÿ ag tóg ti ki ge mũ sir, ti mré mũ tĩ ag, ag tÿ ti jykre tar ên ven kÿ.

¹² Kar kÿ Jesus vÿ cidade tÿ Cafarnaum ra tĩ mũ, ti mÿnh fi mrê, ti jãvy ag mré hã, ti mrê mũ tĩ ag mré ke gé. Tá ag tóg nÿtĩg mág sĩ han.

Jesus tÿ Topê jo ãn ra tĩ

(Mt 21.12-13; Mc 11.15-17; Lc 19.45-46)

¹³ Ên kã Judeu ag festa tÿ Páscoa vÿ kakó nĩ ha Kÿ Jesus vÿ cidade tÿ Jerusalém ra tĩ mũ, ti mré mũ ti ag mré.

¹⁴ Ti tÿ Topê jo ãn tá jun kÿ tóg ù tÿ boi vender he tĩ ag vég mũ, carneiro vender he tĩ ag ke gé sórãg vender he tĩ ag ke gé. Topê jo ãn krêm ag tóg ãjag negócio hyn han tĩ. Kar kÿ ù ag tóg tá nÿtĩ gé jãnkamy trocar he tĩ ag.

15 Jesus tỹ ag ve kỹ tóg ti mỹ e tĩ, ag tỹ Topẽ jo ãn kavénh mũn kỹ. Hã kỹ tóg mrãn ke jafã fy tỹ ag mrãnmrãn jafã han mũ. Ên vyn kỹ tóg ag pan mũ, Topẽ jo ãn kãtã, carneiro ti ke gé, boi ti ke gé. Û tỹ jãnkamy trocar he tĩ ag jãnkamy ên vãm tóg mũ gé, êprã, kỹ tóg ag mesa tỹ kréj ke mũ gé.

16 Û tỹ sórág vender he tĩ ag mỹ tóg: “ãjag tũ ma mũjẽg,” he mũ. “Inh panh jo ãn krêm negócio han sór tũg nĩ. Bodega pijẽ', inh panh jo ãn ti,” he tóg, Jesus ti.

17 Ti mré mũ tĩ ag tỹ tag ve kỹ ag tóg ti to rán kỹ nĩ ên mĩ êkrég mũ, ha mẽ: “ã ãn tóg inh mỹ sãnvĩ jẽ, kỹ tóg inh mỹ e tĩ, ag tỹn kavénh kỹ. Tag tugrĩn ag tóg inh krĩ rỹ han mũ, kỹ tóg kejẽn isén ke mũ sir, inh kri rỹ ti, ha vemnĩ,” he tóg, Topẽ vĩ tỹ rán kỹ nĩ ki, Jesus to.

18 Kỹ Judeu ag pã'i ag vỹ Jesus tỹ ag pan mũ vég mũ gé. Kỹ ag tóg ti mỹ: “ã tỹ hẽ ri ke nẽ?” he mũ. “Û nỹ hỹn ã mỹ: tag han nĩ, hé? Milagre ù han nĩ, êg tỹ ù tỹ ã jẽnẽg mũ ki kanhrãn jé,” he ag tóg mũ, pã'i ag, Jesus mỹ.

19 Hã ra Jesus tóg ag mỹ: “ãjag tỹ Topẽ jo ãn tag kókén kỹ sóg ti jẽgja ki ù han mãn ke mũ, kurã tãgtũ ki, ha vemnĩ,” he mũ.

20 Kỹ tóg ag mỹ e tĩ. “Û tỹ Topẽ jo ãn tag han mũ ag vỹ ano tỹ 46 (ke) ki rãnrãj kỹ ti han. Jãvo ã mỹ kurã tãgtũ ki ti han sór mũ', in ti'?” he ag tóg mũ, Jesus mỹ, pã'i ag.

21 Hã ra Jesus tóg ag mỹ ã ter ke tó ja nĩgtĩ, vènh kãmén ja ti nĩgtĩ, ti tỹ vèso: “Topẽ jo ãn ri ke inh nĩ,” hen kỹ.

22 Ti tỹ kejẽn ã ter kar kỹ rĩr mǎn kỹ ti mré mũ tĩ ag tóg ti vĩ tag ki êkrén kỹ ki kanhrǎn mũ, kỹ ag tóg Topê vĩ ki rǎn kỹ nĩ ên to jykrén há han mũ vǎhǎ, Jesus vĩ to ke gé, kỹ ag tóg ti ki ge há han mũ ha.

Jesus tỹ vẽnħ kar ki kanhró

23 Kỹ ũ tỹ hẽn ri ke ag vĩ Jesus ki ge mũ, ti tỹ Jerusalém tá nĩn kỹ, festa tỹ Páscoa ên kǎ. Ag tỹ ti tỹ nén han mũ ve kỹ ag tóg ti ki ge mũ. Milagre hyn han tóg tĩ.

24 Hǎ ra tóg ag jykre ki kanhró nĩ, ũ tỹ ón kỹ ti ki ge mũ ag jykre ki. Ón kỹ ag tóg ti ki ge mũ, hǎ kỹ ag tóg ti ki fe tũ nỹtĩ sir.

25 Kỹ ũ tỹ ti mỹ: “ũ ên jykre vĩ ge nĩ,” hen kỹ tóg: “hỹ, ki kanhró inh nĩ,” he tĩ. Vēsóg ki tóg ag jykre ki kanhró nĩgtĩ.

3

Nicodemos tỹ Jesus mré vēmén

1 Ên kǎ ũ tóg nĩgtĩ, ti jijin hǎ vĩ: Nicodemos, he mũ. Judeu ag pǎ'i ũ vẽn, Fariseu ũ vẽn.

2 Ên vĩ Jesus ve sór mũ, kỹ tóg kuty ra ti venh tĩ mũ, ti mré vēmén jé. Kỹ tóg ti mỹ: “Topê vĩ ã jẽnẽ, tag ki kanhró êg tóg nỹtĩ,” he mũ. “Topê tỹ êg mỹ ũn jẽnẽ vĩ tỹ ã nĩ, hǎ kỹ ã tóg êg tỹ nén han vǎnh ên hyn han tĩ. Topê tỹ ã mré han tũ nĩ ra ã tóg ã tỹ han mũ tag ki kagtĩg nĩnh mũ vẽn,” he tóg, Nicodemos ti, Jesus mỹ.

3 Kỹ Jesus tóg ti mỹ: “sỹ ã mỹ tag kǎmén ke vẽn, ha mẽ,” he mũ. “Ũn mur mǎn kỹ nỹtĩ ag hǎ vĩ Topê tỹ tỹ êg pǎ'i nĩ venh ke mũ, ag tǎvĩ. Ki hǎ sóg tó mũ mỹr,” he tóg, Jesus ti, Nicodemos mỹ.

⁴ Kÿ Nicodemos tóg ti mÿ: “kÿ ùn sanh hÿn hẽ ri kenh mũ, ti mur măn jé?” he mũ. “Ti mÿ vễsĩ han ki kanhró nĩ, kÿn mÿ ã mÿnh fi nug ki rã măn kÿ mur măn ke mũ?” he tóg, Nicodemos ti.

⁵⁻⁶ Hã ra Jesus tóg ti mÿ: “vó,” he mũ. “Ëprã ke ag krẽ vÿ tÿ ãprã ke nÿtĩ, ag mÿnh fag ri ke, Jãvo Topẽ kuprĩg tÿ ù han kÿ tóg Topẽ kuprĩg tÿ jagrẽ nĩ. Mur măn to ken hã vễ, hã vÿ: inh ki rã, he mũ, hã vÿ: mur măn, he mũ. Goj tÿ ke vễ, Topẽ kuprĩg tÿ ke vễ gé. Û tÿ gen kÿ mur măn ja tũ nĩn kÿ tóg Topẽ tÿ tÿ ãg pã'i nĩ venh ke tũ pẽ nĩ.

⁷ Hã ra tóg ã mÿ e tĩ, sÿ ã mÿ: “mur măn jé ã tóg ke mũ,” hen kÿ.

⁸ Kãka to jykren nĩ. Ti tÿ mĩ tĩg sór mũ ãn mĩ tóg tĩ tĩ kãka ti. Ti tÿ krog he mũ ãn hã mẽg ãg tóg tĩ, hã ra ãg tóg ti vэг tũ nĩ, kÿ ãg ti tÿ hẽ ra tĩg ke mũ ki kagtĩg nÿtĩ, ti tÿ hẽ tá kãtĩg ãn ti ke gé. Ge ti nĩgtĩ, Topẽ kuprĩg tÿ ùn han măn mũ ag mré,” he tóg, Jesus ti, Nicodemos mÿ. (Topẽ kuprĩg vэг tũ ãg tóg nĩgtĩ. Ha ra tóg ãg mÿ ã jykre tãg nĩm, ti tÿ ãg han măn kÿ. Hã kÿ Jesus tóg Nicodemos mÿ: “kãka ri ke nĩ,” he mũ)

⁹ Kÿ Nicodemos tóg: “tag hÿn hẽ ri ke tĩ?” he mũ.

¹⁰ Kÿ Jesus tóg ti mÿ: “Israel ag kanhrãn ã tóg tĩ, hã ra ã tóg sÿ ã mÿ nèn tó mũ tag ki kagtĩg nĩ,” he mũ.

¹¹ “Ki hã sóg tó mũ, hã kÿ sóg ã mÿ kãmén mũ. Sÿ nèn ù ki kanhrãn mũ ãn hã tó sóg tĩ. Isÿ nèn ù ve ja ãn hã kãmén sóg tĩ, hã ra ãjag tóg mẽ jãvãnh nÿtĩ.

¹² Isÿ ãjag mÿ ga kri vễnh jykre kãmén mũ ra ãjag tóg jẽmẽ sór tũ nĩgtĩ. Kÿ ãjag hÿn hẽ ri kenh ke mũ', sÿ ãjag mÿ kanhkã tá vễnh jykre kãmén kÿ?” he tóg.

¹³ “Ha vé, ãjag kãmĩ ù vÿ kanhkã ra tãpry tũ nĩ, tá

vênh jykre ên ve jé. Ājag jāvo isóg tá kākutē ja nī, hā kŷ sóg tó tī. Inh jamān hā vē. Tŷ sóg ēprā ke fi kósin nī,” he tóg, Jesus ti.

14 “Moisés vŷ pŷn tŷ ka to sa ja nŷgtī, ga kórég ên tá. Pŷn tŷ ferro kusŷg tŷ há ên tŷ tóg ka to sa ja nŷgtī. Tag ri ke han jé ag tóg ke mŷ, isŷ, isŷ tŷ ēprā ke fi kósin nŷn kŷ.

15 Kŷ ũ tŷ inh ki rānh ke mŷ ên vŷ kren ke mŷ. Rŷr krŷg ja tŷ ve jé tóg ke mŷ. Hā jé ag tóg ka to isanh ke mŷ.

16 Topē vŷ ga kri mŷ ag to há nī, hā kŷ tóg ā kósin pir fēg, vėnh kar tŷ ti ki ge jé, ag tŷ tŷ' he tŷ nī jé, ag tŷ ēg rŷr krŷg ja tŷ ên ven jē.

17 Topē vŷ ā kósin jēnē, ti tŷ ēprā ke ag krenkren han jé. Ti pi(jé) sŷ ājag vóg kónān jé inh jēnē!,” he tóg, Jesus ti, Nicodemos mŷ.

18 “Ū tŷ inh ki rānh ke mŷ to tóg jŷnh ke tŷ nī, Topē ti. Jāvo tóg ũ tŷ inh ki ge tŷ ên ag hā to jŷ nī isŷ tŷ ti kósin pir nŷn kŷ,” he tóg.

19 “Topē tŷ ũ tŷ inh ki ge tŷ ag to jŷ vŷ ge nī, ha mē. Ga kri mŷ ag kanhrān sóg tī, hā ki sóg ag mŷ jēngrē ri ke nī. Hā ra ag tóg mē sór tŷ nŷgtī. Kuty mŷ ag tóg mŷ sór mŷ, jēngrē tóg ag mŷ kórég nī, ag jykre pāno nŷn kŷ.

20 Ū tŷ vėnh jykre pāno han mŷ kar vŷ kurā to kórég nŷtī, kŷ ag tóg kurā ki vėnh ven sór tŷ nī, vėnh kar tŷ ag jykre pāno venh ha mē tŷn kŷ.

21 Ū tŷ Topē vŷ ki króm mŷ ag vŷ kurā ki vėnh ven sór tŷ. Kurā tóg ag mŷ sér tŷ, vėnh kar tŷ ag jykre hā ven jé. Topē vŷ ag tar han tŷ, ag tŷ nén ũ há han jé. Hā ve jé ag tóg ke mŷ, vėnh kar ag,” he tóg, Jesus ti,

Nicodemos mÿ. Ti tÿ ti mÿ Topê jykre kãmén ja hã vë.

João Batista tÿ Jesus kãmén mãn

²² Ën kã kejën Jesus tóg ã mré mÿ tÿ ag mré ga tÿ Judéia ra tÿ mÿ, kÿ ag tóg tá nÿtÿ, vënh kar kygpe kÿ.

²³ Hã ra João vÿ ag kygpég mÿ gé, ën kã, vãnh tÿ Enom tá, Salim tóg tá kakó nÿ. Tá goj vÿ éhé nÿ, hã kÿ tóg ag tÿ tá vënhmãn kÿ ag kygpég mÿ, João ti.

²⁴ Ën kã tóg ver se kÿ jë tÿ nÿ, João ti.

²⁵ Kejën Judeu ù tóg tá nÿ gé, hã ra tóg João mré mÿ tÿ ag vÿ kafãn mÿ. “Goj tÿ ëg tóg Topê mÿ jãnhkri kÿ nÿgtÿ,” he tóg mÿ, ag mÿ, Judeu ën ti. Hã to ag tóg jagnë vÿ kafãn mÿ.

²⁶ Kÿ João mré mÿ ag tóg João mÿ tag tó mÿ, ha më. “Û tÿ Jordão mãtá ã mré nÿ ja ën vÿ ag kygpég jë nÿ, ã tÿ ëg mÿ ùn kãmén ja ën ti. Hã ra vënh kar vÿ ti mré mÿ mÿ ha, hã kÿ ag tóg ã venh kãmÿ mãn tÿ nÿ ha,” he ag tóg mÿ, João mÿ, Jesus to.

²⁷ Hã ra tóg ag mÿ: “há ti nÿ,” he mÿ. “Topê tÿ ëg mÿ ùn nÿm mÿ ën hã vég ëg tóg tÿ,” he tóg.

²⁸ “Mÿ ëkrén nÿ, sÿ ãjag mÿ nén tó ja ti, hã vÿ: inh pi (jé) tÿ Cristo nÿ”, he mÿ. Sÿ ti jãmÿ tÿg ke hã jé tóg inh jënë, Topê ti, he ja sóg nÿ ãjag mÿ,” he tóg, João ti.

²⁹ “Vënh prÿg to jykrén nÿ. Ûn prÿg mÿ hã vÿ ã prÿ ke fi mré nÿ nÿ. Ti régre tóg hã ra ti rã hã jë, ùn prÿg mÿ ën rã hã, kÿ tóg ti vÿ mëg mÿ, hã ra tóg ti mÿ më sér pë tÿ, ti, vÿ ti. Ge ti nÿ, inh mré. Inh mÿ tóg sér tÿ, vënh kar tÿ ti mré mÿn kÿ, ti tÿ ùn prÿg mÿ ri ke nÿn kÿ, Jesus ti.

³⁰ Ûn e tỹ ti mré mũn kỹ tóg há tĩ, kỹ tóg tỹ ùn mág nĩnh mũ ha. Hã ra sóg tỹ nén ù tũ nĩnh ha,” he tóg, João ti.

Jesus tỹ kynhmỹ kãtĩ

³¹ “Ûn tỹ kynhmỹ kãtĩ mũ ěn vỹ vĕnh kar kafór nĩ. Ěprã ke ag vỹ tỹ ěprã ke nỹtĩ, kỹ ag tóg ěprã ke jykre tỹ vĕmĕn tĩ. Û tỹ kanhkã tá kãtĩ mũ ěn vỹ tỹ vĕnh kar kri ke jĕ.

³² Kỹ tóg ã tỹ tá nén ve ja ěn hã tóg mũ, ã tỹ tá nén mĕ ja ěn, hã ra ag tóg ti vĩ mĕ sór tũ nĩ.

³³ Û tỹ ti vĩ mĕg mũ ag hã ra Topĕ to: “ki hã tóg tóg tĩ,” he mũ.

³⁴ Topĕ tỹ ùn jĕnĕg mũ ěn vỹ ti vĩ kãmĕn mũ. Topĕ kuprĩg vỹ Jesus tar han mũ, ti tỹ tỹ ti jagrĕ pĕ nĩn kỹ, ti tỹ ti ve mág han kỹ.

³⁵ Topĕ vỹ ã kósin to há tãvĩ nĩ, kỹ tóg ti mỹ nén (ũ) kar tovãnh, ti hã tỹ ki rĩr jĕ.

³⁶ Hã kỹ ù tỹ ti kósin ki rã mũ vỹ ter mãn ke tũ nĩ. Rĩr krỹg ja tũ ve jĕ tóg ke mũ. Û tỹ ti vĩ han sór tũ ěn vỹ tag venh ke tũ pĕ nĩ, rĩr krỹg ja tũ tag ti. Topĕ vỹ ti vóg kónãn ke mũ, kỹ tóg tũg' hĕnh ke tũ nĩ, Topĕ tỹ ti vóg kónãn ke ti,” he tóg, João ti. Ti tỹ ã mré mũ tĩ ag mỹ Jesus kãmĕn jan hã vĕ.

4

Jesus tỹ Samaria tá fi mré vĕmĕn mũ

¹ Kỹ Fariseu ag vỹ mĕg mũ, ùn tỹ hĕn ri ke ag tỹ Jesus mré mũ ěn ti. Ûn e ag kygpĕg tóg mũ gé, Jesus ti, João tỹ ùn kygpe ja ag kãfór.

² Hã ra Jesus vỹ ag kygpe ja tũ nĩ. Ti mré mũ tĩ ag hã vỹ ag kygpe ja nĩgtĩ.

³ Kĩ Jesus tóg mēg mũ, Fariseu ag tỹ ti tỹ tỹ ãn mág nĩ mẽ ja ti, hã kĩ tóg ga tỹ Judéia tá kãkutẽ kĩ ga tỹ Galiléia ra tĩ mũ, ti mré mũ tĩ ag mré.

⁴ Galiléia ra tĩg jé tóg ver ga tỹ Samaria fĩn rãm mũ.

⁵ Fĩn rãm kĩ tóg Samaria tá cidade ã tá jun mũ, hã vỹ: Sicar, he mũ. Tán kakó nĩ, Israel jóg'jóg ve tỹ Jacó japỹ ja ti. Ēpỹ ěn fi ja tóg nĩ, ã kósin tỹ José mỹ, Jacó ti.

⁶ Kĩ Jacó tỹ poço vỹ tá nĩ gé. Jesus tỹ poço ěn tá jun kĩ tóg tá vėnhkán kĩ nĩ nĩ, poço ěn rã hã. Rã tỹ ěg nĩno kã sa ra ke ja vė.

⁷ Jesus tỹ tá nĩn kĩ ãn tỹtá fi vỹ tá jun mũ, Samaria tá ke ã fi. Goj run jé fi tóg kãtĩ mũ. Kĩ Jesus vỹ fi mỹ: “inh mỹ goj jun, sỹ kron jé,” he mũ.

⁸ Ti mré mũ tĩ ag vỹ tá tũgtũ nỹtĩ, ã pir mỹ tóg tá nĩ nĩ, Jesus ti. Cidade ra ag kagáv, vėjėn comprar he jé.

⁹ Jesus tỹ fi mỹ goj to vĩn kĩ fi tóg ti mỹ: “Judeu vỹ tỹ ã nĩ, hã ra ã tóg inh mỹ goj to vĩ mũ!,” he mũ, “isỹ tỹ Samaria tá ke nĩ ra’,” he fi tóg mũ, Jesus mỹ. Judeu ag vỹ Samaria tá ke ag to é he tĩ, hã kĩ fi tóg ti mỹ ke mũ.

¹⁰ Kĩ Jesus tóg fi mỹ: “Topě tỹ ã mỹ nén han sór mũ tag ki kagtĩg ã nĩ ver,” he mũ. “Kỹ ã tóg inh ki kagtĩg nĩ gé. Ke tũ nĩ mũ ra ã tóg inh mỹ: “inh mỹ goj nĩm,” henh ke mũ vė, kĩ sóg ã mỹ goj ror tỹ goj nĩm ke mũ vė,” he tóg fi mỹ, Jesus ti.

¹¹ Kỹ fi tóg Jesus mỹ: “runja tũ ã nĩ,” he mũ, “kỹ ã hỹn hẽ ri kenh mũ, ã tỹ goj ror tỹ goj ěn run jé? Téj jagy ti nĩ, poço ti,” he fi tóg ti mỹ.

12 “Ëg jóg'jóg ve tỹ Jacó vỹ poço tag han, kỹ ag tóg ti goj kron, ti krē ke gé, ti mēg ke gé. ã mỹ ti kãfór nĩ, hã kỹ ã mỹ goj ror tỹ goj run sór mũ?” he fi tóg mũ, Jesus mỹ.

13 Kỹ Jesus tóg fi mỹ: “ã tỹ goj tag kron kỹ ã tóg kãnhmar kron mãn sór mũ,” he mũ.

14 “Isỹ ã mỹ goj nĩm kỹ ã tóg kron pir han kar kỹ há nĩ ha, kron mãn sór ke tũ ã nĩ sir. ã kãki tóg goj ror han ke mũ, sỹ ã mỹ goj nĩm ke ti. Kỹ goj tag vỹ ã ter ke tũ han ke mũ, ha vemnĩ,” he tóg, Jesus ti.

15 Kỹ fi tóg ti mỹ: “inh mỹ nĩm gé, goj tag ti,” he mũ. “Kỹ sóg tag ki run mãn ke tũ nĩ ha, kỹ sóg kron sór mãn ke tũ nĩ ha,” he fi tóg.

16 Hã ra Jesus tóg fi mỹ: “kỹ ã mén jé prērmnĩ ge, ti mré inh venh kãtĩg nĩ,” he mũ fi mỹ.

17 “Hã ra sóg mén tũ nĩ,” he fi tóg. “Hỹ,” he tóg, Jesus ti. “Měn tũ ã nĩ, ki hã ã tóg tó mũ.

18 ã mén ag vỹ ù tỹ 5 (ke) ja nĩgtĩ, kỹ ã tỹ ùri ùn mré nĩ ěn pi(jé) tỹ ã mén nĩ'. Ki hã ã tóg tó mũ,” he tóg, Jesus ti.

19 Kỹ fi tóg Jesus mỹ: “Topē vỹ tó jafã vỹ tỹ ã nĩ, vég isóg nĩ nĩ,” he mũ. “Kỹ inh mỹ tag tó, ha mẽ. Ëg jóg'jóg ve ag vỹ tag ki Topē mré vēmén tĩ ja nĩgtĩ, pãnónh tag kri, kỹ ěg tóg ùri ke tĩ gé.

20 Hã ra tóg ãjag mỹ há tũ nĩ, tag, ãjag tỹ tỹ Judeu nỹtĩn kỹ. “Jerusalém tá ěg Topē mré vēmén ke mũ, Jerusalém tá ěg tóg ti mỹ: ùn mág vỹ tỹ ã nĩ, henh ke mũ,” he ãjag tóg tĩ. Ti hỹn hẽ tá há nĩ, ěg tỹ Topē mré vēmén ke ti?” he fi tóg, Jesus mỹ

21 Hã ra Jesus tóg fi mỹ: “ha mẽ, sỹ ã mỹ nén kãmén ke ti,” he mũ. “Kãnhmar ãjag tóg pãnónh tag

kri ãg jóg tỹ Topẽ mré vãmén mãn ke tũ nĩ, kỹ ãg Jerusalém tá ti mré vãmén mãn ke tũ nĩ gé.

22 Topẽ mré ãjag tóg vãmén sór ti, hã ra ãjag tóg ãjag tỹ ãn mré vãmén mũ ki kagtĩg nỹtĩ. ãjag jãvo ãg tóg ti ki kanhró nỹtĩ, ã tỹ vãnh kar krenkren han ke ãn tỹ tỹ Judeu krẽ'krẽ ag kã ã nĩn kỹ.

23 Kãnhmar vãnh kar vỹ Topẽ mré vãmén há han ke mũ. Kakó ti nĩ ha, kurã tag. Kỹ ã tỹ ti mrẽ vãmén mũ ag vỹ Topẽ kuprĩg tỹ jagrẽ nỹtĩ, hã kỹ ag tóg ti mré vãmén há han ke mũ, ãg jóg mág mré. ã tỹ ge hã jãvãnh ti mũ, ãg jóg mág ti, ag tỹ ti mré vãmén jé, ti mỹ: “ũn mág vỹ tỹ ã nĩ,” he jé,” he tóg.

24 “Ëg pi(jé) Topẽ vég tĩ, hã ra tóg ãg mré nĩ nĩ. Kỹ, ãg tỹ ti mré vãmén sór kỹ ãg tóg ti kuprĩg tỹ jagrẽ nỹtĩnh mũ, ãg tỹ ti mré vãmén há han jé, ãg tỹ ti vég tũ ra. Ëg tỹ ti mỹ: “ũn mág vỹ tỹ ã nĩ,” hen kỹ ãg tóg ti mỹ ón ke tũ nĩ, vãnh vĩ há hã tó jé ãg tóg ke mũ,” he tóg mũ, Jesus ti, fi mỹ.

25 Kỹ fi tóg ti mỹ: “hỹ,” he mũ. “Messias ãn vỹ kãtĩg ke mũ, ãg tỹ ã to: Cristo, he mũ ãn. Ën vỹ ãg mỹ kãmén kãn ke mũ, tag kar ti,” he fi tóg ti mỹ.

26 Kỹ Jesus tóg fi mỹ: “inh hã vẽ,” he mũ. “ã tỹ ã mré vãmén jẽn hã vẽ,” he tóg.

27 Ti tỹ fi mỹ tag tó kỹ ti mré mũ tĩ ag tóg ti tá junjun mũ. Kỹ ag tóg ti tỹ fi mré vãmén vég mũ, kỹ tóg ag mỹ e tãvĩ tĩ. Hã ra ag tóg ti mỹ nén ã tó tũ nĩgtĩ. “ã tỹ ne mẽ sór nẽ, fi ki?” he tũ ag tóg nĩgtĩ. “ã tỹ ne tó nẽ, fi mỹ?” he tũ ag tóg nĩgtĩ gé.

28 Hã ra fi tóg ã runja ré kỹ ti mũ, ã jamã ra. Kỹ fi tóg ã nĩgia tá ke ag mỹ:

29 “mũ nỹ, ù ve jé,” he mũ. “Inh mũ tóg sỹ nén han ja tó kãn. Tì mũ tỹ Cristo tũ nĩ vỹ?” he fi tóg ag mũ.

30 Kỹ ag tóg fi mré kãmũ mũ sir, ti ve jé.

31 Fi tĩg kar kỹ ti mré mũ tĩ ag tóg Jesus mũ “vějĕn ti ko ra,” he mũ.

32 Hã ra tóg ag mũ: “ijĕn vỹ nĩ nĩ, hã ra tóg ãjag jĕn ri ke tũ nĩ,” he mũ.

33 Kỹ ag tóg jagnĕ mũ: “ũ nỹ ti mũ vějĕn nĩm hỹn?” he mũ.

34 Hã ra Jesus tóg: “ijĕn to ken hã vĕ, hã vỹ: tỹ isỹ Topĕ rãnrãj han kãn ke, he mũ, isỹ ù tỹ inh jĕnĕg mũ ĕn vĩ han ke, he mũ gé,” he tóg, Jesus ti.

35 “Ãjag mũ ti kysã tỹ 4 (ke) nĩ ver, ĕg tỹ ĕg jakré kanĕ venh ke ti. Ha Sicar tá kãmũ mũ ag vigvé. Ũri ag tóg inh ke ge sór mũ, kỹ ag tóg inh mũ ĕg jakré tóg nỹ ĕn ri ke nỹtĩ.

36-38 Fi mũ sóg Topĕ vĩ tó, kỹ fi tóg ã mré ke ag mũ tó. Hã ra sóg ãjag mũ: “ha ag mũ tó mãn, ag tỹ inh ki ge jé,” he mũ. Kỹ ãjag tóg ù jakré kym ri ke han mũ, ãjag tỹ Sicar tá ke ag tỹ inh ki ge mũ ven kỹ. “Ũ vỹ krãn tĩ, kar kỹ ù vỹ ti kanĕ mäg tĩ,” he ĕg tóg tĩ. Kĩ hã tó vĕ, tag, ĕg tỹ ĕprã ke ag tỹ inh ki genh ke to jykrén kỹ. Kỹ ù tỹ ag mũ tó mãn mũ mũ tóg sér tĩ, ti tỹ ag tỹ inh ki ge mũ ven kỹ. ã rãnrãj kaja vég tóg mũ sir. Hã ra ù tỹ ag mũ tó vén ja ĕn mũ tóg sér tĩ gé, ag tỹ inh ki ge mũ ti. ã rãnrãj kaja vég ti tĩ gé,” he tóg, Jesus ti, ã mré mũ tĩ ag mũ.

39 Hã ra ùn týtã ĕn fi tóg ã mré ke kar ag mũ: “inh mũ tóg sỹ nén han ja tó kãn,” he ja nĩ, Jesus to. Kỹ ag tóg Jesus ki ge mũ, fi vĩ to.

40 Kỹ ag tóg Jesus tá junjun mũ sir. Kỹ ag tóg ti mũ: “tĩg tũg nĩ. Ĕg mré nĩmnĩ,” he mũ. Kỹ tóg ag

mré kurã régre tũg mũ.

⁴¹ Kĩ ũ tỹ hẽn ri ke ag tóg ti ki ge mũ sir, ti vĩ to.

⁴² Ũn týtá ěn fi mỹ ag tóg: “ã vĩ tugrĩn ěg tóg ti ki ge mũ,” he mũ, “hã kĩ ěg tóg ũri ti vĩ mễg mũ, kĩ ěg tóg ti vĩ tugnĩn ti ki ge pẽ han kĩ nỹtĩ, ũri. Ti ki kanhró ěg tóg nỹtĩ ha. Vẽn kar kren han tĩ ěn vễ mỹr,” he ag tóg mũ, ũn týtá ěn fi mỹ. Hã kĩ Samaria tá ke tỹ hẽn ri ke ag vĩ Jesus ki ge kĩ nỹtĩ.

Jesus tỹ pã'i kósin tỹ há' he

⁴³ Jesus tỹ Samaria tá ke ag mré kurã régre tũg kar tóg ga tỹ Galiléia ra tĩ mũ sir.

⁴⁴ “Ũ tỹ Topẽ vĩ tó ti ěn jamã tá ke ag ne tóg Topẽ vĩ tó tĩ ěn to é he tĩ’,” he ja tóg nĩ, Jesus ti, hã kĩ tóg kór há ra tĩ mũ, Galiléia ra.

⁴⁵ Hã ra ag tóg, ti tỹ tá jun kĩ (ag tóg) ti mỹ vĩ há han mũ. Ti ve ja ag tóg nĩ, Jerusalém tá, festa tỹ Páscoa ěn tá, kĩ ag tóg ti tỹ tá nén hyn han ja ěn ve kãn. Hã kĩ ag tóg ti mỹ vĩ há han mũ.

⁴⁶ Kĩ Jesus tóg ěmã tỹ Caná ra tĩg mãn mũ, ga tỹ Galiléia tá ěmã tỹ Caná ěn ra. Tá tóg goj tỹ vinho han ja nĩgtĩ. Ěn tá cidade tỹ Cafarnaum vĩ kakó nĩ.

Cafarnaum tá pã'i mág tóg nĩgtĩ. Ti kosin vĩ kaga nỹ nĩ.

⁴⁷ Kĩ tóg mễg mũ, Jesus tỹ Judéia tá kãtĩg ja ti, ti tỹ Galiléia tá jun ja ti, pã'i mág ěn ti. Kĩ tóg ti venh kãtĩ mũ. “Inh mré inh kósin venh kãtĩg,” he tóg mũ, Jesus mỹ. “Kaga jagy tóg nỹ, kĩ tóg inh mỹ ti ter ha mẽ tĩ. Ā mỹ ti tỹ há' henh ke tũ?” he tóg, pã'i mág ti Jesus mỹ.

⁴⁸ Hã ra Jesus tóg ti mỹ: “isỹ ěg tỹ nén han vãnhan mũ ve sór ãjag tóg mũ, ãjag tỹ hẽn ri ke mũn inh ki ge jé,” he tóg, Jesus ti.

49 Hã ra pã'i ên tóg Jesus ti mÿ: “vó,” he mũ. “Kuri inh mré tĩg, ti ter tũ nĩ jé,” he tóg.

50 Kÿ Jesus tóg ti mÿ: “ha ã hã tĩg,” he mũ. “Há tóg nĩ ha, ã kósin ti,” he tóg. Kÿ tóg Jesus vĩ tag kri fi kÿ tĩ mũ sir, pã'i ên ti.

51 Ti tĩg kÿ tóg ã camarada ag kato tẽ mũ. Tÿ vaj kÿ ke vẽ. Ti ãn tá ag tóg kãmũ mũ, kÿ ag tóg ti mÿ: “ã kósin tóg há' hé huri,” he mũ sir.

52 Kÿ tóg ag mÿ: “ti rã tÿ hẽ kã sa ra há' hé?” he mũ. Kÿ ag tóg ti mÿ: “rãké tá, meio dia pãte ke sĩ,” he mũ. “Ên kã ti rÿg tóg tũ' he mũ,” he ag tóg ti mÿ.

53 Hora ên kã Jesus tóg ti mÿ: “ã kósin vÿ há nĩ,” he ja nĩ. Kÿ tóg to jykrén há han mũ sir, pã'i ên ti, kÿ tóg Jesus ki rã mũ, ti prũ fi ke gé, ti krẽ kar ag ke gé, ti camarada kar ag ke gé.

54 Jesus vÿ ga tÿ Judéia tá kãtĩg kÿ ga tÿ Galiléia ra tĩg ja nĩ. Ên kã tóg milagre ên han, kÿ tóg tÿ régre nÿtĩ, ti tÿ êg tÿ nén ù han vãn hyn han mũ ti.

5

Jesus tÿ ùn grĩn grĩn kÿ nÿ tÿ há' he

1 Tag pãte Judeu ag tÿ festa há ù tóg kejẽn kutẽ mũ, kÿ Jesus vÿ Jerusalém ra tĩ mũ.

2 Tá goj nig tóg nĩgtĩ, cidade jy ró jãnkã rã hã, jãnkã ên jijin hã vÿ: carneiro jo jãnkã, he mũ. Goj pãnĩn tóg ãn tÿ 5 (ke) nÿtĩ, vãn kaga jo ãn. Goj ên jÿjÿ hã vÿ: Betesda, he mũ.

3 Ên tá vãn kaga tÿ hãn ri ke ag vÿ nÿtĩgtĩ, ùn kyvó ag, ùn tĩg vãn ag, ùn grĩn grĩn kÿ nÿtĩ ag ke gé.

4 Goj vãn vãn he mũ jãvãn kÿ ag tóg nÿtĩ. Kejẽn Topẽ tÿ jẽnẽ jafã vÿ goj ki rã kÿ tÿ vãnvãn he han

mũ. Æn kã ù tỹ kãrãn vén mũ Æn tóg há' he tĩ. Vẽnh kaga kar tỹ há' he ti tĩ, goj vãnvor mũ Æn, ù tỹ ki ge vén mũ ag kar tỹ.

⁵ Æn tá ù tóg nĩgtĩ, ùn kaga ù. Kaga nĩ ki tóg 38 (ke) anos han mũ.

⁶ Kỹ Jesus tóg tá jun kỹ ti vég mũ, ti tỹ tá nỹn kỹ. Hã ra tóg ki kanhró nĩ, ti tỹ vãsỹ tá kaga nỹ ki. Kỹ tóg ti mỹ: “ã mỹ há' he sór tũ?” he mũ.

⁷ Hã ra tóg ti mỹ: “vó,” he mũ. “Hã ra tóg tũ tĩ, ù tỹ goj kãkã inh fêg ke ti,” he tóg, ùn kaga ti. “Goj tỹ vãn vãn he kỹ ag tóg inh jo kã ra ge tĩ, ijo tá jun kỹ,” he tóg, ùn kaga si Æn ti.

⁸ Kỹ Jesus tóg ti mỹ: “jêg ra,” he mũ. “Ã cama va tĩg,” he tóg, Jesus ti, ùn kaga si Æn mỹ.

⁹ Vêsỹmér tóg há' he mũ, kỹ tóg ã cama va tĩ mũ sir. Vẽnhkán ke kurã ki ke vễ, Jesus tỹ ti han mũ ti.

¹⁰ Ti tỹ vễnhkán ke kurã ki ã cama va tĩg kỹ pã'i ag tóg ti mỹ: “vễnhkán ke kurã ki êg tóg nén ù va tĩg ke tũ nĩ vễ,” he mũ. “Ã tỹ nén han ke tũ han ã tóg mũ,” he ag tóg ti mỹ.

¹¹ Kỹ tóg ag mỹ: “ũ tỹ isỹ há' he mũ Æn vỹ inh mỹ: “ã cama va tĩg,” he ja nĩ, hã kỹ sóg va tĩ mũ,” he tóg.

¹² Kỹ ag tóg ti mỹ: “ũ nỹ ã mỹ: “ã cama va tĩg,” hé?” he mũ.

¹³ Hã ra tóg ki kagtĩg nĩ, ù tỹ ti tỹ há' he mũ Æn ti. Jesus vỹ ti tỹ há' he kar tĩg ja nĩ, vêsỹmér. E ag nỹtĩ, goj Æn tá, vễnh kaga ag, hã kỹ Jesus tóg ag ré kỹ tĩg ja nĩ. Kỹ ùn kaga ja Æn tóg ti jiji mẽ ja tũ nĩ.

¹⁴ Kar kỹ Jesus tóg ti ve mãn mũ, Topê jo ãn tá. Kỹ tóg ti mỹ: “ha vé,” he mũ. “Ã tỹ inh há' hé. Topê vỹ mranh mãn sór tũg nĩ, ã tỹ ti vỹ mranh mãn mũ ra

ã tóg ã kaga kãfór venh ke mũ, ha vemni,” he tóg ti mĩ, Jesus ti, ã tỹ ù tỹ há' he ja ên mĩ.

¹⁵ Hã ra tóg tĩ mũ, pã'i ag mỹ Jesus ti tó jé.

¹⁶ Kĩ ag tóg ti tén sór mũ sir, ti tỹ vènhkán ke kurã ki ùn kaga ên tỹ há' hen kỹ.

¹⁷ Hã ra Jesus tóg pã'i ag mỹ: “inh panh vỹ rãnrãj kỹ nĩ nĩ, êg jóg mág ti,” he mũ. “Kỹ sóg ver ti kóm isũ han ke mũ gé,” he tóg, Jesus ti, pã'i ag mỹ.

¹⁸ Kĩ ag tóg ti to jũ jagy han mũ. “Ti tén jé êg tóg ke mũ,” he ag tóg mũ sir jagnẽ mỹ. Vènhkán ke kurã ên ki tóg ã tỹ nén han ke tũ ên han ja nĩ, Jesus ti, Judeu ag jykre tovãnh kỹ. Hã ra tóg Topẽ to: “inh panh vỹ tỹ ti nĩ,” he mũ gé. Ti tỹ vëso: “Topẽ ri ke inh nĩ,” he vë. Hã kỹ ag tóg ti to jũ mũ, pã'i ag.

Jesus tỹ ã tỹ tỹ Topẽ kósin nĩ kãmén

¹⁹ Kĩ Jesus tóg ag mỹ vènh kãmén mũ. “Ki hã sóg tó mũ, ha mẽ,” he tóg. “Êg jóg mág kósin vỹ ã pir mỹ nén ù han ki kagtĩg nĩ. Á panh vég ti tĩ, êg jóg mág kósin ti, kỹ tóg ã tỹ ã panh ki nén vég mũ ên hã han tĩ. Êg jóg mág tỹ nén han mũ ên hã han tóg tĩ gé, ti kósin ti.

²⁰ Êg jóg mág vỹ ã kósin to há tãvĩ nĩgtĩ, hã kỹ tóg ti mỹ ã tỹ nén han mũ ên ven kãn mũ. Ti tỹ nén han mũ ù ve ãjag huri, hã ra ãjag tóg ti kãfór venh ke mũ ver, ha vemni, kỹ tóg ãjag mỹ e tĩnh mũ.

²¹ Tag ve jé ãjag tóg ke mũ, ha mẽ. Êg jóg mág tóg ùn kãgter mũ ag rĩnrĩn mãn tĩ, ag rĩnrĩn nỹtĩ jé. Ên ri ke han jé tóg ke mũ gé, ti kósin ti. Á tỹ ùn rĩn mãn mũ ên rĩn mãn jé tóg ke mũ.

²² Kỹ êg jóg mág vỹ vènh kar jykre tugnyĩm ke mũ, hã ra tóg ã kósin mỹ tag tovãnh.

²³ Ti mǎ tóg tag tovãnh, vãnh kar tỹ ti to: “ũn mág vỹ tỹ ti nĩ,” he jé, ag tỹ ěg jóg mág to: “ũn mág vỹ tỹ ti nĩ,” he mũ tag ri ke. Ủ tỹ ti kósin mỹ: “ũn mág vỹ tỹ ã nĩ,” he jãvãnh kỹ tóg ěg jóg mág mỹ tag tónh ke tũ nĩ gé. Ti hã vỹ ã kósin jẽnê ja nĩgtĩ. Inh hã vê, ti kósin ti,” he tóg, Jesus ti.

²⁴ “Ăjag mỹ sóg tag tó mũ, ha mẽ. Ki hã sóg tó mũ, ha mẽ. Ủ tỹ inh vĩ jẽmẽg mũ ěn vỹ ter ke tũ nĩ, rĩr krỹg ja tũ ve jé tóg ke mũ, ti tỹ ù tỹ inh jẽnẽg mũ ěn ki rã kỹ jẽn kỹ. Ěn to tóg jũnh ke tũ nĩ, Topẽ ti. Ti ter ke vê vê, hã ra tóg ter ke tũ nĩ.

²⁵ Ki hã sóg tó mũ, ha mẽ. Kãnhmar ùn kãgter kỹ nỹtĩ ag vỹ Topẽ kósin vĩ mẽnh ke mũ, kỹ ùn tỹ ti vĩ mẽg mũ ag vỹ rĩnrĩr mãn ke mũ. Kakó tãvĩ ti nĩ ha, ag rĩnrĩr mãn ke kurã ti.

²⁶ Inh panh vỹ ã pir mỹ vãnh kar rĩnrĩr han ki kanhró nĩ, hã ra tóg inh mỹ ã jykre tag nĩm gé, sỹ vãnh kar rĩnrĩr han mãn jé gé, isỹ tỹ ti kósin nĩn kỹ.

²⁷ Kỹ tóg inh mỹ: “ẽprã ke kar jykre tugnyĩm nĩ,” he ja nĩgtĩ, isỹ tỹ ẽprã ke fi kósin nĩn kỹ.

²⁸ Tag hỹn tóg ăjag mỹ e tĩ, sỹ ăjag mỹ: “vãnh kar rĩnrĩr han jé sóg ke mũ,” hen kỹ. Sỹ ke há vê, hã ra. Kejẽn ùn kãgter mũ kar ag vỹ inh vĩ mẽnh ke mũ, kỹ ag tóg ăjag kej tá kãpa kãn ke mũ.

²⁹ Kỹ ùn tỹ vãnh jykre há han mũ ag vỹ rĩnrĩr mãn kỹ rĩr krỹg ja tũ ěn venh ke mũ, jãvo ùn tỹ vãnh jykre pãno han mũ ag rĩnrĩr mãn sĩ han kỹ nũgme ki vár kãn ke mũ,” he tóg, Jesus ti.

Jesus tỹ vãnh kãmén mũ

³⁰ Kỹ tóg ag mỹ: “inh pi(jé) isỹ vêsóg ki nén to jykrén mũ ěn han tĩ’,” he mũ, Jesus ti. “Inh panh tỹ

inh mý nén tó mũ ên hã tó sóg tĩ, isỹ vãnh kar jykre tugnȳm ken kỹ. Hã kỹ sóg ki hã tó tĩ, isỹ vėsóg ki to jykrén tũ nĩn kỹ. Ủ tỹ inh jẽnêg mũ ên tỹ inh mý nén tó mũ ên hã tó sóg tĩ, hã kỹ tóg há kar nĩ,” he tóg.

31 “Kỹ isỹ vėsó: “êg jóg mág vỹ inh jẽnê, inh panh ti,” henh mũ ra ãjag tóg inh mỹ: “ã ón nê,” henh ke mũ vễ.

32 Ủ vỹ iso: “Topê vỹ ti jẽnê,” he mũ. Hã ra tóg ki hã tó mũ, ủ tỹ iso tag tó mũ ti.

33 Kỹ ãjag tóg João ki jẽmê sór ja nĩ gé, hã kỹ ãjag tóg ti mỹ vãnh vĩ jẽnê ja nĩgtĩ. Kỹ tóg ãjag mỹ inh kãmén há han ja nĩgtĩ gé.

34 Hã ra tóg inh mý tỹ nén ủ tũ nĩ, êprã ke tỹ iso: “Topê vỹ ti jẽnê,” hen kỹ. Hã ra sóg ãjag mỹ João vĩ tó mũ, ãjag tỹ ti vĩ kri fi jé, ãjag tỹ inh ki ge jé, ãjag krenkren jé,” he tóg, Jesus ti.

35 “João vỹ ãjag mỹ lampiãõ gru ri ke ja nĩ, ãjag mỹ kurã sĩ han kỹ, ti tỹ ãjag mỹ Topê vĩ kãmén ja nĩn kỹ. Kỹ tóg ãjag mỹ sér tĩ ja nĩ, hã ra tóg kurã e han tũ nĩ.

36 João vỹ ãjag mỹ inh kãmén ja nĩ, hã ra nén ủ vỹ inh kãmén tĩ gé, kỹ tóg João vĩ kãfór nĩ. Inh panh vỹ inh mỹ: “êprã ke ag tỹ nén han vãnh hyn han nĩ, milagre ti,” he ja nĩ, hã kỹ sóg hyn han tĩ. Isỹ milagre hyn han mũ tag vỹ inh kãmén há han tĩ gé. ãjag tỹ milagre tag vigven kỹ ãjag tóg ki kanhrãn ke mũ vễ, êg jóg mág tỹ inh jẽnê jan ki, inh panh ti.

37 Kar kỹ êg jóg mág vỹ, ủ tỹ inh jẽnêg mũ ên vỹ inh kãmén tĩ gé. Ti vĩ jẽmêg tũ ãjag nỹtĩ, kỹ ãjag tóg ti vég tũ nĩ gé.

38 Kỹ ãjag tóg ti vĩ to jykrén há han tũ nĩ gé, ãjag tỹ inh ki ge sór tũ nỹtĩn kỹ. Ti hã vỹ inh jẽnê.

39 Topê vĩ to ke ãjag tóg tĩ. Há ti nĩ, tag ti. “Ëg tỹ Topê vĩ rá to ken kỹ ãg hỹn rĩr krỹg ja tũ venh ke mũ,” he ãjag tóg tĩ. Inh hã vỹ ki rán kỹ nĩ, ha mẽ, hã kỹ ki ve há han nĩ, vẽn rán ki,” he tóg.

40 “Hã ra ãjag tóg inh ki ge sór tũ nĩ. ãjag tỹ inh ki ge kỹ nỹtĩ ra ãjag rĩnrĩr kỹ nỹtĩnh mũ vễ,” he tóg, Jesus ti.

41 “Ëprã ke ag tỹ inh mỹ vĩ há han tũ ra tóg inh mỹ tỹ nén ù tũ nĩ.

42 Hã ra sóg ãjag jykre ki kanhró nĩ. ãjag pi(jé) Topê to há nỹtĩ’.

43 ãjag mỹ sóg: “ãg jóg mág vỹ inh jẽnẽ,” henh kãtĩg ja nĩ, hã ra ãjag tóg inh vĩ mẽ sór tũ nỹtĩ. Û tóg kejẽn ãjag mré vẽnén kãtĩg ke mũ, Topê tỹ ti jẽnẽg tũ (hã) ra. Ën vĩ jẽmẽ jé ãjag ke mũ, ha vemnĩ.

44 Inh ki ge sór tũ ãjag nỹtĩ, ãjag tỹ ãprã ke ag vĩ jẽmẽn kỹ. Ëprã ke ag tỹ ãjag mỹ vĩ há han kỹ tóg ãjag mỹ sér tĩ. Kỹ ãjag tóg Topê tỹ ãjag mỹ nén tónh ke mũ mĩ ãkrég tũ nĩgtĩ. “Inh jykre mỹ ti mỹ há nĩ vỹ?” he sór tũ ãjag nĩ.

45 ãjag hỹn iso: “ti hỹn ãg to vĩ kónãn sór mũ, ãg jóg mág mỹ,” he tĩ. Hã tũ vễ. Û tỹ ãjag to vĩ kónãn ke mũ hã vỹ tỹ Moisés nĩ, ãjag tỹ ù to: “ti hỹn ãg to há tãvĩ nĩ,” he mũ ãn ti.

46 ãjag tỹ Moisés vĩ kri fi (hã) ra ãjag tóg inh vĩ kri nĩm ke mũ gé vễ vễ. Moisés vỹ iso livro han ja nĩ, ha mẽ.

47 Hã ra ãjag tóg ti vĩ rá kri fi sór tũ nĩ, hã kỹ ãjag tóg inh vĩ kri nĩm sór tũ nĩ gé,” he tóg, Jesus ti. Tĩ tỹ pã’i ag mỹ vẽn kãmén hã vễ.

6

Jesus tỹ ùn e jẽn

(Mt 14.13-21; Mc 6.30-44; Lc 9.10-17)

¹ Tag pãte Jesus tóg kejẽn ga tỹ Galiléia tá goj nig fĩn rãm mũ. Goj ẽn jiji hã vỹ: Tiberíades, he mũ.

² Kỹ ù tỹ hẽn ri ke ag vỹ ti venh kãmũ mũ, ti nón, ùn e tãvĩ ag. Ti tỹ nén han vãn hyn han mũ ẽn ve ja ag tóg nĩ, ti tỹ ùn kagyga ag tỹ há' he mũ ti.

³ Kỹ Jesus tóg pãnónh tá ã mré mũ tĩ ag mré nĩ nĩ.

⁴ Festa tỹ Páscoa ẽn vỹ kakó nĩ ha, Judeu ag tỹ festa han tĩ ẽn ti.

⁵ Kỹ Jesus vỹ ùn e ẽn ki ẽvãn h mũ, ù tỹ ti vĩ mẽnh kãmũ mũ ag ki. Kỹ tóg Filipe mỹ: “ẽg hỹn hẽ tá vễjẽn venh ke mũ, ẽg tỹ ùn e tag ag mỹ ven jé?” he mũ, Jesus ti.

⁶ Filipe mỹ tóg ke mũ, ti tỹ to ti jykre ve jé. Jãvo Jesus vỹ to jykren há han huri, ti tỹ nén han ke mũ ẽn to.

⁷ Kỹ Filipe tóg ti mỹ: “ẽg tỹ ùn e tag ag mỹ nén ù sĩ ven jé ẽg hỹn jãnkamy tỹ hẽn ri ke to comprar henh ke mũ, hã ran kãkyn kenh ke mũ, ha vemnĩ,” he tóg, Filipe ti.

⁸ Kỹ ag mré tĩ ù tóg, André he mũ ẽn tóg, Simão Pedro jãvy ẽn tóg Jesus mỹ:

⁹ “kyrũ ù tóg cevada tỹ ẽmĩ tỹ 5 (ke) ma kãtĩg ja nĩ, kãkufár régre mré,” he mũ. “Hã ra tóg tỹ nén ù tũ pẽ nĩ, vễjẽn sĩ tag. E tãvĩ ag nỹtĩ,” he tóg mũ, André ti.

¹⁰ Hã ra Jesus tóg: “ag mỹ: “nĩgnĩ ra,” hé,” he mũ. Kỹ ag tóg nĩgnĩ mũ. Tá tóg re gỹnh nĩ, hã kỹ ag tóg tá nĩgnĩ kỹ nỹtĩ. ùn tỹ 5 mil (ke) ag hỹn tá nỹtĩ, ẽg tỹ ag tãvĩ tón kỹ, hã ra fag tóg tá nỹtĩ gé, gĩr tỹ hẽn ri ke ke gé.

11 Ag nĩgnĩ kũ Jesus tóg ěmĩ ěn mǎg mũ, kũ tóg Topě mĩ: “há ti nĩ,” he mũ. Kũ tóg ag mĩ vėnh kǎpópǎm mũ sir, kǎkufár ěn ke gé. Kũ vėnh kar vỹ ag tỹ nén ko sór mũ ěn ko mũ sir. Sĩ tũ tóg nĩ, vějėn ti.

12 Ag funfór nỹtĩn kũ Jesus tóg ǎ mré mũ tĩ ag mỹ: “ag tỹ ko ja tũ ěn génh mũjėg, ti vǎgfor tũ nĩ jé,” he mũ.

13 Kũ ag tóg kěj tỹ 12 (ke) fǎn mũ, cevada tỹ ěmĩ tỹ 5 (ke) ěn ke tỹ, vėnh e ěn tỹ ko kar kũ.

14 Kũ tóg ag mỹ e tĩ, ag tỹ Jesus tỹ milagre tag han mũ ven kũ. Kũ ag tóg ti to: “Topě vĩ tó tĩ ěn hǎ vė,” he mũ. “Ěg tỹ ũn jǎvǎnh mũ ěn hỹn tóg,” he ag tóg, Jesus to.

15 Hǎ ra Jesus vỹ ki kanhró nĩ, ag tỹ nén han sór mũ ti. Ag tỹ Jesus tỹ pǎ'i mág tỹ rei han sór vė. Tag ki kanhró tóg nĩ, Jesus ti. Hǎ kũ tóg ǎ pir mỹ tĩ mũ, pǎnónh ra, vėnh pėju jé.

Jesus tỹ goj nig kri tĩ (Mt 1422-33; Mc 645-52)

16 Kutyy ke mũ ra ti mré mũ tĩ ag tóg goj nig ra mũ mũ.

17 Barco kǎra ge kũ ag tóg goj fĩn rǎm sór kũ Cafarnaum ra mũ sór mũ. Kejėn tóg kutyy pė nỹ ha, hǎ ra Jesus tóg ag to vỹn ke ja tũ nĩ ver.

18 Kũ vǎhǎ kóho jũ vỹ kǎtĩ mũ, kũ goj vỹ krém ke mũ.

19 Mũ sĩ han ja ag nĩ, 5 (ke) quilômetros, hỹn, ke tũ nĩ kũ 6 (ke) quilômetros, goj kri. Vǎhǎ ag tóg Jesus vėg mũ sir, ti tỹ goj kri tĩg kũ. Ag barco ki tóg jun mũ. Kũ ag kaně tóg jũrũn ke mũ.

20 Hǎ ra Jesus tóg ag mỹ: “inh hǎ vė, mũmėg tũg nĩ,” he mũ.

21 Kĩ tóg ag mỹ sér tĩ, kĩ tóg barco kãra rã mũ sir, ag mré. Tĩ tỹ ag mré nĩn kĩ ag tóg kãnhmar junjun mũ, kafã ù tá.

Věnh kar tỹ Jesus ve sór

22 Hã ra věnh e ěn vỹ kafã ù tá nỹtĩ ver. Tỹ vaj kĩ ag tóg Jesus jãvãnh mũ, tá. Tĩ jãvãnh kĩ ag tóg: “barco pir vỹ kã nỹ ja nĩ, kuty kĩ,” he mũ. “Kỹ ti mré mũ tĩ ag vỹ barco ěn kãra ge kĩ mũ ja nĩ, hã ra tóg ag mré tĩg ja tũ nĩ,” he ag tóg mũ sir jagně mỹ, ùn e ěn ag. Tag tó mũ ra ag tóg Jesus vэг tũ nĩ gé.

23 Kỹ barco ù tóg ki junjun mũ, cidade tỹ Tiberiades tá kãmũ ù. Věnh e ěn tá ag tóg junjun mũ. Tá Jesus vỹ ěmĩ to Topě mré vỹ ja nĩ, kar kĩ tóg věnh e ěn mỹ věnh kãpópãm ja nĩ.

24 Barco tỹ tá junjun mũ ra ag tóg kãra ge kĩ mũ mũ sir, Cafarnaum ra, ti ve jé. “Ki ti tũ nĩ, ti mré mũ tĩ ag vỹ ki tũgtũ nĩ gé. Mũ nỹ, ti nón,” he ag tóg mũ sir, ùn e ag, hã kĩ ag tóg ti nón mũ mũ.

Kanhkã tá pão

25 Ag tỹ Cafarnaum tá junjun kĩ ag tóg tá ti vэг mũ sir, goj nig kafã ù tá, ùn e ěn ag. Kỹ ag tóg ti mỹ: “hě ri ken kĩ ã ki jun?” he mũ.

26 Kỹ Jesus tóg ag mỹ: “ha mẽ, ki hã sóg tó mũ,” he mũ. “Ăjag tỹ ěmĩ ko ja tũgrĩn ãjag tóg inh ve sór mũ,” he tóg. “Sỹ milagre hyn han tí ěn vэг ãjag tóg tĩ, hã ra ãjag tóg to jykrén há han tũ nĩgtĩ,” he tóg. “Ăjag tógá nỹtĩ tag hã ve sór ãjag tóg mũ.

27 Ęg tỹ tag ki vějěn vэг mũ ěn vỹ kãnhmar tũ' henh ke mũ, kĩ tag tãvĩ to vãsãn sór tũg nĩ. Vějěn ù jé vãsãn nĩ, ěmĩ tỹ ãjag rĩnrĩr pě han mũ ěn jé, ěmĩ kórég vãnh ěn jé. Sỹ ãjag mỹ ěmĩ ěn nĩm sór vẹ. Ęg

jóg tỹ Topẽ tỹ inh mỹ vãnh rãnhrāj nĩm ja hã vễ. Ti tỹ inh mỹ tag tó hã kỹ sóg ãjag mỹ nĩm sór mũ, ẽmĩ ti. Tỹ sóg ẽprã ke fi kósin nĩ mỹr,” he tóg ag mỹ, Jesus ti.

²⁸ Kỹ ag tóg ti mỹ: “kỹ ẽg hỹn hẽ ri kenh ke mũ, ẽg tỹ Topẽ jykre han jé?” he mũ.

²⁹ Kỹ Jesus tóg ag mỹ: “Topẽ tỹ ùn jẽnẽg mũ ẽn ki gemnĩ,” he mũ.

³⁰ Kỹ ag tóg ti mỹ: “kỹ ã hỹn ne han ke mũ, ẽg tỹ ve kỹ ã ki gen jé?” he mũ. “Ã hỹn ne han há nĩgtĩ?”

³¹ Ẽg jóg'jóg ve ag vỹ kanhkã tá pão ẽn kó, maná he mũ ẽn, ag tỹ ga kórég ẽn mĩ mũn kỹ. Ag to tag vỹ rán kỹ nĩ, ha mẽ: “kanhkã tá tóg ag mỹ pão jẽnẽ, ag tỹ ko jé,” he ja tóg nĩ, Topẽ vĩ tỹ rán kỹ nĩ ki. Jãvo ã hỹn ẽg mỹ ne han ke mũ?” he ag tóg, Jesus mỹ, ti vĩ kãfãn kỹ.

³² Kỹ Jesus tóg ag mỹ: “Moisés pi(jé) ãjag mỹ kanhkã tá pão pẽ nĩm ja nĩ,” he mũ. “Ki hã sóg tó mũ, ha mẽ,” he tóg. “Ủ tỹ ãjag mỹ kanhkã tá pão pẽ nĩm mũ ẽn vỹ tỹ inh panh nĩ.

³³ Topẽ jamĩ vỹ kanhkã tá kãtére mũ. Ẽn vỹ ẽprã ke kar rĩnrĩr han mũ,” he tóg, Jesus ti.

³⁴ Kỹ ag tóg ti mỹ: “ẽg mỹ ẽmĩ ẽn nĩm, kurã kar ki,” he mũ.

³⁵ Kỹ Jesus tóg ag mỹ vãnh kãmén mũ sir. “Inh hã vỹ tỹ ẽmĩ ẽn ri ke nĩ, inh hã vỹ ãjag rĩnrĩr han ke mũ,” he tóg. “Ẽg tỹ vễjẽn ko mũ ra ẽg tóg kãnhmar kókĩr mãn' he tí, goj kron mãn sór ẽg tí gé. Ủ tỹ iso kãtĩg mũ ẽn mỹ tóg hã ra sér tĩnh mũ, ti tỹ inh ki rã kỹ. Tĩ mỹ sér tí ẽn vỹ tũg' henh ke tũ pẽ nĩ. Isỹ ti mỹ vãnh jykre nĩm ke mũ ẽn vỹ vễjẽn kãfór nĩ,” he tóg, Jesus ti.

36 “Hã ra ãjag tóg ãjag tỹ inh vég mũ ra inh ki ge sór tũ nĩ.

37 Inh panh vỹ ù ag kuprẽg mũ, ag tỹ tỹ isũ nỹtĩ jé. Ën ag vỹ iso kãmũ tĩ. Û tỹ iso kãmũ tĩ kar ag vỹ inh mỹ há nỹtĩ. Inh pi(jé) ù mỹ: “inh mré kãtĩ tũg,” henh ke mũ'.

38 Kanhkã tá sóg kãtére ja nĩ. Inh pi(jé) isỹ vėsóg ki nén to jykrén mũ ãn han sór mũ'. Û tỹ inh jẽnẽg mũ tỹ inh mỹ nén tó mũ ãn hã han sóg tĩ, hã jé sóg tá kãtére ja nĩ.

39 Ti tỹ inh mỹ nén tó mũn hã vễ, ha mẽ. “Isỹ ã mỹ ùn jẽnẽnh ke mũ ãn ki rĩr há han nĩ, ag vãngfor tũ nĩ jé,” he ja tóg nĩ, inh mỹ, inh panh ti. Hã kỹ sóg ke mũ. Kỹ sóg ag rĩnrĩn mãn ke mũ, kurã tỹ ãgno ki.

40 Hỹ, tag vỹ inh panh mỹ há nĩ. Û tỹ ti kósin to kãmũ mũ ãn mỹ tóg rĩr krỹg ja tũ ven ke mũ, inh panh ti, ù tỹ inh ki ge kỹ nỹtĩ ag kar mỹ. Kỹ sóg kurã tỹ ãgno ki ag rĩnrĩn mãn kãn ke mũ, ha vemnĩ,” he tóg, Jesus ti. Ti tỹ Judeu ag mỹ vẽn hãmén hã vễ.

Ëg tỹ Jesus nĩ konh ke

41 Kỹ Judeu ag tóg Jesus kato vĩ mũ, ti vĩ to, ti tỹ ag mỹ: “ẽmĩ tỹ kanhkã tá kãtére mũ ãn ri ke inh nĩ,” henh kỹ.

42 “Ti ki kanhró ãg nỹtĩ,” he ag tóg mũ. “José kósin vễ, Jesus tag ti. Ti han mũ fag ki kanhró ãg nỹtĩ. Hã ra tóg vėsó: “kanhkã tá sóg kãtére,” he sór mũ,” he ag tóg mũ, Jesus to.

43 Hã ra tóg ag mỹ: “iso vĩ kónãn tũg nĩ, jagnẽ mỹ,” he mũ.

44 “Inh panh tỹ ùn krĩn mũ ag hã vỹ iso kãmũnh mũ. Û tỹ iso kãmũ mũ ag rĩnrĩn mãn jé sóg ke mũ, kurã tỹ ãgno ki.

45 Topê vî tó tĩ ù vỹ tag rán ja nĩ, ha mẽ: “Topê vỹ vãnh kar kanhrãn ke mũ,” he ja ti nĩ. Hã kỹ ù tỹ inh panh vĩ mễg mũ ag hã tóg iso kãmũnh ke mũ, inh panh tỹ ùn kanhrãn mũ ag.

46 Êprã ke ù pi(jé) inh panh ve ja nĩ'. Û tỹ Topê tá kãtĩ mũ ẽn hã vỹ ti ve ja nĩ, inh,” he tóg, Jesus ti.

47 “Sỹ ãjag mỹ ki hã tó mũn hã vễ. Û tỹ inh ki rã mũ ẽn vỹ rĩr krỹg ja tũ ẽn venh ke mũ.

48 Inh hã vỹ ẽmĩ pẽ ri ke nĩ, inh hã vỹ ãjag rĩnrĩr han ke mũ.

49 ãjag jóg'jóg ve ag vỹ, ag tỹ ga kórég mĩ mũn kỹ ag tóg kanhkã tá ẽmĩ ẽn ko ja nĩgtĩ, maná he mũ ẽn, ag tỹ ko mũ (hã) ra ag tóg kãgter kãn.

50 Û tỹ ẽmĩ tỹ ẽg rĩnrĩr han mũ ẽn ko kỹ, ù tỹ kanhkã tá kãtére ja ẽn ki rã kỹ tóg ter ke tũ pẽ nĩ.

51 Ẽmĩ ẽn hã vỹ tỹ inh nĩ, inh hã vỹ kanhkã tá kãtére, inh hã vỹ ãjag rĩnrĩr han ke mũ. ãjag tỹ ẽmĩ tag ko kỹ ãjag ter ke tũ pẽ nĩ. Isỹ vãnh kar mỹ vễjẽn nĩm ke hã vễ, hã vỹ: inh nĩ, he mũ. ãjag tỹ inh nĩ kon kỹ ãjag rĩnrĩr nỹtĩnh mũ,” he tóg, Jesus ti.

52 Kỹ Judeu ag vỹ jagnẽ mỹ: “ti mỹ ẽg mỹ ã nĩ nĩm ke mũ, ẽg tỹ ti nĩ ko jé?” he mũ. “Vẽnhmỹ ti nĩ, tag,” he ag tóg mũ.

53 Kỹ Jesus tóg ag mỹ: “isỹ ãjag mỹ ke há vễ,” he mũ. “ãjag tỹ inh nĩ ko sór tũ nĩn kỹ, ãjag tỹ inh kyvẻnh kron sór tũ nĩn kỹ, ãjag rĩnrĩr ke tũ pẽ nĩ. Tỹ sóg ẽprã ke fi kósin nĩ,” he tóg, Jesus ti.

54 “Û tỹ inh nĩ ko kỹ, ù tỹ inh kyvẻnh kron kỹ tóg rĩr krỹg ja tũ venh ke mũ, kỹ sóg ti rĩn mãn ke mũ, kurã tỹ ẽgno ki.

55 Inh nĩ vỹ tỹ vễjẽn pẽ nĩ, inh kyvénh vỹ tỹ ẽg tỹ kron jafã pẽ nĩ gé.

56 Ủ tỹ inh nĩ kon kỹ, ti tỹ inh kyvénh kron kỹ tóg inh ki rã kỹ jẽ nĩ, kỹ sóg ti kãki nĩ gé. Jagnẽ mré ke vỹ tỹ ẽg nỹtĩ.

57 Inh panh vỹ rĩr nĩ. Ti hã vỹ inh jẽnẽ, ti tugrĩn sóg rĩr jẽ. Kỹ ủ tỹ inh ki rã mũ ẽn vỹ isugnĩn rĩr ke mũ gé.

58 Ễmĩ tỹ kanhkã tá kãtère jan hã vễ. Ầjag jóg'jóg ve ag tỹ ễmĩ ko ja ẽn ri ke tũ ti nĩ. Ag hã vỹ ầjag tỹ ko mũ ra kãgter kãn ja nĩgtĩ. Ủ tỹ ễmĩ pẽ tag ko kỹ tóg ter mãn ke tũ nĩ. Inh ki rã to ken hã vễ,” he tóg, Jesus ti.

59 Cafarnaum tá tóg ag kanhrãn mũ, kỹ tóg ag mỹ vễnh kãmén kãn mũ, Jesus ti, ag tỹ vễnh kanhrãn jafã ẽn krẽm.

Ủ tỹ ón kỹ Jesus mré mũ tĩ ag tỹ ti tovãnh

60 Kỹ tóg ti mré mũ tĩ ủ ag mỹ e tĩ, ti vĩ ti. Kỹ ag tóg: “tĩ vĩ vỹ ẽg mỹ mẽ jagy tĩ,” he mũ. “Mẽ jãvãnh ẽg tóg nỹtĩ, ti tỹ ửri ẽg mỹ nén tó mũ tag ti,” he ag tóg mũ.

61 Hã ra Jesus tóg ki kanhró nĩ, ag tỹ ti vĩ tag to vĩ kónãn mũ ti. Hã kỹ tóg ag mỹ: “tag mỹ ầjag mỹ há tũ nĩ?” he mũ.

62 “Kỹ ầjag hỹn hẽ ri kenh ke mũ, ầjag tỹ hẽn ri ke mũn isỹ kanhkã ra tĩg mãn ven kỹ, isỹ hẽ tá kãtère ja ẽn ra tĩg mãn kỹ, isỹ tỹ ẽprã ke fi kósin nĩn kỹ?” he tóg.

63 “Ủ tỹ ẽg rĩnrĩr han mũ vỹ tỹ Topẽ kuprĩg ti nĩ. Isỹ ầjag mỹ inh nĩ ko mũ tag to ken hã vễ, hã vỹ: inh ki rã, he mũ. Inh vĩ tag ki króm tugrĩn ầjag rĩnrĩr nỹtĩnh ke mũ.

64 Hã ra ãjag tóg inh vĩ kri fi sór tũ nýtĩ,” he tóg, Jesus ti. Ag jykre ki kanhró tóg nĩ, vėsóg ki, Jesus ti, hã kýtóg ke mũ. Ủ tỹ ón kýtĩ ã ki ge mũ ên ki kanhró tóg nĩ. Kýtóg ù tỹ pã'i ag mýtĩ ti tónh ke mũ ên ki kanhró nĩ gé.

65 Kýtóg ag mýtĩ: “hã kýtóg ãjag mýtĩ: “inh panh tỹ ùn krĩn mũ ag hã vĩ iso kãmũnh ke mũ,” he ja nĩ,” he mũ, Jesus ti.

66 Jesus vĩ tag tugrĩn ti mré mũ tĩ ù ag tóg ti tovãnh mũ sir, ti mré ag mũ mãn tũ nĩ.

67 Kýtĩ Jesus tóg ù tỹ 12 (ke) ag mýtĩ: “ãjag hỹn isovãnh sór mũ gé,” he mũ.

68 Kýtĩ Simão Pedro tóg ti mýtĩ: “êg tỹ ã tovãnh mũ ra êg hỹn ù mré mũnh ke mũ?” he mũ. “Ã hã vĩ êg mýtĩ Topẽ vĩ tó tĩ, kýtĩ êg tóg rĩr krỹg ja tũ vẽn ke mũ, êg tỹ ã vĩ kri fi kýtĩ.

69 ã ki êg ge kýtĩ nýtĩ, kýtĩ êg tóg ã ki kanhró nýtĩ. Cristo vĩ tỹ ã nĩ, Topẽ vĩ êg mýtĩ ã jẽnẽ,” he tóg, Pedro ti, Jesus mýtĩ.

70 Kýtĩ Jesus tóg ù tỹ 12 (ke) ag mýtĩ: “ãjag kuprẽg inh,” he mũ, “hã kýtĩ ãjag tóg tỹ ù tỹ 12 (ke) nýtĩ,” he tóg. “Hã ra ãjag kãmĩ ùn pir vĩ tỹ Japo tũ nĩ jãvo,” he tóg, Jesus ti.

71 Ti tỹ Judas ên tó vẽn, Simão Iscariotes kósın ên. Ên vĩ kejẽn Jesus tovãnh kýtĩ pã'i ag mýtĩ ti ven, ag tỹ ti se jé. Ủ tỹ 12 (ke) ag kã ù ja vẽn, Judas ti. Hã ra Jesus tóg ti tỹ nén han ke mũ ên ki kanhró ja nĩ.

7

1 Tag pãte Jesus tóg ga tỹ Galiléia mĩ tĩ mũ. Ga tỹ Judéia ra tĩg sór tũ ti nĩ ver, ag tỹ Judéia tá ti tén sór nýtĩn kýtĩ, Judeu ag pã'i ag.

² Kejẽn tóg Judeu ag tỹ festa há ù tá krỹg mũ. Festa ẽn kurã ki ag tóg pãjó krẽm nỹtĩ, Jerusalém tá.

³ Kỹ Jesus jãvy ag tóg ti mỹ: “ga tỹ Judéia ra tĩg nĩ, Jerusalém ra,” he mũ. “Ã tỹ tag hã ki milagre hyn han kỹ tá ã mré ke ag tóg vég tũ nĩgtĩ, hã kỹ cidade mág ra tĩg nĩ.

⁴ Vẽnh kar tỹ ẽg jykre ve jé ẽg tóg vẽn kar rĩnve ẽg tỹ nén han ke mũ ẽn han tĩ. Hã ra ã tóg ag vatánh tá milagre ti hyn han tĩ. Ag rĩnve han nĩ, ã tỹ nén han ke ti,” he ag tóg mũ, Jesus mỹ, ti jãvy ag.

⁵ Ag pi(jé) ti ki ge kỹ nỹtĩ', ti jãvy ag, hã kỹ ag tóg ti to é he mũ.

⁶ Hã ra Jesus tóg ag mỹ: “inh kurã vỹ jun ja tũ nĩ ver, hã kỹ sóg tĩg sór tũ nĩ ver,” he mũ. “Ãjag hỹn kurã tũ nỹtĩ, kurã kar hỹn ãjag mỹ há nỹtĩ, hã ra sóg kurã nĩ.

⁷ Û tỹ iso jũ mũ ag pi(jé) ãjag to kórég nỹtĩ', hã ra ag tóg iso kórég nỹtĩ, isỹ ag mỹ: “ãjag jykre vỹ kórég pẽ nĩ,” hen kỹ.

⁸ Ha festa venh mũjẽg inhhã. Inh pi(jé) tĩg sór mũ', ver'. Inh kurã vỹ jun ja tũ nĩ ver,” he tóg, Jesus ti, ã jãvy ag mỹ.

⁹ Tag tó kar kỹ tóg ver ga tỹ Galiléia mũ tĩ mũ.

Jesus tỹ festa venh tĩ

¹⁰ Ti jãvy ag mũ kar kỹ kejẽn Jesus tóg tĩ mũ gé, Jerusalém ra, festa ẽn ve jé. Hã ra tóg vẽn kar vatánh tá tĩ mũ, vẽnh péju kỹ.

¹¹ Kỹ Judeu ag tóg festa ki ti jãvãnh mũ. Jagnẽ mỹ ag tóg: “ti hẽ kã nĩ?” he mũ.

12 Vēnh kar vỹ ti to vỹ mũ. Ủ ag tóg ti to: “ũn há vỹ tỹ ti nĩ,” he mũ. Jãvo ù ag tóg: “vó, ěg mỹ tóg ón tĩ,” he mũ gé.

13 Hã ra ag tóg jamã hár(a) ti to vēmén tũ nĩgtĩ, pã'i ag kamĕg kỹ.

14 Festa kuju ki Jesus kejĕn Topĕ jo ĩn ra tĩ mũ, ag kanhrãn jé.

15 Kỹ ti vỹ tóg vĕnh kar mỹ e tĩ. “Estudo mág han ja tũ ti nĩ, hã ra tóg ki kanhró pĕ nĩ,” he ag tóg mũ ti to, pã'i ag.

16 Kỹ Jesus tóg ag mỹ: “isỹ ãjag mỹ Topĕ vỹ tó vĕ,” he mũ. “Inh jykre pijé'. Ủ tỹ inh jĕnĕg mũ ěn jykre hã vĕ,” he tóg.

17 “Ủ tỹ Topĕ vỹ ki króm sór mũ ag vỹ ki kanhró nỹtĩnh mũ, sỹ ãjag mỹ ti jykre tó mũ tag ti ki. Isỹ vĕsóg ki sỹ nĕn tónh ke to jykrén mũ pijé',” he tóg.

18 “Ủ tỹ ã tỹ vĕsóg ki nĕn to jykrén mũ ěn tó kỹ tóg tỹ ùn mág nĩ sór mũ. Hã ra sóg ù tỹ inh jĕnĕg mũ ěn to: “ũn mág vỹ tỹ ti nĩ,” he mũ. Hã kỹ ãjag tóg ki kanhró nỹtĩ, isỹ ki hã tó mũn ki. Inh pi(jé) vĕnh jykre vĕnhmỹ tó tĩ'.

19 Moisés vỹ ãjag jyvĕn ja nĩgtĩ. Topĕ jykre to. Ājag tỹ ne jé ti vỹ han tũ nĩ nĕ? Isỹ ti vỹ ki króm mũ ra ãjag tóg isĕn sór mũ',” he tóg, Jesus ti.

20 Kỹ ùn e ěn ag tóg ti mỹ: “krĩ vĕnhmỹ ã tóg nĩ.” he mũ. “Ā tĕn sór tũ ěg nỹtĩ,” he ag tóg mũ, Jesus mỹ.

21 Hã ra Jesus tóg ag mỹ: “milagre pir han ja inh nĩ, vĕnhkán ke kurã ěn ki, kỹ tóg ãjag mỹ e tĩ,” he mũ.

22 “Vĕnhkán ke kurã ki ãjag tóg gĩr ag gré junun fár kym tĩ gé, Moisés tỹ ãjag mỹ: “ti mur pãte kurã tỹ 8 (ke) ki ti kym nĩ,” he ja nĩ ěn kỹ. Hã ra ù tỹ ã

krē fár kym vén pi(jé) tỹ Moisés nĩ ja nĩ'. Ti jo ke ũ ja vē, ũ tỹ kym vén ja ti.

²³ Ājag tỹ Moisés vĩ ki króm jé ājag tóg vēnhkán ke kurā ki gĩr fár kym tĩ. Hã ra ājag tóg iso jũ sór mũ, isỹ vēnhkán ke kurā ki ũn kaga pir tỹ há' hen kỹ.

²⁴ Ón kỹ ājag tóg iso jũ sór mũ. Inh jykre vỹ ājag mỹ kórég nĩ ve nĩ. Ājag tỹ to jykrén há han mũ ra ājag tóg inh jykre há nĩ venh mũ vē,” he tóg, Jesus ti.

Ag tỹ Jesus to: “ti mỹ tỹ Cristo nĩ vỹ?” he

²⁵ Kỹ Jerusalém tá ke ag tóg Jesus to: “ti tén sór ja ag tóg nĩ,” he mũ.

²⁶ “Hã ra tóg jatun mỹ vēnh kar mré vēmén jẽ nĩ. Ti mỹ ag tóg vĩ tũ nĩ, pã'i ag. Ag mỹ hên ri ke mũn ti to: “Cristo vỹ tỹ ti nĩ, Topẽ tỹ ũn jẽnẽg mũ vỹ tỹ ti nĩ,” he mũ vỹ, ěg pã'i ag?” he ag tóg mũ, Jesus to.

²⁷ “Hã ra ěg tóg ti tỹ hên tá kãtĩ mũ ki kanhró nỹtĩ. Cristo ěn kãtĩg kỹ ěg tóg ti tỹ hên tá kãtĩg mũ ki kagtĩg nỹtĩnh mũ, kỹ ti hỹn tỹ Cristo tũ nĩ,” he ag tóg mũ, Jesus to.

²⁸ Hã ra Jesus tóg Topẽ jo ĩn tá jẽ nĩ, vēnh kar kanhrãn kỹ. Kỹ tóg jamã hár(a) ag kanhrãn mũ. “Ti ki kanhró ěg nỹtĩ, he ājag tóg tĩ iso, ón kỹ,” he tóg. “Ti tỹ hên tá kãtĩ mũ ki kanhró ěg tóg nỹtĩ gé, he ājag tóg tĩ, ón kỹ. Inh pi(jé) vēsóg ki: inh hỹn tĩg mũ, hé'. Ũ tỹ inh jẽnẽg mũ ěn vỹ ki hã tó tĩ. Hã ra ājag tóg ti ki kagtĩg nỹtĩ, ũ tỹ inh jẽnẽg mũ ěn ti ki.

²⁹ Inh hã vỹ ti ki kanhró nĩ. Ti hã tá sóg kãtére, ājag ve jé, ti tỹ inh mỹ: “ha ag venh tĩg,” hen kỹ,” he tóg, Jesus ti.

30 Kÿ ag tóg ti se sór mũ, hã ra ag tóg ti vóg tũ pẽ nĩ ver. Ti ter ke kurã vỹ jun ja tũ nĩ ver, hã kÿ ag tóg ag tỹ ti se sór mũ ra ti ség tũ nĩ.

31 Ag jãvo ùn e ag tóg Jesus ki ge mũ. Ti to ag tóg: “ĕg mÿ tóg tỹ Cristo nĩ ve nĩ,” he mũ. “Cristo kãtĩg kÿ ti nẽji milagre hyn han ke mũ. Jesus tỹ milagre hyn han vỹ e nÿtĩ. Ĕg mÿ tóg tỹ Cristo nĩ,” he ag tóg, Jesus to. Tag tó kÿ ag tóg ti ki ge mũ.

Pã'i ag tỹ Jesus se sór

32 Kÿ Fariseu ag tóg mĕg mũ, ùn e ag tỹ Jesus to nén (ũ) tó mũ ti. Kÿ ag tóg Topẽ tũ ki rĩr tĩ to pã'i ag mré vĕmén mũ, ag tỹ Jesus senh ke to. Kÿ ag tóg polícia ag jĕnĕg mũ, ag tỹ ti se jé.

33 Hã ra Jesus tóg: “ãjag mré sóg nĩ sĩ han ke mũ ver,” he mũ. “Tag pãte sóg tĩg ke mũ, isÿ ù tỹ inh jĕnĕg mũ ĕn ve jé.

34 Ĕn kã tóg ãjag tỹ inh venh há tĩnh mũ, hã ra ãjag tóg inh venh ke tũ nĩ. Ĕn tá junjun ke tũ ãjag tóg nĩ, isÿ hĕn ra tĩg ke ĕn tá,” he tóg.

35 Kÿ Judeu ag tóg jagnĕ mÿ: “ti hÿn hĕ ra tĩg sór mũ?” he mũ. “Ĕg hÿn hĕ tá ti venh ke tũ nĩ? Ti hÿn hĕn ri ke mũn ga tỹ Grécia ra tĩg sór mũ, tá ĕg mré ke ag kanhrã jé.

36 Ne to ke nĕ, hÿn, hã vỹ: “ãjag tỹ inh venh há tóg tĩnh mũ, hã ra ãjag tóg inh venh ke tũ nĩ, he mũ tag ti?” he ag tóg, Judeu ag. Jesus vĩ vỹ ag mÿ e tĩ, hã kÿ ag tóg ki kagtĩg nÿtĩ, ti tỹ nén tó mũn ki.

Topẽ kuprĩg tỹ goj ri ke nĩ

37 Vãhã tóg festa tỹ kurã tỹ ĕgno tá krÿg mũ. Festa to kurã mág pẽ vĕ, kurã tỹ ĕgno ĕn ti, hã kÿ ag e tãvĩ nÿtĩ, Jerusalém tá. Kurã ĕn kã Jesus tóg jĕ kÿ vĕnh

kar mÿ prër mÿ sir. “!..Ājag tÿ goj kron sór kÿ inh mÿ to vÿ, isÿ ājag mÿ goj há ven jé..!” he tóg, prër kÿ.

³⁸ “!..Topě vÿ ki tag vÿ rán kÿ nÿ, ha mē: !..ājag tÿ inh ki ge kÿ tóg ājag kākī goj ror han ke mÿ, isÿ ājag mÿ goj nÿm ke ti..!” he tóg. “!..Kÿ goj tag vÿ ājag rÿnrÿr pē han ke mo..!” he tóg, Jesus ti. Ti tÿ ag mÿ prër jan hã vë.

³⁹ Jesus tÿ ag mÿ Topě kuprÿg tón hã vë, hã to tóg: goj, he mÿ. Topě kuprÿg tÿ tóg ag jagrën ke mÿ, ù tÿ ti ki ge mÿ ag. Festa ěn kã tóg ag mÿ ti jëně ja tũ nÿ ver, Topě kuprÿg ti, ti tÿ ver ã ter kar kÿ rÿr mãn ja tũ nÿn kÿ, ti tÿ ã panh ra tÿg mãn ja tũ nÿn kÿ ver.

Ag tÿ Jesus ki kagtÿg

⁴⁰ Kÿ Jesus vÿ mēg mÿ ù ag tóg ti to: “Topě vÿ tó tÿ pē ěn vë,” he mÿ.

⁴¹ Kÿ ù ag tóg ti to: “Cristo vÿ tÿ ti nÿ, Topě tÿ ěg mÿ ùn jëněg mÿ ěn vÿ tÿ ti nÿ,” he tÿ gé. Hã ra ù ag tóg: “Cristo mÿ hÿn ga tÿ Galiléia tá kãtÿ mÿ vÿ?” he mÿ.

⁴² “Topě vÿ rá ki tóg: “Davi kósin vÿ tÿ ti nÿ, Cristo ti,” he mÿ, “ěmã tÿ Belém tá ke vÿ tÿ ti nÿ, Davi jamã ěn tá ke,” he tóg, Topě vÿ rán kÿ nÿ ki. Hã kÿ tóg ěg mÿ tÿ Cristo tũ nÿ, Jesus ti, ti tÿ tÿ Galiléia tá ke nÿn kÿ,” he ag tóg.

⁴³ Hã kÿ ag tóg vënh kãpãm kÿ nÿtÿ, ti tugnÿn.

⁴⁴ Kÿ ag kãmÿ ù ag vÿ ti se sór mÿ, hã ra ag tóg ti kãgmÿg tũ nÿgtÿ, ti kamēg kÿ.

Pã'i ag tÿ Jesus ki ge sór tũ

⁴⁵ Kÿ polícia ag tóg Topě tũ ki rÿr tÿ to pã'i ag to vÿnvÿn ke mÿ, Fariseu ag to ke gé, ù tÿ ag jëgně ja ag to. Kÿ ag tóg ag mÿ: “hÿn, ti?” he mÿ.

46 Kÿ ag tóg: “hã ra tóg vî há tâvî han mû,” he mû. “Vênh vî tÿ ge mẽ ja tũ ãg nÿtĩ, hã kÿ ãg tóg ti kãgmĩ ja tũ nĩ,” he ag tóg mû, policia ag.

47 Kÿ Fariseu ag tóg ag mÿ: “kÿ ãjag mÿ ti vî kri nĩm sór mû', ti ón mû ra?” he mû.

48 “Pã'i ù mÿ ti vî kri fig mû'? Vó, ke tũ ãg nÿtĩ. Fariseu ù tÿ ti vî kri nĩm tũ nĩ gé.

49 Hã ra ag tóg ki kagtĩg nÿtĩ, ù tÿ ti vî kri fig mû ag. Topê vî rán ki kagtĩg ag nÿtĩ, kÿ Topê vÿ ag mÿ vî kónãn ke mû, ha vemnĩ,” he ag tóg mû, Fariseu ag.

50 Hã ra Nicodemos vÿ ag mré nĩ gé, ù tÿ kuty tá Jesus mré vēmén ja ěn ti. Ěn tóg ag mÿ:

51 “ãg tÿ ti vóg kónãn sór kÿ ãg tóg ti ki jēmẽ vén ke mû,” he mû. “Ti tÿ nén han ja to jÿkrén há han jé ãg tóg ke mû, ãg tÿ kar kÿ ti vóg kónãn jé. Topê tÿ ãg mÿ vènh jÿkre nĩm jan hã vè,” he tóg, Nicodemos ti.

52-53 Hã ra ag tóg ti mÿ: “ã hÿn tÿ Galiléia tá ke nĩ gé', hã kÿ ã tóg ti jÿ nĩgãn sór mû',” he mû. “Topê vî ki ve há han nĩ, kÿ ã tóg venh ke mû. Galiléia tá ke ù vÿ Topê vî tónh ke tũ pẽ nĩ, Topê vÿ tá ke ù jẽnẽnh ke tũ pẽ nĩ,” he ag tóg, Nicodemos mÿ. Kÿ ag tóg ãjag jamã ra mû mû sir, pã'i kar ag.

8

Jesus tÿ ùn tÿtã kórég fi mÿ vènh pãte fón

1 Hã ra Jesus tóg pãnónh tÿ Oliveiras ra tĩ mû, tá nũr jé.

2 Kurã ke ra tóg Jerusalém ra tĩg mãn kÿ (tóg) Topê jo ĩn tá nĩ mãn mû sir, kÿ vènh kar ag tóg ti vî mẽnh kãmũ mû. Tá nĩ kÿ tóg ag kanhrãn mû.

³ Kĩ Topẽ vĩ to professor ag vỹ ãn týtá fi pére kãmũ mũ, Fariseu ag ke gé. ãn týtá ãn fi ve ja ag tóg nĩ, fi tỹ fi mén tũ mré nỹn kỹ. Vẽnh kujú kã ag tóg fi fẽg mũ.

⁴ Kĩ ag tóg Jesus mỹ: “Senhor,” he mũ. “Fi ve ãg tóg, fi tỹ fi mén tũ mré nỹn kỹ,” he ag tóg, Jesus mỹ.

⁵ “Moisés vỹ ãg mỹ: “ãjag kãmĩ ã fi tỹ fi mén tũ mré nỹn kỹ fi tén nĩ, pó tỹ fi pin kỹ,” he ja nĩ. Jo ã hỹn hẽ ri ke tĩ?” he ag tóg, Jesus mỹ.

⁶ Ag tỹ ón kỹ ti vỹ mẽ sór vỹ, ag tỹ ti vỹ to ti se jé. Hã ra Jesus tóg pãnh ke kỹ nĩ kỹ ga kri rãn mũ, ã nĩgé tỹ. Vĩ tũ tóg nĩ.

⁷ Hã ra ag tóg ti tovãnh sór tũ nĩ. Kỹ tóg vãhã ag ki ãvãnh kỹ ag mỹ: “ãjag kãmĩ ã hỹn Topẽ vỹ mranh ja tũ nĩ ver,” he mũ. “Ën hỹn fi pin vén ke mũ, pó tỹ,” he tóg mũ.

⁸ Kỹ tóg pãnh ke mãn kỹ ga kri rãn mãn mũ.

⁹ Kỹ ti vỹ tóg ag mỹ e tĩ. Ag kar vỹ ãjag tỹ Topẽ vỹ mranh ja ãn mĩ ãkrég mũ sir, hã kỹ ag tóg mũ mũ sir. ãn si há ag vỹ mũ vén mũ, kar kỹ vẽnh kar ag. Komẽr hã ag tóg mũ kãn mũ. Vãhã Jesus vỹ ã pir mỹ nĩ, fi mré. Fi hã vỹ tá jẽ nĩ, ti mré.

¹⁰ Kỹ tóg fi ki ãvãnh kỹ fi mỹ: “ag hẽ ra kagáv, ã tỹ ã kato vỹ mũ ag?” he mũ. “Ag mỹ ã vóg kónãn tũ?” he tóg. Ag mũ kar kỹ tóg fi mỹ ke mũ.

¹¹ Hã ra fi tóg ti mỹ: “hỹ,” he mũ. Kỹ tóg fi mỹ: “kỹ inh hỹn ã vóg kónãn ke tũ nĩ gé,” he mũ. “Ha tĩg, jatun mỹ. Hã ra Topẽ vỹ mranh mãn sór tũg nĩ,” he tóg, Jesus ti. ãn týtá kórég ãn fi vóg kónãn sór ja tũ ti nĩ, Jesus ti.

Jesus tỹ jẽngrẽ ri ke nĩ

12 Kĩ Jesus tóg Topẽ jo ãn krẽm nĩ kĩ vẽn kar kanhrã mãn mũ. “Jẽngrẽ ri ke inh nĩ,” he tóg. “Ãjag tỹ inh mré mũn kĩ ãjag tóg kuty mũ mũ tũ nĩgtĩ. Jẽngrẽ mũ ãjag tóg mũgtĩ, kurã mũ. ãjag tỹ vẽn jykre tãg han ke to ken hã vẽn,” he tóg.

13 Hã ra Fariseu ag tóg ti vĩ kafãn mũ, kĩ ag tóg ti mỹ: “vẽn kãmén ã tóg mũ ha,” he mũ. “Ëg tỹ vẽn kãmén kĩ ãg tóg ón kĩ vĩ tĩ,” he ag tóg mũ sir.

14 Hã ra Jesus tóg ag mỹ: “hỹ,” he mũ. “Vẽn kãmén inh tĩ, hã ra sóg ki hã tó tĩ,” he tóg mũ. “Isỹ hẽ tá kãtĩg mũ ên ki kanhró inh nĩ, isỹ hẽ ra tĩg ke mũ ti ke gé,” he tóg. “Hã ra ãjag tóg inh ki kagtĩg nỹtĩ, isỹ hẽ tá kãtĩg mũn ki, isỹ hẽ ra tĩg ken ki ke gé. Ëprã ke ãjag nỹtĩ.

15 Kãnhmar ãjag tóg ã to: “jykre kórég ti nĩ,” henh ke mũ. ãjag jãvo sóg vẽn kar jykre to nén ã tó tũ nĩ ver.

16 Isỹ hã ra ã jykre to nén ã tó sór mũ ra sóg tó há han ke mũ vẽn. Inh pi(jé) inh pir mỹ nén ã to jykrén tĩ. ã tỹ inh jẽnẽg mũ vĩ inh mré nén ã kar to jykrén tĩ.

17 Kĩ ãn régre ag tỹ vẽn vĩ pir han kĩ tóg ãjag mỹ tỹ ki hã ke nĩ. Hã kĩ tóg rán kĩ nĩ, Topẽ vĩ tỹ rán kĩ nĩ ki.

18 Hã kĩ sóg vẽn kãmén mũ, hã ra inh panh tóg, ã tỹ inh jẽnẽg mũ tóg inh kãmén mũ gé. Régre ãg nỹtĩ, ã tỹ inh kãmén mũ ti,” he tóg, Jesus ti.

19 Kĩ ag tóg ti mỹ: “hỹn, ã panh ti?” he mũ. Kĩ Jesus tóg ag mỹ: “ãjag pi(jé) inh ki kanhró nỹtĩ,” he mũ. “Hã kĩ ãjag tóg inh panh ki kagtĩg nỹtĩ gé,” he tóg. “Ãjag tỹ inh ki kanhró nỹtĩ ra ãjag tóg inh panh ki kanhró nỹtĩnh mũ vẽn gé,” he tóg, Jesus ti.

20 Ti tỹ ag mỹ vẽnh kãmén hã vẽ. Topẽ jo ãn krẽm nĩ kỹ tóg ag mỹ vẽnh kãmén mũ, ti tỹ jãnkamy vin jafã rã hã nĩn kỹ. Kỹ pã'i ag tóg ti se sór mũ, hã ra ag tóg ti kãgmĩg tũ nĩgtĩ, ag tỹ ti kamẽg kỹ. Ti ter ke kurã vỹ jun ja tũ nĩ ver, hã kỹ ag tóg ti tỹ hẽ ri ke tũ nĩ ver.

Jesus tỹ hẽn ra tĩg ke

21 Kỹ tóg ag mỹ kãmén mãn mũ. “Tĩg jé sóg ke mũ, kỹ ãjag tóg inh ve sór ke mũ, hã ra ãjag tóg inh venh ke tũ nĩ. Inh vэг tũ ki ãjag tóg kãgter ke mũ, kỹ ãjag tỹ Topẽ vỹ mranh ja ẽn vỹ ãjag kãkã nĩ nĩ. ãjag pi(jé) isỹ hẽn ra tĩg ke mũ ẽn ki kanhró nỹtĩ'. Isỹ hẽn ra tĩg ke mũ ẽn ki kagtĩg ãjag nỹtĩ,” he tóg, Jesus ti.

22 Kỹ ag tóg jagnẽ mỹ: “ti mỹ hẽn ri ke mũn vėsén sór mũ, hã kỹn mỹ: “ãjag pi(jé) isỹ hẽn ra tĩg ke mũ ẽn ki kanhró nỹtĩ’,” he mũ?” he ag tóg, Jesus to.

23 Hã ra Jesus tóg ag mỹ: “ẽprã ke vỹ tỹ ãjag nỹtĩ,” he mũ. “Jãvo sóg tỹ kanhkã tá ke nĩ. Ga tag ki ke tỹ ãjag nỹtĩ, jãvo inh pi(jé) tỹ ga tag ki ke nĩ’.

24 Hã kỹ sóg ãjag mỹ: “kãgter jé ãjag tóg ke mũ, kỹ ãjag tỹ Topẽ vỹ mranh ja ẽn vỹ ãjag kãkã nĩ nĩ,” he ja nĩ. Ha vé, ãjag tỹ inh ki ge sór tũ nĩn kỹ tóg ãjag kãkã nĩnh ke mũ, ãjag tỹ Topẽ vỹ mranh ja ẽn ti. “Û ẽn vỹ tỹ inh nĩ,” he ja inh nĩ ãjag mỹ. Tag to: hỹ, hemnĩ,” he tóg, Jesus ti.

25 Kỹ ag tóg ti mỹ: “tỹ ã ù nĩ?” he mũ. Kỹ Jesus tóg: “vãsỹ sóg ãjag mỹ tó huri, isỹ ãjag mré vẽnén vén kỹ,” he mũ. “ãjag mỹ sóg vẽnh kãmén tĩgtĩ.

26 Hã ra sóg ãjag mỹ tó kãn ja tũ nĩ ver, sỹ ãjag mỹ vỹ kónãn ke vỹ kã nĩ gé ver. Hã ra sóg ù tỹ inh jẽnẽg mũ ẽn vỹ hã tó tĩ, ti tỹ inh mỹ tó ja kar ẽn ti. Ki hã tóg tó tĩ, ù tỹ inh jẽnẽg mũ ti,” he tóg, Jesus ti.

27 Hã ra tóg ag tỹ to jykrén tũ nĩgtĩ, ti tỹ ag mỹ ã panh tó mũ ra.

28 Kỹ Jesus tóg ag mỹ ke mãn mũ. “Ăjag tỹ ka to isa kỹ, kỹ ãjag tóg inh ki kanhrãn ke mũ,” he tóg. “Tỹ sóg ěprã ke fi kósin nĩ. Kurã ěn kã ãjag tóg ki kanhró nỹtĩnh ke mũ, isỹ tỹ ùn ěn nĩ ti. Inh pi(jé) vėsóg ki nén ù to jykrén tĩ'. Inh panh tỹ inh mỹ nén tó mũ ěn hã tó sóg tĩ. Hã ki kanhró ãjag nỹtĩnh ke mũ, kurã ěn kã, ãjag tỹ ka to isa kỹ.

29 Kỹ ù tỹ inh jĕnĕg mũ vỹ inh mré nĩ nĩ. Ti mỹ nén há nĩ ěn hã han sóg tĩ, hã kỹ tóg inh mré nĩ nĩ,” he tóg, Jesus ti.

30 Ag tỹ ti vĩ tag mẽ kỹ ùn e ag vỹ ti ki ge mũ, kurã ěn kã.

Jesus tỹ ěg tar han ke

31 Kỹ Jesus tóg ù tỹ ti ki ge kỹ nỹtĩ ag kanhrãn mũ. “Inh vĩ tovãnh tũg nĩ,” he tóg. “Kỹ ãjag tóg tỹ inh mré ke pĕ nỹtĩ.

32 Kỹ ãjag tóg Topĕ vĩ pĕ ki kanhró nỹtĩnh mũ. Topĕ vĩ pĕ ki kanhró tũgrĩn ãjag tóg patrão kórég ve mãn ke tũ nĩ,” he tóg.

33 Kỹ ag tóg ti mỹ: “Abraão krĕ'krĕ vỹ tỹ ěg nỹtĩ,” he mũ. “Ěg pi(jé) tỹ ù camarada nỹtĩ', ùri, vãsỹ ke gé. Ne to ke nĕ, hã vỹ: patrão kórég ve mãn ke tũ ãjag nĩ, he mũ tag ti?” he ag tóg mũ, Jesus mỹ.

34 Hã ra Jesus tóg ag mỹ: “ki hã sóg ke mũ, hã kỹ sóg tó mũ,” he mũ. “Ăjag tỹ Topĕ vĩ mranh kỹ ãjag tóg tỹ ti vĩ mranh jafã nỹtĩ, kỹ tóg ěg tỹ ùn kórég tỹ patrão vég mũ ri ke nĩ.

35 Ti camarada ag pi(jé) ti ĩn krĕm ěmã nỹtĩgtĩ'. Ti kósin hã vỹ ti ĩn krĕm nĩgtĩ jãvo.

³⁶ Kĩ, Topẽ kósin tỹ ãjag tỹ Topẽ krẽ han kỹ ãjag tóg patrão kórég ve mǎn ke tũ nĩ ha.

³⁷ Abraão krẽ vỹ tỹ ãjag nỹtĩ. Ki kanhró inh nĩ. Hã ra ãjag tóg isén sór mũ, ãjag tỹ inh vĩ to há tũ nỹtĩn kỹ.

³⁸ Inh panh tỹ inh mỹ nén tó mũ ẽn hã tó sóg tĩ. Inh jãvo ãjag tóg ãjag panh tỹ ãjag mỹ nén tó mũ ẽn hã tó tĩ,” he tóg, Jesus ti.

³⁹ Kĩ ag tóg ti mỹ: “hỹ, Abraão vỹ tỹ ẽg panh nĩ,” he mũ.

Kỹ Jesus tóg ag mỹ: “ãjag tỹ tỹ Abraão krẽ nỹtĩn kỹ ti jykre han nĩ ge,” he mũ.

⁴⁰ “Hã ra ãjag tóg isén sór mũ. ãjag mỹ sóg Topẽ vĩ pẽ tó ja nĩ, Topẽ tỹ inh mỹ nén tó mũ ẽn ti, hã ra ãjag tóg isén sór mũ. Abraão vỹ tag han ja tũ nĩ.

⁴¹ Vyrmynd ãjag panh ũ tũ hã han ãjag tóg tĩ,” he tóg.

Kỹ ag tóg Jesus mỹ: “panh ẽg nỹtĩ, hã vỹ: Topẽ, he mũ. Ẽg pi(jé) panh tũ nỹtĩ,” he ag tóg mũ.

⁴² Hã ra Jesus tóg ag mỹ: “Topẽ tỹ tỹ ãjag panh nĩ ra ãjag tóg iso há nỹtĩnh mũ vỹ,” he mũ. “Inh panh tá sóg kátére, hã kỹ sóg ãjag mré nĩ nĩ. Inh pi(jé) vėsóg ki nén to jykrén kỹ kátére mũ'. Ti hã vỹ inh jẽnẽ.

⁴³ Hã ra ãjag tóg inh vĩ ki kagtĩg nỹtĩ. Mẽ sór tũ ãjag nỹtĩ, hã kỹ ãjag tóg ki kagtĩg nỹtĩ.

⁴⁴ Japo krẽ vỹ tỹ ãjag nỹtĩ, kỹ ãjag tóg ti tỹ nén to jykrén mũ ẽn han tĩ. Topẽ tỹ ẽprã ke ag han ẽn kã tóg ag kãgtén sór tũgtĩ, Japo ti. Vãsỹ ti jykre vỹ, kỹ tóg ũri tỹ ti jykre nĩ gé ver. Ti pi(jé) ki hã tó tĩ'. Ki hã tó to ti kórég pẽ nĩ, Japo ti. Vẽnh ó vỹ tỹ ti tũ pẽ nĩ. Ón mẽ ti nĩgtĩ, vẽn h ón né vỹ. Ti hã vỹ tỹ ũn ón mũ ag panh kar nĩ.

45 Ti jãvo sóg ki hã tó tĩ. Hã ra ãjag tóg inh vĩ kri nĩm sór tũ nĩgtĩ.

46 Inh hỹ ne ki Topẽ vĩ mranh? Ha inh mỹ tó. Mranh ja tũ sóg nĩ. Hã ra sóg ãjag mỹ Topẽ vĩ pẽ tó tĩ. ãjag hẽ ri ken kỹ inh vĩ kri fi sór tũ nĩ?

47 Topẽ krẽ ag vỹ Topẽ vĩ mẽg tĩ. ãjag pi(jé) inh vĩ jẽmẽ sór tĩ', ãjag tỹ tỹ Topẽ krẽ tũ nỹtĩn kỹ," he tóg, Jesus ti, ag mỹ.

Jesus tỹ Abraão kãfór nĩ

48 Kỹ Judeu ag tóg ti mỹ: "Samaria tá ke ri ke ã tóg nĩ, ã tỹ ki kagtĩg nĩn kỹ, kỹ ã jagrẽ kórég nĩ gé," he mũ.

49 Hã ra Jesus tóg ag mỹ: "inh pi(jé) jagrẽ kórég nĩ'," he mũ. "Inh panh to sóg: ãn mág vỹ tỹ ti nĩ, he tĩ. Hã ra ãjag tóg iso é he tĩ.

50 Inh pi(jé) vễsỹ ãn mág han sór mũ'. Ủ tỹ isỹ ãn mág han ke mũ vỹ nĩ nĩ, ẽn vỹ vẽn h kar jykre tugnỹm ke mũ.

51 Ki hã sóg ke mũ, hã kỹ sóg tó mũ, ha mẽ. ãjag tỹ inh vĩ kri fi kỹ ãjag ter ke tũ pẽ nĩ," he tóg, Jesus ti.

52 Kỹ Judeu ag tóg ti mỹ: "jagrẽ kórég ã tóg nĩ," he mũ. "Vãhã tóg ve há tĩ, ã jagrẽ kórég ti," he ag tóg mũ ti mỹ. "Abraão vỹ ter, kỹ Topẽ vĩ tó tĩ ag kar vỹ kãgter. Hã ra ã tóg ón kỹ: "ãjag tỹ inh vĩ kri nĩm kỹ ãjag kãgter ke tũ pẽ nĩ," he mũ.

53 ã mỹ vễsỹ ẽg jóg'jóg ve tỹ Abraão kãfór han sór mũ', ã tỹ ẽg mỹ: kãgter ke tũ ãjag nĩ, hen kỹ? Ter ja ti nĩ, Abraão ti, kỹ Topẽ vĩ tó tĩ ag kar vỹ kãgter kãn gé. Vễsỹ ãn mág han kỹ nĩ ve ã tóg nĩ," he ag tóg, Jesus mỹ, Judeu ag.

54 Kÿ Jesus tóg ag mÿ: “isÿ vêsÿ ùn mág han kÿ sóg ón kÿ ke mÿ ve nÿ,” he mÿ. “Hã ra inh panh hã vÿ isÿ ùn mág han ke mÿ, ãjag tÿ ù to: ãg jóg mág, he mÿ ãn ti.

55 Hã ra ãjag tóg ti ki kagtÿg nÿtÿ, ãjag jãvo sóg ti ki kanhró nÿ. Isÿ ãjag mÿ: “ti ki kagtÿg inh nÿ,” he mÿ ra sóg ãjag ón tag ri ke han mÿ vë, hã ra sóg ti ki kanhró nÿ, kÿ sóg ti vÿ ki króm tÿ gé.

56 ãjag jóg!jóg ve tÿ Abraão vÿ inh kurã ve sór ja nÿ, kÿ tóg kejën vé, kÿ tóg ti mÿ sér pë tÿ, ti tÿ inh kurã ve kÿ,” he tóg, Jesus ti.

57 Kÿ Judeu ag tóg ti mÿ: “50 (ke) anos han tÿ ã nÿ ver, hã ra ã tóg: “Abraão ve inh,” he mÿ. Vÿ vënhmÿ han ã tóg,” he ag tóg mÿ, Jesus mÿ.

58 Hã ra Jesus tóg ag mÿ: “ki hã sóg ke mÿ, hã kÿ sóg tó mÿ, ha mÿ,” he mÿ. “Abraão mur tÿ ra sóg nÿ nÿ,” he tóg, Jesus ti.

59 Kÿ ag tóg jÿgÿ mÿ, ti tÿ vëso: “Topë ri ke inh nÿ,” hen kÿ. Hã kÿ ag tóg pó mãn kÿ ti pin sór mÿ. Hã ra Jesus tóg Topë jo ãn kãtã kãkutë mÿ sir, kÿ tóg tÿ mÿ, vënh péju jé.

9

Jesus tÿ ùn kyvó tÿ há' he

1 Kejën Jesus tóg tÿg kÿ ùn kyvó vég mÿ. ã mur mÿn kã tóg kyvó nÿ sir.

2 Kÿ ti mré mÿ tÿ ag tóg ti mré ti vég mÿ gé. Kÿ ag tóg Jesus mÿ: “ti han mÿ fag hÿn Topë vÿ mranh',” he mÿ, “ha kÿ tóg kyvó nÿ,” he ag tóg. “Ti tÿ vësóg ki Topë vÿ mranh kÿn mÿ kyvó nÿ vó?” he ag tóg mÿ.

3 Kÿ Jesus tóg ag mÿ: “ti tÿ Topë vÿ mranh to ke pijé’,” he mÿ. “Ti han mÿ fag tÿ Topë vÿ mranh to

ke pijé,” he tóg. “Topě tỹ věnh kar mỹ ã tỹ nén han sór mũ ẽn ven sór vê, ti ki.

⁴ Isỹ ù tỹ inh jẽnêg mũ ẽn tỹ inh mỹ nén tó mũ ẽn han sór vê. Ver tóg inh mỹ kurã nĩ, sỹ rãnrãj jé. Kãnhmar tóg kuty nỹnh mũ, kỹ ù tóg rãnrãj mãn ke tũ nĩ, iser ke kurã ẽn kã,” he tóg.

⁵ “Ver sóg ãjag mré tĩg mũ, kỹ sóg ãjag mỹ jẽngrê ri ke nĩ ver,” he tóg, Jesus ti.

⁶ Tag tó kar kỹ tóg sug mũ, ga kri, kỹ tóg óré sĩ han mũ. Óré ẽn tỹ tóg ùn kyvó kanê to tĩn mũ.

⁷ Kỹ tóg ti mỹ: “ha tĩg, goj tỹ Siloé ki věnh kype jé,” he mũ. Goj tỹ Siloé to ke hã vỹ: “ù tỹ inh jẽnê ja,” he mũ, êg vĩ ki. Kỹ tóg tĩ mũ, ùn kyvó ti. Kỹ tóg tá kãtĩg kỹ êvãnh há han tĩ nĩ sir.

⁸ Ti tỹ êvãnh há han kỹ tóg ti rã hã nỹtĩ kar ag mỹ e tĩ. Věnh kar vỹ ti ki kanhró nỹtĩ, věnh kar mỹ tóg: “inh mỹ nén ù nĩm,” he tĩ ja nĩgtĩ. Kỹ ag tóg, ag tỹ ti êvãnh há tag ve kỹ (ag tóg) ti to: “ù tỹ êg mỹ: inh mỹ nén ù nĩm, he tĩ ẽn hã tũ mỹ?” he mũ.

⁹ Kỹ ag kãmĩ ù tóg: “ti hã vê,” he mũ. Hã ra ù ag tóg: “ẽn ri ke nĩ ve ti nĩ, hã ra tóg êg mỹ tỹ hã tũ nĩ,” he mũ gé. Hã ra tóg vêso: “inh hã vê,” he mũ.

¹⁰ Kỹ ag tóg ti mỹ: “kỹ ã hẽ ri ké, ã tỹ êvãnh há' he jé?” he mũ.

¹¹ Kỹ tóg ag mỹ: “ag tỹ ù to: Jesus, he mũ ẽn vỹ óré han, kỹ tóg inh kanê to tĩn, kỹ tóg inh mỹ: “goj tỹ Siloé ra tĩg nĩ, tá věnh kupemni,” hé. Kỹ sóg vyr. Věnh kupe sóg, kỹ sóg êvãnh há' he mũ sir,” he tóg, ùn kyvó ja ti.

¹² Kỹ ag tóg ti mỹ: “ti hẽ kã jẽ?” he mũ. Hã ra tóg ag mỹ: “ha'?” he mũ.

Fariseu ag tỹ ùn kyvó ja ki jẽmẽ

13 Kÿ ag tóg Fariseu ag mÿ ti pére mũ mũ, ùn kyvó ja ěn ti.

14 Hã ra tóg tÿ vĕnhkán ke kurã nĩ. Ěn kã Jesus tóg óré han kÿ ti tÿ há' hé.

15 Kÿ Fariseu ag tóg ti ki jĕmĕ sór mũ gé. “Ă hĕ ri ké, ě tÿ ěvãnh há' he jé?” he ag tóg mũ gé. Kÿ tóg ag mÿ: “óré tÿ tóg inh kanĕ to tĭn, kÿ sóg vĕnh kupenh vyr, kÿ sóg ěvãnh há' he mũ sir,” he mũ, ag mÿ, ùn kyvó ja ti.

16 Kÿ Fariseu ù ag tóg Jesus to: “Topĕ pi(jé) ti jĕnĕ!,” he mũ. “Vĕnhkán ke kurã ki tóg vĕnhkán vãnh nĩgtĭ, kÿ tóg kórég nĩ,” he ag tóg mũ, Jesus to, Fariseu ù ag. Hã ra ù ag tóg ti to: “hã ra tóg nĕn ù há tãvĩ han,” he mũ gé. “Ti kórég nĩ ran hÿn tag han ki kagtĭg nĩnh mũ vĕ,” he ag tóg, Fariseu ù ag. Hã kÿ ag vĕnh kãpãm kÿ nÿtĭ.

17 Kÿ ag tóg ùn kyvó ja ěn ki jĕmĕ mãn mũ. “Ti mÿ tÿ ùn há nĩ', ùn kórég mÿ vó?” he ag tóg mũ. “Ă tÿ tóg há' hé mÿr,” he ag tóg.

Kÿ tóg ag mÿ: “inh mÿ tóg tÿ Topĕ vĩ tó jafã nĩ,” he mũ, ùn kyvó ja ti.

18 Hã ra ag tóg ti vĩ kri nĩm sór tũ nĩ. “Ti mÿ kyvó ja nĩ vÿ?” he ag tóg mũ. Kÿ ag tóg ti han mũ fag jé přer mũ.

19 Kÿ ag tóg fag mÿ: “ãjag kósin hã mÿ'?” he mũ. “Ti mÿ ě mur mũn hã kã kyvó ja nĩ? Kÿn hÿn hĕ ri ké, ti tÿ ùri ěvãnh há nĩn jé?” he ag tóg mũ, ti han mũ fag mÿ.

20 Kÿ fag tóg: “hÿ, ěg kósin hã vĕ,” he mũ. “Ă mur mũn hã kã tóg kyvó ja nĩ.

21 Hã ra tóg ũri êvãnh há nĩ. Hẽ ri ken kÿ'? Ha'? Ũ nÿ ti han'? Ha ti ki jẽmẽmnĩ. Sanh há ti nĩ ha. Ājag mÿ ti tónh mũ,” he fag tóg, ti han mũ fag.

22 Hã ra fag tóg pã'i ag kamẽg mũ, hã kÿ fag tóg: “ha ti ki jẽmẽmnĩ,” he mũ. Pã'i ag vÿ tag tó ja nĩ, Jesus to: “ãjag kãmĩ ũ tÿ ti to: “Cristo vÿ tÿ ti nĩ,” hen kÿ ãg ti kutẽm ke mũ,” he mũ, “ti tÿ tÿ ãg mré ke tũ nĩ jé, ti tÿ ãg mré vẽnhmãn tũ nĩ jé, ãg vẽnhan kanhrãn jafã krẽm,” he ja ag tóg nĩgtĩ.

23 Hã kÿ ũn kyvó ja ãn han mũ fag vÿ Jesus to nén ũ tó sór tũ nĩ, hã kÿ fag tóg pã'i ag mÿ: “sanh há ti nĩ ha, ãjag mÿ ti tónh mũ,” he mũ, fag kósin kyvó ja ãn to.

24 Kÿ ag tóg ũn kyvó ja ãn jé prẽr mãn mũ. Kÿ ag tóg ti mÿ: “ker ón hẽ', Topẽ vÿ ã vĩ mẽg mũ,” he mũ. “Ũ tÿ ã tÿ há' he mũ ãn vÿ kórég nĩ, Topẽ vĩ mranh ti tĩ,” he ag tóg mũ ti mÿ.

25 Kÿ tóg: “mẽ',” he mũ. “Ti mÿ Topẽ vĩ mranh tĩ'? Sÿ ki kagtĩg tóg tĩ. Nén ũ pir hã ki kanhró sóg nĩ. Kyvó inh vẽ vẽ, hã ra sóg êvãnh há nĩ ha,” he tóg, ũn kyvó ja ãn ti.

26 Kÿ ag tóg ti mÿ: “ti hẽ ri ké, ã tÿ há' he jé?” he mãn mũ.

27 Hã ra tóg ag mÿ: “ãjag mÿ inh hur tó, hã ra ãjag tóg mẽ sór tũ nĩ,” he mũ. “Ājag tÿ ne jé mẽ mãn sór nẽ? Ājag mÿ ti mré mũ sór mũ gé?” he tóg.

28 Kÿ ag tóg ti nyg mũ. “Ā hã vÿ tÿ ti mré ke nĩ,” he ag tóg mũ. “Jãvo ãg tóg tÿ Moisés mré ke nÿtĩ,” he ag tóg, pã'i ag, ũn kyvó ja ãn mÿ.

29 “Topẽ vÿ Moisés mré vēmén ja nĩ, tag ki kanhró ãg tóg nÿtĩ. Hã ra ãg pi(jé) ãn ki kanhró nÿtĩ'. Ti hÿn tÿ hẽ tá ke nĩ'?” he ag tóg, pã'i ag.

30 Kĩ ãn kyvó ja ěn tóg ag mĩ: “mẽ,” he mǎn mũ. “Ájag mĩ ti ki kagtĩg nĩtĩ, ti tĩ tĩ hẽ tá ke nĩn ki? Isĩ tóg há' hé mĩr, inh kanẽ tĩ.

31 Hã ra Topẽ tóg ěg vĩ mẽg tũ nĩgtĩ, ěg tĩ tĩ ti vĩ mranh jafã nĩtĩn kĩ. Ũ tĩ Topẽ kamẽg mũ ěn vĩ hã mẽg ti tĩ. Ũ tĩ ti vĩ ki króm mũ ěn vĩ hã mẽg ti tĩ, Topẽ ti.

32 Inh mur mũ kã inh kyvó nĩ ja nĩ. Ũ tĩ ge tĩ há' he mũ tag ve ja tũ inh nĩ ver. Hã ra tóg isĩ há' hé.

33 Ti tĩ Topẽ tá kãtĩg tũ ra tóg nén ũ há han ki kagtĩg nĩ vẽ,” he tóg, ãn kyvó ja ti, pã'i ag mĩ.

34 Hã ra ag tóg ti mĩ: “Topẽ vĩ mranh kĩ ã tóg mur, hã ra ã tóg ěg kanhrãn sór mũ,” he mũ. Kĩ ag tóg ti kutēm mũ, vẽnħ kanhrãn jafã krēm.

Ũn kyvó to comparação

35 Hã ra Jesus tóg mẽg mũ, ag tĩ ti kutēm ja ti. Kĩ tóg ti venh tĩ mũ. Kĩ tóg ti mĩ: “ã mĩ ěprã ke fi kósin ěn ki rã sór tũ?” he mũ.

36 Kĩ tóg Jesus mĩ: “kĩ ãn nẽ ge?” he mũ. “Sĩ ti ki rã sór vẽ,” he tóg.

37 Kĩ Jesus tóg ti mĩ: “ti ve ã huri,” he mũ. “Ũ tĩ ã mré vēmén jẽ mũ hã vỹ tĩ ti nĩ, inh hã vỹ tĩ ti nĩ,” he tóg.

38 Kĩ ãn kyvó ja tóg ti mĩ: “Senhor,” he mũ. “Ã ki rã kĩ inh jẽ nĩ,” he tóg. Kĩ tóg ti krēm mũg ke mũ, Jesus krēm, ti mĩ: “Topẽ kósin vỹ tĩ ã nĩ,” he jé.

39 Kĩ Jesus tóg ti mĩ: “ga tag ki sóg jun, sỹ vẽnħ kar jykre tugnyĩm jé,” he mũ. “Ũn kyvó ag tĩ ěvãnh há han jé sóg ke mũ. Ag tĩ iso jykrén há han ke to ken hã vẽ. Kĩ sóg ũ tĩ ve há han mũ ag kyvó han

ke mũ gé. Ag tỹ iso jykrén há han ki kagtĩg to ken hã vễ,” he tóg, Jesus ti, ùn kyvó ja ẽn mỹ.

⁴⁰ Hã ra Fariseu ù ag tóg ti vỹ mẽg mũ. Kỹ ag tóg ti mỹ: “kỹ ẽg mỹ kyvó nỹtĩ gé’?” he mũ.

⁴¹ Kỹ Jesus tóg ag mỹ: “ãjag tỹ: kyvó ẽg nỹtĩ, ki kagtĩg ẽg nỹtĩ,” he mũ hã ra Topẽ tóg ãjag to jũ tũ nĩ ver. Hã ra ãjag tóg vễso: “ẽvãnh há ẽg nỹtĩ, ki kanhró ẽg nỹtĩ,” he tĩ. Hã kỹ ãjag tỹ Topẽ vỹ mranh ja vỹ ãjag kãkã nĩ nĩ,” he tóg, Jesus ti, Fariseu ag mỹ.

10

Vẽnh mẽg tỹ carneiro to comparação

¹ Kỹ Jesus tóg ag mỹ vễnh kãmén mãn mũ. “Ki hã sóg ke mũ, hã kỹ sóg tó mũ,” he tóg. “Èg tỹ ẽg mẽg tỹ carneiro jy ró han kỹ ẽg tóg ti jãnkã ra rã tĩ. Jãvo ù tóg kejèn ró to tãpry kỹ pãte rã sór tĩ. Ti tỹ carneiro péju sór vễ, hã kỹ tóg ró to tãpry kỹ pãte rã sór mũ.

² Ti jãvo ù tỹ carneiro ki rĩr tĩ vỹ jãnkã ra rã mũ.

³ Jãnkã ki rĩr tĩ ẽn vỹ ti mỹ ró nón tĩ, jãnkã ti. Kỹ tóg carneiro jygi tó kãn mũ sir. Ti vỹ ki kanhró fag nỹtĩ, ti mẽg tỹ carneiro fag.

⁴ Kỹ tóg fag jo tĩ mũ, re ra. Kỹ tóg ã mẽg fag jé prěr kãn mũ sir, kỹ fag tóg pa kãn mũ, ù tỹ carneiro ki rĩr tĩ ẽn mẽg fag. Kỹ tóg fag jo tĩ mũ, kỹ fag tóg ti nón mũ mũ sir, ti mẽg fag, fag tỹ ti vỹ ki kanhró nỹtĩn kỹ.

⁵ Fag pi(jé) ù nón mũnh ke mũ', fag tỹ ùn ki kagtĩg nón. Û jo fag vễnh pigjunh ke mũ, fag tỹ ùn ki kagtĩg ẽn jo. Fag pi(jé) ti vỹ ki kanhró nỹtĩ', hã kỹ fag tóg ti jo vễnh pigjunh ke mũ,” he tóg, Jesus ti.

⁶ Jesus tỹ ag mỹ comparação han vê. Ti mỹ ẽg tóg vẽn h mẽg tỹ carneiro ri ke nỹtĩ, ẽg tỹ ti nón mũn kỹ. Hã ra Fariseu ag tóg ti vĩ to jykrén tũ nỹtĩ.

Vẽn h mẽg to comparação ù

⁷ Hã ra Jesus tóg ag mỹ kãmén mãn mũ. “Ki hã sóg tó mũ, hã kỹ sóg ke mũ,” he tóg. “Carneiro jy ró jãnkã ri ke inh nĩ,” he tóg.

⁸ “Û tỹ inh jo kãmũ ag vỹ tỹ carneiro pigju(g) tĩ ag nỹtĩ ja nĩgtĩ, ùn jũ (ka)mẽ ag nỹtĩ ja nĩgtĩ. Hã ra carneiro fag vỹ ag vĩ mẽ ja tũ nỹtĩ.

⁹ Inh hã vỹ fag mỹ jãnkã ri ke nĩ. Û tỹ inh ki rã mũ vỹ kren ke mũ, kỹ tóg ti tỹ jãnkã ra rã ri ke nĩ. Kỹ tóg kãra rã tĩ, kar kỹ tóg kãkutẽ tĩ gé, ti tỹ vẽn ve kỹ.

¹⁰ Vẽn h mẽg tỹ carneiro pigju(g) tĩ ẽn vỹ carneiro pigju hã jé kãtĩ tĩ, fag kãgtén jé, fag kókén jé. Ti jãvo sóg fag ki rĩnrĩr há han hã jé kãtĩg, fag tỹ jagtar tũ nỹtĩ jé, fag mỹ sér tĩ jé,” he tóg, Jesus ti.

¹¹ “Û tỹ carneiro ki rĩr tĩ ri ke inh nĩ gé, ùn tỹ ki rĩr há ri ke inh nĩ. Û tỹ carneiro ki rĩr há han mũ vỹ ã mẽg jagfy ter ke mũ, fag krenkren jé.

¹² Kỹ ù camarada vỹ tag ri ke tũ nĩgtĩ. Mĩg kamẽg jé tóg ke mũ, kỹ tóg mĩg ve kỹ vẽnhvãg tĩnh ke mũ, ã patrão mẽg tovãnh kỹ, ti camarada ti. Kỹ mĩg vỹ fag kugmĩnh ke mũ, kỹ fag tóg vẽn h kãpugpóv ke mũ gé, mĩg tugrĩn, carneiro fag. Ti camarada mẽg pi(jé)', ti patrão mẽg vê, hã kỹ tóg fag jy nĩgãh há han tũ nĩ.

¹³ Mĩg ve kỹ tóg vẽn h vãg tĩ mũ. Jãnkamy hã to tóg rãnrãj jẽ nĩ, hã kỹ tóg mĩg kamẽg mũ.

¹⁴ Ti jãvo sóg carneiro ki rĩr há han tĩ. Inh mẽg ki kanhró sóg nĩ, kỹ fag tóg inh ki kanhró nỹtĩ gé.

15 Ri ke ti nĩ gé, inh panh mré. Inh ki kanhró tóg nĩ, kũ sóg ti ki kanhró nĩ gé. Kũ sóg inh mēg jagfy ter ke mũ.

16 Inh mēg ã vỹ nỹtĩgtĩ gé ver, inh mēg tỹ hẽ tá ke fag. Ājag povo kãmĩ ke pijé'. Ĕn jé prēr jé sóg ke mũ gé, kũ fag tóg inh mré kãmũnh ke mũ gé. Inh vỹ mẽ jé fag ke mũ gé. Inh mēg tỹ tag ki fag mré ke vỹ tỹ fag nỹtĩnh mũ. Fag kar jy sóg ró pir han ke mũ, inh mēg kar jy, kũ sóg inh pir mỹ fag ki rĩr ke mũ,” he tóg, Jesus ti.

17 “Inh panh vỹ iso há nĩ, isỹ inh mēg jagfy ter ken kũ, kar kũ sóg rĩr mãn ke mũ.

18 Iser sór tũ ra ã pi(jé) isén ke mũ vẽ'. Hã ra sóg fag jagfy ter sór mũ. Iser sór kũ sóg ter ke mũ. Inh rĩr mãn sór kũ sóg rĩr mãn ke mũ gé, iser kar kũ. Inh panh tỹ inh mỹ nén tó mũnh hã vẽ,” he tóg, Jesus ti.

19 Judeu ag tỹ ti vỹ tag mẽ kũ ag tóg vẽnẽh kãpãm kũ nỹtĩ mãn mũ gé.

20 Ũn e tóg ti to: “jagrẽ kórég ti nĩ, krĩ vẽnẽhmỹ ti nĩ, ti vỹ mẽ sór tũg nĩ,” he mũ.

21 Hã ra ã ag tóg: “ũn pi(jé) ã jagrẽ kórég hã ra vẽnẽh vỹ há tó tĩ’,” he mũ. “Ũn kyvó tỹ há' he ki kagtĩg tóg nĩ gé, ãn jagrẽ kórég ti,” he ag tóg mũ, Judeu ã ag, ã tỹ Jesus to há nỹtĩ ag.

Judeu ag tỹ Jesus tén mãn sór

22 Kejẽn tóg Judeu ag tỹ festa há' ã tá krỹg mũ. Vãsỹ ã tỹ Judeu ag kato vãsãnsãn mũ ag vỹ Topẽ jo ãn kókén ja nĩgtĩ, hã ra Judeu ag tóg kejẽn ti ãn han mãn. Ag tỹ ãn han mãn to festa hã vẽ sir. Prỹg kar ki ag tóg festa ĩn han tĩ. Kusãg mũ ĩn kã ke ja vẽ, festa ĩn ti.

23 Hã ra Jesus tóg venh tǵ ja nĩ, kǵ tóg Topẽ jo ãn mĩ pasa ke tĩ nĩ, Salomão tǵ jãnkã ãn tá.

24 Kǵ Judeu ag tóg ti venh kãmũ mũ, ag tǵ ón kǵ ti ki jẽmẽ jé. “Ã hẽ ri ke kã ãg mũ vẽn h kãmén há han ke mũ’?” he ag tóg mũ. “Ã mũ tǵ Cristo nĩ? Topẽ tǵ ãg mũ ãn jẽnẽn ke mũ ãn mũ tǵ ã nĩ? Ha ãg mũ tó há han,” he ag tóg mũ, ón kǵ.

25 Hã ra Jesus tóg ag mũ: “ãjag mũ sóg hur tó, hã ra ãjag tóg kri nĩm sór tũ nĩ,” he mũ. “Milagre hyn han sóg tĩ gé, inh panh tǵ inh mũ nén tó ja ãn. ãn ve kǵ ãjag tóg inh ki kanhró nýtĩnh mũ vẽ.

26 Hã ra ãjag tóg kri fi sór tũ nýtĩ. ãjag pi(jé) inh mẽg tǵ carneiro ri ke nýtĩ, hã kǵ ãjag tóg kri nĩm sór tũ nýtĩ.

27 Inh mẽg fag vỹ inh vỹ mẽg tĩ, fag ki kanhró sóg nĩ, hã kǵ fag tóg inh mré mũgtĩ.

28 Fag jagfỹ sóg ter ke mũ, kǵ fag tóg kãgter ke tũ nĩ. Mĩg vỹ fag kugmĩnh ke tũ pẽ nĩ gé, isỹ fag jy nĩgãn kǵ.

29 Inh panh tǵ inh mũ fag vin mũn hã vẽ, inh mẽg fag. Hã ra tóg vẽn kar kãfór nĩ, inh panh ti. Kǵ ã pi(jé) inh panh tũ ag péju(g) tĩ, ti tǵ tǵ vẽn kar kri ke nĩn kǵ.

30 Inh panh mré sóg tǵ ãn pir nĩ,” he tóg, Jesus ti.

31 Ag tǵ ti vỹ tag mẽ kǵ ag tóg pó tǵ hẽn ri ke mǵg mũ sir, Judeu ag, ag tǵ tǵ ti pin kǵ ti tén jé.

32 Hã ra Jesus tóg ag mũ: “nén ã há hã hyn han ja inh nĩ,” he mũ. “Inh panh tǵ inh mũ: “tag han ra,” he ja ãn hã han inh tĩ. Sỹ nén han ja tǵ hẽ nỹ hỹn ãjag mũ kórég nĩ, hã kǵ ãjag tóg isén sór mũ?” he tóg.

33 Hã ra ag tóg ti mý: “ĕg pi(jé) nén ũ há to ã tén sór mũ,” he mũ. “Ĕprã ke vỹ tỹ ã nĩ, ĕg mré ke vỹ tỹ ã nĩ, hã ra ã tóg vĕso: “Topĕ kósín vỹ tỹ inh nĩ,” he mũ. Ā tỹ Topĕ to vĩ kónãn hã vĕ. Tag to ĕg tóg ã tén ke mũ, pó tỹ ã pin kỹ,” he ag tóg mũ, Judeu ag.

34 Kỹ Jesus tóg ag mý: “Topĕ vĩ tỹ rán kỹ nĩ ki tag vỹ rán kỹ nĩ, ha mẽ,” he mũ. “Topĕ vỹ ĕprã ke ag to: “Topĕ ri ke ãjag nỹtĩ,” he tĩ,” he tóg, Topĕ vĩ rá ki.

35 Kỹ tóg ũ tỹ ti vĩ mĕg mũ ĕn ag mý: “Topĕ ri ke ãjag nỹtĩ,” he ja nĩ, Topĕ ti. Hã ra tóg ón tũ nĩgtĩ, Topĕ ti.

36 Hã kỹ tóg vĕnhmỹ tũ nĩ gé, sỹ ãjag mý: Topĕ kósín vỹ tỹ inh nĩ, hen kỹ. Inh panh vỹ inh kuprĕg, kỹ tóg inh jĕnĕ gé, isỹ ãjag tá jun jé. Topĕ to vĩ kónãn pijé’, sỹ nén tó mũ tag ti.

37 Isỹ inh panh vĩ ki króm tũ nĩ ra tóg há nĩnh mũ vĕ, ãjag tỹ inh vĩ kri nĩm sór tũ nỹtĩ ti.

38 Hã ra sóg ti vĩ ki króm tĩ. Kỹ inh vĩ tỹ ãjag mý kórég nĩn kỹ isỹ milagre hyn han mũ ĕn vemnĩ. Isỹ milagre hyn han mũ ki tóg ve há tĩ, isỹ inh panh ri ke nĩ ti, kỹ inh panh vỹ inh ri ke nĩ gé,” he tóg, Jesus ti.

39 Kỹ ag tóg ti vĩ to ti se sór mãn mũ sir, hã ra tóg kren mãn mũ gé.

40 Kỹ tóg vĕnh péju kỹ tĩ mũ, goj tỹ Jordão mãra, Jesus ti. João vỹ ĕn tá vĕnh kar kygpég jĕ ja nĩgtĩ, ti tỹ ag kygpe vén kỹ. Ĕn ra tóg tĩ mũ sir, Jesus ti, kỹ tóg tá nĩ nĩ, ã mré mũ tĩ ag mré.

41 Kỹ ũ tỹ hĕn ri ke ag vỹ tá ti venh kãmũ mũ. Jesus to ag tóg jagnĕ mý: “ha vé, João vỹ milagre han ja tũ nĩ,” he mũ. “Hã ra tóg Jesus kãmén. Tó há

han ja tóg nĩ, João ti. Ki hã tóg tó ja nĩ, ti tỹ ẽg mỹ Jesus to nén tó mũ ti,” he ag tóg.

⁴² Kĩ tá ù tỹ hên ri ke ag tóg ti ki ge mũ sir.

11

Lázaro ter

¹ Kejẽn ù tỹ Jesus to há ù tóg kaga nỹ nĩ, cidade tỹ Betânia tá. Ûn kaga ẽn jyjyn hã vỹ: Lázaro, he mũ. Ti ve fi vỹ tỹ Maria fi nĩ, Marta fi ke gé. Betânia tá fag ẽmã nỹtĩ gé.

² Maria ẽn fi vỹ kar kỹ kejẽn Jesus pẽn kri nén ger há kujẽ, kỹ fi tóg fi gãnh tỹ ti pẽn kykũg mũ gé. Ẽn fi mré pafa mũ vỹ kaga nỹ.

³ Kĩ ti ve fag vỹ Jesus mỹ vẽn vỹ jẽnẽg mũ. Ti mỹ fag tóg: “ã tỹ ù to há nĩ ẽn vỹ kaga nỹ,” he mũ.

⁴ Kĩ Jesus tóg mẽg mũ. Hã ra tóg ã mré mũ tĩ ag mỹ: “ti pi(jé) vẽn kaga tag to ter ke mũ’,” he mũ. “Topẽ vỹ tỹ ùn mág nĩ. Tag vỹ vẽn ven ke mũ, ti kaga tugrĩn. Kĩ Topẽ kósin vỹ tỹ ùn mág nĩ gé. Tag vỹ vẽn ven ke mũ gé, ti kaga tugnĩn,” he tóg, Jesus ti.

⁵ Jesus vỹ Marta fi to há tãvĩ nĩ, fi jãvy fi to ke gé, Lázaro to ke gé.

⁶ Hã ra Jesus tóg, ti tỹ Lázaro kaga mẽg mũ ra (tóg ver) ti venh tĩ tũ nĩ. ã tỹ hẽ tá nĩ ẽn tá tóg ver kurã régre han.

⁷ Tag pãte tóg ã mré mũ tĩ ag mỹ: “mũ nỹ, ga tỹ Judéia ra,” he mũ.

⁸ Kĩ ag tóg ti mỹ: “Senhor,” he mũ. “Ẽg tỹ Judéia tá nỹtĩn kỹ Judeu ag tóg ã pin sór ja nĩ, pó tỹ. Ra tĩ tũg nĩ,” he ag tóg ti mỹ.

⁹ Hã ra Jesus tóg ag mÿ comparação han mũ, ti ter ke kurã jun ja tũ to. “Kurã pír vÿ tÿ 12 (ke) hora ke nĩ,” he tóg. “Ëg tÿ kurã ãn ki hãn ra mũn kÿ ãg tóg krĩm kenh ke tũ nĩ, ãg tÿ kurã ve há han kÿ.

¹⁰ Ëg tÿ hã ra kuty ra hãn ra mũn kÿ ãg tóg krĩm ke tĩ, ãg tÿ kuty ki nãn ù vég tũ nãn kÿ,” he tóg, Jesus ti.

¹¹ Kÿ tóg ag mÿ: “ũ tÿ ãg to há nĩ ãn, Lázaro ãn vÿ nũr nÿ,” he mũ. “Isÿ ti tÿ mrin ke han tĩg ke nã ha,” he tóg.

¹² Kÿ ag tóg ti mÿ: “ti nũr nÿn kÿn kren ke mũ,” he mũ.

¹³ Hã ra Jesus tóg ti ter ja tó ja nĩ. Jó ag tóg: “ti nũr vã, ti vãnkhán vã,” he mũ, ag tÿ ti vĩ mãn kÿ.

¹⁴ Kÿ Jesus tóg jamã hár(a) ag mÿ kãmén mũ. “Lázaro vÿ ter huri,” he tóg.

¹⁵ “Ãjag tugrĩn tóg inh mÿ sér tĩ, isÿ ti ter ve ja tũ nãn kÿ. Ãjag tÿ isÿ nãn han mũ ven kÿ ãjag tóg inh ki ge há han ke mũ. Mũ jé ha, ti ve jé,” he tóg.

¹⁶ Kÿ Tomé he mũ ãn, ag tÿ ù to: “ũn vãnig mũ,” he tĩ ãn vÿ ti mré mũ tĩ ag mÿ: “mũ jé ha, ti mré, ãg tÿ ti mré kãgter jé,” he mũ. Kÿ ag tóg mũ mũ sir.

Jesus tÿ vãn kar rĩnrĩr han ke

¹⁷ Kÿ ag tóg Betânia tá junjun mũ. Hã ra Lázaro vÿ vãn kej tá nÿ nĩ. Kurã tÿ 4 (ke) vã sir, ag tÿ vãn kej tá ti fón ja kri.

¹⁸ Hã ra ag tóg Jerusalém kakó ki nÿtĩ, 3 quilômetros hÿn, ãmã tÿ Betânia ki.

¹⁹ Kÿ Judeu tÿ hãn ri ke fag vÿ Marta fi venh kãmũ ja nĩ, Maria fi ke gé, fag mré vãser kri fÿ jé.

20 Kÿ Marta fi tóg mĕg mũ, Jesus kătĩg ti. Kÿ fi tóg tim ke kÿ ti venh tí mũ. Hã ra Maria fi tóg ã ãn krĕm nĩ nĩ.

21 Kÿ Marta fi tóg Jesus kato tĕ mũ. “Senhor,” he fi tóg. “Ã tÿ kãnĩ ra ti ter ke tũ nĩ vĕ,” he fi tóg.

22 “Hã ra sóg ã ki kanhró nĩ. ã tÿ Topĕ mÿ nĕn ũ to vĭn kÿ tóg ã mÿ nĩm ke mũ, Topĕ ti,” he fi tóg, Marta fi, Jesus mÿ.

23 Kÿ tóg fi mÿ: “ã mré ke vÿ rĩr mãn ke mũ,” he mũ.

24 “Hÿ,” he fi tóg. “Vĕnh kar rĩnrĩr mãn ken kÿ tóg rĩr mãn ke mũ gé, ki kanhró sóg nĩ. Kurã tÿ ĕgno ki ke vĕ,” he fi tóg.

25 Hã ra Jesus tóg fi mÿ: “inh hã vÿ vĕnh kar rĩnrĩr mãn han tĩ,” he mũ. “Vĕnh kar rĩnrĩn mũ vÿ tÿ inh nĩ,” he tóg. “Ũ tÿ inh ki rã mũ ĕn vÿ rĩr ke mũ, ti ter kÿ nÿ (hã) ra.

26 Kÿ ũn rĩr jĕ tóg, ti tÿ inh ki rã kÿ (tóg) ter mãn ke tũ pĕ nĩ. ã mÿ inh vĩ tag kri fig mũ’?” he tóg, Jesus ti.

27 “Hÿ,” he fi tóg. “Cristo vÿ tÿ ã nĩ, Topĕ kósin ti, ũ tÿ ga kri jun ke mũ ĕn ti. Tag vÿ inh mÿ tÿ hã nĩ,” he fi tóg, Jesus ti mÿ.

28 Kÿ fi tóg tí mũ, fi jãvy fi jé prĕr jé, Maria fi.

Jesus fÿ

Kÿ Marta fi tóg Maria fi tá jun kÿ fi mÿ: “ĕg Senhor vÿ jun, kÿ tóg ã ve sór mũ,” he mũ.

29 Fi tÿ tag mĕ kÿ fi tóg tim ke kÿ tí mũ, Jesus ve jé.

30 Hã ra tóg ĕmã ĕn ra rã ja tũ nĩ ver. Ver tóg tá nĩ nĩ, Marta fi tÿ hĕ tá ti mré vĕmĕn ja ĕn tá.

³¹ Kÿ Judeu fag vỹ vég mũ, Maria fi tỹ tim ke kÿ tĩg mũ ti. Fi mré kygfỹ jé fag kãmũ ja nĩ, Judeu fag. Fag tỹ fi tĩg ve kÿ fag tóg fi nón kãmũ mũ gé. “Fi hỹn ti kej ra tĩg sór mũ, tá fỹ jé,” he fag tóg mũ, hã kÿ fag tóg fi nón kãmũ mũ.

³² Kÿ Maria fi tóg Jesus tá jun mũ. Fi tỹ ti ve kÿ fi tóg ti pẽn krēm mũg ke mũ. Ti mỹ fi tóg: “Senhor,” he mũ. “Ã tỹ kãnĩ ra ti ter ke tũ nĩ vễ,” he fi tóg mũ gé.

³³ Kÿ Jesus tóg fi fỹ mũ vég mũ, kÿ tóg Judeu tỹ hẽn ri ke fag vég mũ gé, fi nón kãmũ mũ fag. Kÿ tóg ti mỹ e tãvĩ tĩ.

³⁴ “Ti hẽ kã nỹ?” he tóg mũ sir. Kÿ ag tóg ti mỹ: “mũ nỹ, ti ve jé,” he mũ.

³⁵ Kÿ Jesus tóg fỹ mũ.

³⁶ Kÿ Judeu ag tóg: “ha vé,” he mũ. “Ti to há tãvĩ tóg nĩ, hã kÿ tóg fỹ mũ,” he ag tóg.

³⁷ Hã ra ag kãmĩ ù tóg: “tĩ tỹ há' he ja tũ tóg nĩ,” he mũ. “Ûn kyvó kanẽ tỹ há' he ja tóg nĩ, ti tỹ hẽ ri ken kÿ ti tỹ há' he ja tũ nĩ nễ, ti ter tũ nĩ jé? Ti mỹ tỹ hẽ ri ke tũ nĩ vỹ, ti kaga tỹ'?” he ag tóg, Jesus to.

Jesus tỹ Lázaro rĩn mãn

³⁸ Kÿ tóg Jesus mỹ e tãvĩ tĩ. Kÿ tóg ti tỹ vẽnħ kej kÿ nỹ ẽn ra tĩ mũ. Hã ra ti kej vỹ tỹ pãró nor nĩ, kÿ tóg pó mág tỹ nĩfénħ kÿ nĩ, ti kej nor ti.

³⁹ Kÿ Jesus tóg ag mỹ: “ha pó tag kunũ,” he mũ. Kÿ Marta fi, ùn ter kÿ nỹ ẽn ve fi vỹ ti mỹ: “Senhor,” he mũ. “Ti hỹn ger nỹ ha. Kurã tỹ 4 (ke) vễ ha, ẽg tỹ ti fón ja kri,” he fi tóg mũ.

⁴⁰ Hã ra Jesus tóg fi mỹ: “ã mỹ sóg: ã tỹ inh ki rã há han kÿ ã tóg venħ ke mũ, Topẽ tỹ tỹ ùn mág nĩ ti, he ja nĩ,” he mũ.

41 Kÿ ag tóg pó ên kunũg mũ.

Kÿ Jesus tóg kanhkã ki êvãnh mũ. Kÿ tóg: “panh’,” he mũ. “Inh mÿ tóg há tĩ. Inh vĩ tag jẽmẽg ã tóg mũ.

42 Jẽmẽg ã tóg tĩ, inh vĩ ti, hã kÿ ã tóg sÿ ã mÿ vĩ tag jẽmẽg mũ gé. Hã ra sóg jamã hár(a) ã mré vĩ mũ, ù tÿ ki nÿtĩ kar fag tÿ inh vĩ mẽ jé, fag tÿ inh ki ge jé, fag tÿ iso: “Topẽ tÿ ti jẽnẽ vẽ,” he jé,” he tóg, Jesus ti.

43 Tag tó kar kÿ tóg jamã hár(a) prẽr mũ. “!..Lázaro, kuneg..!” he tóg.

44 Kÿ ùn ter ja ên tóg kãtĩg mũ sir, ã kej kãki tóg kãkutẽ mũ sir, mÿr, ha mẽ. Ti pẽn vÿ sigse kÿ nÿtĩ, ti nĩgé ke gé, kÿ ti kakã vÿ pãg kÿ nĩ gé. Kÿ Jesus tóg ag mÿ: “ha ti kava,” he mũ, “ti tĩg jé,” he tóg. Kÿ ag tóg ti kyvãn kãn mũ sir.

45 Kÿ ù tÿ Maria fi mré kygfÿ jé kãmũ tÿ hẽn ri ke fag vÿ Jesus ki ge mũ sir, fag tÿ Jesus tÿ ti rĩn mãn mũ ên ven kÿ.

46 Hã ra ù ag tóg Fariseu ag mÿ tónh mũ mũ, Jesus tÿ ti rĩn mãn ja ti.

Ag tÿ Jesus tén ke to jykrén

(Mt 26.1-5; Mc 14.1-2; Lc 22.1-2)

47 Kÿ Fariseu ag tóg mẽg mũ, Jesus tÿ Lázaro rĩn mãn ja ti. Topẽ tũ ki rĩr tĩ to pã'i ag vÿ mẽ kãn mũ gé. Kÿ ag tóg vẽn jyvẽn tĩ kar ag jé prẽr mũ. “Ëg hÿn ti tÿ hẽn ri kenh ke mũ?” he ag tóg mũ, Jesus to. “Milagre tÿ hẽn ri ke hÿn han tóg tĩ.

48 Ëg tÿ ti kato vãsãn tũ nĩn kÿ tóg ãg mÿ vẽn kar tÿ ti ki genh ha mẽ tĩ. Kÿ ãg fóg tÿ Romano ag vÿ ãg kato vãsãnsãn ke mũ. Topẽ jo ãn kókén jé ag tóg ke mũ, kÿ ag tóg ãg kãgtén kãn ke mũ gé, ãg fóg tÿ Romano ag, ha vemnĩ,” he ag tóg, vẽn jyvẽn tĩ ag.

49 Kÿ pã'i ag kãmĩ ù vỹ tỹ Caifás nĩ. Prÿg ãn kã tóg tỹ Topẽ tũ ki rĩr tĩ to pã'i mág nĩ, Caifás ti. ãn vỹ tóg ag mÿ: “to jykrén há han tũ ãjag nÿtĩ,” he mũ.

50 “Tag to jykrén nĩ, ha mẽ. Ûn pir ter ke tóg kórég nĩ, hã ra tóg povo kãgter kãn kórég jakrêm nĩ. Kÿ ti hÿn ãg povo jagfy ter ke mũ, Jesus ti,” he tóg, Caifás ti.

51 Hã ra tóg vêsóg ki tag to jykrén ja tũ nĩ. Prÿg ãn ki tóg tỹ Topẽ tũ ki rĩr tĩ to pã'i mág nĩ, hã kÿ Topẽ kuprĩg vỹ ti krĩn ja nĩ, ti tỹ Jesus to: “ãg povo jagfy tóg ter ke mũ,” he jé, Caifás ti.

52 Hã ra Judeu ag tãvĩ jagfy ke pijé'. Topẽ krẽ kar jagfy ke ja vẽ. Ti tỹ vãnh kar tỹ ùn pir han sór ja vẽ, Jesus ti, hã jé tóg ãg jagfy ter ja nĩ, ù tỹ povo kar kãmĩ ti ki genh ke mũ ag kar jagfy.

53 Pã'i ag tỹ tỹ vãmén kar kÿ ag tóg ti tén ke to jykrén mũ sir.

54 Hã kÿ Jesus tóg vãnh péju kÿ ti mũ, ga kórég ra, ãmã tỹ Efraim ra. Judeu ag mĩ tóg tĩg mãn tũ nĩ sir. Efraim hã tá tóg nĩ nĩ ver, kÿ ti mré mũ tĩ ag vỹ ti mré tá nÿtĩ gé.

55 Hã ra Judeu ag tỹ festa tỹ Páscoa há ù vỹ kakó tĩ ha. Kÿ ù tỹ hãn ri ke ag tóg Jerusalém ra mũ mũ, Páscoa ãn ve jé. To hã ag tóg ra mũ mũ, vãnh jãnhkrigkrig jé, Judeu ag jykre ki.

56 Tá ag tóg Jesus jãvãnh mũ, Topẽ jo ãn tá nÿtĩ kÿ. Kÿ ag tóg jagnẽ mÿ: “ti ã mÿ hÿn hẽ ri ke mũ?” he mũ. “Ti mÿ hÿn festa to kãtĩg ke mũ vỹ?” he ag tóg mũ, jagnẽ mÿ.

57 Hã ra Topẽ tũ ki rĩr tĩ to pã'i ag vỹ vãnh kar mÿ vãnh vĩ jãnẽ ja nĩgtĩ, Fariseu ag mré hã. “ãjag tỹ ti

ve kÿ ãg mÿ tónh kãmũmnĩ,” he ja ag tóg nĩ, vẽn h kar mÿ. Ag tÿ ti se sór vẽn, hã kÿ ag tóg ke mũ.

12

Betânia tá

(Mt 26.6-13; Mc 14.3-9)

¹ Festa tÿ Páscoa to hã ke vẽn sir, kurã tÿ 6 (ke) vÿ jun nÿ ha. Kÿ Jesus tóg Betânia ra tÿg mãn mũ, Lázaro jamã ra, ùn rÿr mãn mũ ãn jamã ra.

² Tá fag tóg Jesus mÿ festa han mũ. Kÿ Marta fi tóg vẽn ãn ki rÿr mũ. Lázaro vÿ Jesus mré nĩ nĩ, mesa to.

³ Kÿ Maria fi tóg nén ger há ma kãtĩ mũ, garrafa fór, ùn kaja e. ãn tÿ fi tóg Jesus pẽn kri kujẽg mũ, kÿ fi tóg ã gãnh tÿ kykũg mũ, ti pẽn ti. Kÿ ger há ãn tóg ãn kar ãn kri rũm ke mũ.

⁴ Kÿ tóg Judas Iscariotes mÿ e tĩ, ù tÿ Jesus mré mũ ãn ag kã ù tag mÿ, ù tÿ pã'i ag mÿ Jesus ven ke mũ tag mÿ. Fi tÿ ger há tÿ ti pẽn to tÿn kÿ tóg ti mÿ e tĩ, kÿ tóg fi to:

⁵ “fi tÿ ger há ãn fón ke vẽn vẽn, jãnkamy tÿ hẽn ri ke to,” he mũ. “Fi tÿ ùn jagãgtar ag mÿ jãnkamy ãn kã vẽn kãpópãm jé vẽn vẽn,” he tóg mũ, Judas ti.

⁶ Hã ra tóg tag tó, ti tÿ Jesus mÿ jãnkamy ki rÿr kÿ. Hã ra tóg ti jãnkamy péju(g) tĩ. Hã kÿ tóg fi to tag tó ja nĩ, Judas ti. Ti tÿ ùn jagãgtar ag to jykrén ja pijé'. Ti tÿ jãnkamy ãn mãn sór ja vẽn.

⁷ Hã ra Jesus tóg ti mÿ: “fi to vĩ tũg,” he mũ. “Fi tÿ nén ger há ãn nĩm han ja vẽn, fi tÿ iser jé ãn kri kujẽn jé, isÿ ãn kej kãkã nÿ jé. Ki hã fi tóg han ja nĩ.

⁸ Ûn jagãgtar ag vỹ ãjag mré nỹtĩ, tũ' henh ke tũ ag tóg nỹtĩ. Ag jãvo sóg kãnhmar ãjag mré nĩ mãn ke tũ nĩ,” he tóg, Jesus ti.

Ag tỹ Lázaro tén sór

⁹ Kỹ Judeu tỹ hên ri ke ag vỹ mễg mũ, Jesus tỹ Betânia tá nĩ ti, kỹ ag tóg ti venh kãmũ mũ. Hã ra ag tóg Lázaro ve sór mũ gé, ùn rĩr mãn mũ ên ti.

¹⁰ Pã'i ag tóg Lázaro tén sór mũ gé sir.

¹¹ Judeu tỹ hên ri ke ag vỹ Jesus ki ge kỹ nỹtĩ, ti tỹ Lázaro rĩn mãn ja tugrĩn, hã kỹ ag tóg Lázaro tén sór mũ.

Jesus tỹ Jerusalém ra tĩg

(Mt 21.1-11; Mc 11.1-11; Lc 19.28-40)

¹² Tỹ vaj kỹ Jesus tóg Jerusalém ra tĩ mũ. Kỹ ùn e ag tóg Jesus tỹ Jerusalém ra tĩ mễg mũ sir, ù tỹ festa venh kãmũ mũ ên ag.

¹³ Kỹ ag tóg ti ve jé kãpa mũ, Jerusalém tá. Tãnh féj génh kỹ ag tóg ti venh kãmũ mũ. Kỹ ag tóg: “!..Viva..!” he mũ. “!..Sér tóg tĩ êg mỹ..! !..Êg jóg mág vỹ ti jẽnẽ..! !..Israel kri pã'i mág pẽ vẽ..!” he ag tóg, prẽnprêr kỹ.

¹⁴ Hã ra Jesus vỹ burrico sĩ ve ja nĩ, kỹ tóg kri nĩ kỹ Jerusalém ra tĩ mũ. Hã ra tóg rán kỹ nĩ, Topẽ vĩ tỹ rán kỹ nĩ ki, ti tỹ burrico sĩ kri tĩg ke ti, ha mẽ:

¹⁵ “kamễg tũg nĩ, Sião tá ke kar',” he tóg. “Ãjag pã'i mág vỹ ùri jun ke mũ ha. Burrico sĩ kri tóg jun ke mũ ha,” he ja tóg nĩ, Topẽ vĩ rán ki, Jesus to.

¹⁶ Kurã ên kã ag tóg ti rá tag to jykrén ja tũ nĩ ver, Jesus mré mũ tĩ ag. Jesus tỹ kanhkã ra vỹn ke kar kỹ ag tóg kejẽn to jykrén mũ ha, ti to rán kỹ nĩ ên to, hã ra tóg ge ja nĩ.

17 Û tỹ Jesus mỹ prẽnprěr mũ ag kãmĩ ù ag tóg Lázaro ve ja nĩ, Jesus tỹ ti rĩn mãn kỹ. Lázaro tỹ vẽnh kej kākã nỹ ra Jesus tóg ti jé prěr kỹ ti rĩn mãn ja nĩ. Û tỹ tag vég mũ ãn ag vỹ jagnẽ mỹ kãmén mũ sir.

18 Hã kỹ ùn e ãn ag tóg Jesus kato pétẽ mũ, ti tỹ jun ke kỹ. Û ter kỹ nỹ rĩn mãn ãn ve ja tũ ag tóg nỹtĩ, kỹ tóg ag mỹ e tĩ.

19 Kỹ Fariseu ag tóg jagnẽ mỹ: “ha vé, ag pi(jé) ãg vĩ jẽmẽ sór mũ’,” he mũ. “Ti hã mré ag tóg mũ mũ,” he ag tóg, ti to jũgũ kỹ, pã’i ag.

Fóg tỹ Grego ag tỹ Jesus ve sór

20 Festa venh kãmũ mũ ag vỹ e nỹtĩ. Ag kãmĩ ù vỹ tỹ ga tỹ Grécia tá ke nỹtĩ gé.

21 ãn ag vỹ Jesus ve sór mũ. Hã kỹ ag tóg Filipe mré vĩ mũ. Ga tỹ Galiléia tá ãmã tỹ Betsaida tá ke vỹ tỹ ti nĩ, Filipe ti. Kỹ fóg tỹ Grego ãn ag tóg Filipe mỹ: “ãg tỹ Jesus venh há tóg tĩ,” he mũ.

22 Kỹ Filipe tóg André mỹ tónh tĩ mũ, kỹ ag tóg Jesus mỹ tónh mũ mũ, Filipe ti, André ti ke gé.

23 Hã ra Jesus tóg ag mỹ: “inh kurã vỹ hur jun,” he mũ. “Topẽ vỹ isỹ ùn mág han ke mũ ha. Tỹ sóg ãprã ke fi kósin nĩ,” he tóg.

24 “Ki hã sóg ãjag mỹ tó mũ, hã kỹ sóg tó mũ. Isén jé ag tóg ke mũ, ùn e ag tỹ isugrĩn rĩnrĩr nỹtĩ jé. ãg tỹ nén ù fy krãn ri ke ti nĩ. Ti péju(g) ãg tóg tĩ, ga ki, kỹ tóg vag tĩ, nén ù fy fár ti. Hã ra ti fy ãn tóg rĩr mãn kỹ mur mũ, kỹ tóg mog kỹ kanẽ e han mũ. ãg tỹ ti krãn tũ nĩ ra tóg kanẽn ke tũ nĩ vẽ.

25 ãn ri ke tóg nĩ, ãg mré hã. ãg hã vỹ tỹ nén ù fy ri ke nỹtĩ gé. ãg tỹ ãg jykre si tovãnh kỹ ãg tóg ãg rĩr krỹg ja tũ ãn venh ke mũ. Jãvo ãg tỹ ãg jykre si

tovãnh pẽ han tũ nĩn kũ ãg rĩnrĩr ke ãn tóg krỹ' he mũ sir. Kũ ãg kanhkã tá vég tũ nĩ sir.

²⁶ Ājag tỹ inh rãnrãj han sór kũ inh ri ke han nĩ, kũ ājag tóg tỹ inh mré ke nỹtĩnh mũ, kũ ājag tóg inh mré kanhkã tá nỹtĩnh ke mũ gé, ājag tỹ inh rãnrãj han kũ. Kũ inh panh vỹ ājag tỹ ãn mág han ke mũ gé, inh ri ke han jé tóg ke mũ, ājag tỹ,” he tóg, Jesus ti.

Jesus tỹ ã ter ke tó

²⁷ “Ũri tóg inh mũ e tĩ,” he tóg. “Krĩ kufy jagy isóg nĩ. Ge ra sóg inh panh mũ: “inh kren han nĩ, inh jagtar tũ nĩ jé,” he sór tũ nĩ. Inh vësýrénh hã jé sóg kãtĩg, ti tỹ inh mũ jagy pẽ (hã) ra.

²⁸ Tag tó jé sóg ke mũ, inh panh mũ, hã vỹ: “vẽnh kar mũ ven nĩ, ã tỹ tỹ ãn mág nĩ tag ti,” he mũ,” he tóg, Jesus ti.

Ti tỹ tag tó kũ vãhã Topẽ tóg ti mũ vĩ mũ, kanhkã tá nĩ kũ. Kũ tóg jamã hár(a) ti mũ: “ag mũ sóg ven huri,” he mũ. “Hã ra sóg ag mũ ven mãn ke mũ gé, isỹ tỹ ãn mág nĩ ti,” he tóg, Topẽ ti. Kanhkã tá nĩg kũ tóg ti mũ tó mũ.

²⁹ Kũ ãn e ag tóg mẽg mũ, Topẽ vĩ ti, ag tỹ ãprã nỹtĩ ra. Kũ ag tóg ti vĩ to: “ta tỹ tỹrỹrỹ he hỹn,” he mũ. Ag tỹ ki kagtĩg nỹtĩn kũ ag tóg Topẽ vĩ to: “ta hỹn,” he mũ. Hã ra ã ag tóg: “Topẽ tỹ jẽnẽ jafã ã hỹn ti mré vēmén,” he mũ gé, ag tỹ ki kagtĩg nỹtĩn kũ.

³⁰ Hã ra Jesus tóg ag mũ: “Topẽ pi(jé) isugrĩn vĩ ja nĩ,” he mũ. “Ājag tugnĩn ke ja vẽ,” he tóg.

³¹⁻³² “Hã kũ ājag tóg ka to isanh ke mũ, kynhmỹ. Topẽ tỹ ãprã ke ag jykre to: “kórég ti nĩ,” he vẽ, ti tỹ tag ki ãn mág tỹ Japo he mũ ãn to: ti kutẽ jé, he vẽ, hã kũ ag tóg cruz to isãg mũ. Ĕn kã vẽnh kar ag vỹ

inh ki genh ke mũ, isỹ ag krĩn kỹ, ha vemnĩ,” he tóg, Jesus ti.

³³ Tag tó tóg, ã mré mũ tĩ ag mỹ, ã ter ke kãmén kỹ, ag tỹ cruz to ti sanh ke ti.

³⁴ Kỹ vẽn kar ag tóg ti mỹ: “hã ra ag tóg ẽg mỹ: “Cristo vỹ ter ke tũ nĩ,” he tĩ. Topẽ vĩ ki ti nẽji rãn kỹ nĩ,” he ag tóg mũ. “Jãvo ã tóg ẽg mỹ: ẽprã ke fi kósin ẽn tỹ ag tóg cruz to ti sanh ke mũ, kynhmỹ, he mũ. Û to ke nẽ, hỹn, ẽprã ke fi kósin ẽn?” he ag tóg, Jesus mỹ.

³⁵ Kỹ tóg ag mỹ: “ver sóg ãjag mré nĩ nĩ, sỹ ãjag mỹ kurã han jé,” he mũ. “Kurã ki inh japry jagma mũmnĩ. Kãnhmar ti kuty nĩnh mũ. ãjag tỹ kuty ra inh jamĩn jagma mũ sór mũ ra ãjag tóg vãgfor mũnh ke mũ.

³⁶ Isỹ ver ãjag mré nĩn kỹ inh ki ge sórmnĩ, ãjag tỹ tỹ inh mré ke nỹtĩ jé. Kỹ ãjag tóg kurã ki nỹtĩ, isỹ tỹ jẽngrẽ ri ke nĩn kỹ,” he tóg, Jesus ti. ã tỹ tag tó kar kỹ tóg tĩ mũ, ag ré kỹ. Vẽnh péju kỹ tóg tĩ mũ.

Judeu ag tỹ Jesus ki ge sór tũ

³⁷ Jesus vỹ ag rĩnve nén tỹ hẽn ri ke hyn han ja nĩgtĩ, ẽg tỹ nén han vãn tỹ hẽn ri ke, milagre tỹ hẽn ri ke, hã ra ag tóg ti ki ge sór tũ nĩgtĩ.

³⁸ Hã ra Isaías vỹ tag rãn ja nĩ gé. “Ëg jóg mág,” he ja tóg nĩ. “Isỹ ag mỹ ã kãmén mũ ra ag tóg inh vĩ kri nĩm sór tũ nỹtĩ,” he ja tóg nĩ. “Ag tỹ ã tỹ nén han mũ ẽn vég mũ ra ag tóg: “Topẽ jykre vỹ tar nĩ,” he ja tũ nĩ,” he ja tóg nĩ, Isaías ti. Hã ra tóg ge nĩgtĩ, Jesus tỹ ag mỹ Topẽ vĩ tón kỹ, ti tỹ ag mỹ milagre hyn han kỹ.

³⁹⁻⁴⁰ Kỹ Isaías vỹ ag to tag tó gé, ha mẽ. “Topẽ vỹ ag kyvó han, nĩgrẽg kutu, hã kỹ ag tóg mẽg tũ nĩgtĩ,

kỹ ag tóg to jykrén sór tũ nĩgtĩ gé, kỹ ag tóg inh ki ge sór tũ nĩgtĩ gé, kỹ sóg ag tỹ há' henh ke tũ nĩ gé," he ja tóg nĩ gé, Isaías ti, ti tỹ Topê vĩ tó kỹ. Jesus to tóg ke mũ. Hã kỹ ag tóg Jesus ki ge sór tũ nĩgtĩ.

⁴¹ Isaías vỹ Jesus ve ja nĩ, ti tỹ tỹ ãn mág nĩ ti, ãn tar ti. Jesus mur to hã ke ja vễ, vẫsỹ. Ti tỹ ti ve hã kỹ tóg tag tó ja nĩ, ti to, Isaías ti.

⁴² Hã ra ã ag tóg ti ki ge kỹ nỹtĩ gé, pã'i ã ag mré hã. Hã ra ag tóg tó sór tũ nĩgtĩ. Fariseu ag kamẽg ag tóg tĩ, hã kỹ ag tóg tó sór tũ nĩ. "Fariseu ag vỹ ẽg pan ke mũ, ẽg tỹ ẽg vễnh kanhrãn jafã ra mũ tũ nĩ jé, ẽg tỹ ẽg mré ke ag mré tá vễnh mãn kỹ nỹtĩ tũ nĩn jé," he ag tóg mũ, hã kỹ ag tóg Jesus tó tũ nĩgtĩ.

⁴³ Ẽprã ke ag tỹ ag to vĩ há han mũ tag vỹ ag mỹ sér tĩ, kỹ Topê tỹ ag mỹ vĩ há han mũ vỹ ag mỹ pãgsĩ tĩ. Há ti nĩ gé vễ vễ, hã ra ag tóg ẽprã pã'i ag hã kamẽg mũ.

Ag jykre kórég vễnh ven ke

⁴⁴ Kỹ Jesus vỹ jamã hár(a) ke mũ, vễnh kar tỹ ti vĩ mẽ jé. Kỹ tóg: "ãjag tỹ inh ki ge kỹ ãjag tóg ã tỹ inh jẽnẽg mũ ẽn ki ge mũ gé," he mũ.

⁴⁵ "Ãjag tỹ inh ve kỹ ãjag tóg ti vэг mũ gé, ã tỹ inh jẽnẽg mũ ẽn ti.

⁴⁶ Sỹ ãjag mỹ kurã han hã jé sóg kãtĩg. Ãjag tỹ inh ki ge kỹ sóg ãjag mỹ kuty ẽn tỹ tũ' he mũ.

⁴⁷ Ãjag tỹ ón kỹ inh vĩ mẽg mũ ra sóg ãjag to: "kórég ãjag nỹtĩ," henh ke tũ nĩ. Inh pi(jé) ãjag mỹ: "kórég ãjag nỹtĩ," he jé kãtĩg'. Sỹ ãjag krenkren han hã jé sóg kãtĩg.

⁴⁸ Ãjag tỹ iso é he kỹ, ãjag tỹ inh vĩ to é he kỹ tóg vễnh ven mũ, ãjag jykre kórég ẽn ti, ha vemnĩ. Isỹ

ãjag mý inh vî tó mũ ra ãjag tóg inh vî kri nĩm jãvãnh nýtĩ. Hã tugrĩn tóg vẽn ven ke mũ, ãjag jykre kórég ti, kurã tỹ êgno tá hã.

⁴⁹ Inh pi(jé) isỹ vėsóg ki nén to jykrén ja ên tó tĩ'. Inh panh vî hã tó ja inh nĩgtĩ, ù tỹ inh jẽnẽg mũ ên vî ti. Ên vỹ inh mỹ: “tag tómnĩ, tag tó tũg nĩ,” he tĩ.

⁵⁰ Ti tỹ inh mý nén tó mũ vỹ ãjag rĩnrĩr han ke mũ, ki kanhró sóg nĩ. Hã kỹ sóg inh panh tỹ inh mý nén tó mũ ên hã tó tĩ, tag tãvĩ,” he tóg, Jesus ti.

13

Jesus tỹ ã mré mũ tĩ ag pẽn kugpe

¹ Hã ra festa tỹ Páscoa vỹ kakó tãvĩ tĩ sir, hã ra tóg tá krỹg tũ nĩ ver. Kỹ Jesus vỹ ki kanhró nĩ, ti tỹ ùri ter ke ên ti. Ti kurã vỹ jun ja nĩ, ti tỹ ã panh ra tĩg jé. Æ mré mũ tĩ ag to tóg há tãvĩ ja nĩgtĩ, ag tỹ tỹ ti tũ nýtĩn kỹ. Kỹ tóg ã ter ke kurã ên kã ag to há tãvĩ nĩ gé, tag ki, êprã, ti mré mũ tĩ ag to.

² Kỹ tóg rãkãnh kỹ ag mré jẽg mũ. Hã ra Japo vỹ Judas krĩn huri, ti tỹ pã'i ag mý Jesus ven tĩg jé, ag tỹ ti se jé. Judas Iscariotes ên vẽ, Simão kósin ên.

³ Hã ra Jesus tóg ki kanhró nĩ, ã tỹ Topẽ tá kãtĩg ja ên ki, kỹ tóg ki kanhró nĩ gé, ã tỹ ra tĩg mãn ken ki. Kỹ Topẽ tóg ti tar han mũ gé, ti tỹ nén ù kar ki ag mý tỹ ùn mág jẽ jé. Ên ki kanhró tóg nĩ gé, Jesus ti.

⁴ Tag kar to jykrén kỹ tóg vãhã jẽgnẽ mũ sir, jẽn kar kỹ. Jẽgnẽ kỹ tóg ã capa kunũnh kỹ vẽn pẽfĩ jafã tỹ vẽn pẽfĩ mũ.

⁵ Goj tỹ tóg pẽnky kãki kujẽg mũ, kỹ tóg ã mré mũ tĩ ag pẽn kugpég mũ. Vẽn pẽfĩ jafã ên tỹ tóg ag pẽn kykũg mũ.

⁶ Kĩ tóg Simão Pedro tá jun mũ gé, ti pẽn kugpe jé. Hã ra Pedro tóg ti mĩ: ã pi(jé) inh pẽn kugpenh ke mũ," he mũ.

⁷ Hã ra Jesus tóg ti mĩ: "ã pi(jé) ki kanhró nĩ', sỹ ã mĩ nén han mũ ti'," he mũ. "Kar kũ ã tóg kejẽn to jykrén ke mũ," he tóg.

⁸ Hã ra Pedro tóg ti mĩ: "vó," he mãn mũ. "Inh pẽn kugpenh ke tũ ã tóg nĩ," he tóg. Kĩ Jesus tóg ti mĩ: "isỹ ã pẽn kupég tũ nĩn kũ ã tóg tỹ isũ tũ nĩnh ke mũ," he mũ.

⁹ Kĩ Pedro tóg ti mĩ: "inh kupe kãn nĩ, ge kũ, inh pẽn, inh krĩ, inh nĩgé ke gé," he mũ.

¹⁰ Hã ra Jesus tóg ti mĩ: "mro ã huri," he mũ. "Ã mro kar kũ sóg ã pẽn hã kugpenh ke mũ. Jãnhkri ã nĩ, ã mro kar kũ. Jãnhkri ãjag nỹtĩ, hã ra ãjag kãmĩ ùn pir vỹ jãnhkri tũ nĩ," he tóg, Jesus ti.

¹¹ Û tỹ pã'i ag mĩ ã ven ke mũ ên ki kanhró tóg nĩ, Jesus ti, hã kũ tóg ag mĩ: "ãjag kãmĩ ùn pir vỹ jãnhkri tũ nĩ," he mũ.

¹² Kĩ tóg ag pẽn kugpe kãn mũ. Ag pẽn kugpe kar kũ tóg ã kur rĩnh mãn mũ, kũ tóg nĩ mãn mũ. Kĩ tóg ag mĩ: "ãjag mĩ sỹ nén han ja ki kanhró nỹtĩ?" he mũ.

¹³ "Iso ãjag tóg: Senhor, he tĩ. Tó há han ãjag tĩ. Tỹ sóg ãjag Senhor nĩ.

¹⁴ Kĩ sóg tỹ ãjag professor nĩ gé. Hã ra sóg ãjag pẽn kugpé. Hã kũ tóg há tĩ, ãjag tỹ jagnẽ mỹ jagnẽ pẽn kugpe kũ, inh ri ke han kũ.

¹⁵ Sỹ ãjag kanhrãn sór vễ, hã kũ sóg ãjag mỹ ãjag pẽn kugpé. Inh ri ke han nĩ.

16 Ki hã sóg tó mũ, hã k̄y sóg ke mũ. Ęg camarada pi(jé) ãjag patrão k̄fór n̄ytĩ'. K̄y ěg t̄y ũ j̄n̄n̄ k̄y tóg ũ t̄y ti j̄n̄n̄g mũ ěn k̄fór tũ n̄ĩ gé.

17 Tag ki kanhró ãjag n̄ytĩ, k̄y tóg há tĩ, ãjag t̄y inh ri ke han k̄y.

18 Ājag k̄mĩ ũ tóg tag han ke tũ n̄ĩ, ki kanhró sóg n̄ĩ. Ājag kupr̄eg inh, k̄y sóg ãjag ki kanhró n̄ĩ. Tag v̄y ãjag k̄mĩ ũ to rán k̄y n̄ĩ, ha mẽ: “ũ t̄y inh mré inh jamĩ ko mũ ěn v̄y isov̄anh ke mũ ha,” he ti n̄ĩ, Topẽ v̄i t̄y rán k̄y n̄ĩ ki. Is̄y tag ve jé sóg ãjag kupr̄eg.

19 Ũri sóg ãjag m̄y tó mũ, ti t̄y isov̄anh ke to hã, ãjag t̄y ěn ve k̄y inh ki ěkrén' he jé. Ęn ve k̄y inh ki ge k̄y n̄ytĩmn̄ĩ j̄avo.

20 Ki hã sóg tó mũ, hã k̄y sóg ke mũ. Is̄y ãjag j̄egn̄nh ke v̄e. K̄y ũ t̄y ãjag m̄y v̄i há han k̄y tóg inh m̄y v̄i há han ke mũ gé, hã ra tóg ũ t̄y inh j̄n̄n̄g mũ ěn m̄y v̄i há han ke mũ gé, ãjag m̄y v̄i há han k̄y,” he tóg, Jesus ti, ti mré mũ tĩ ag m̄y.

Ũ t̄y p̄a'i ag m̄y Jesus ven ke

(Mt 26.20-25; Mc 14.17-21; Lc 22.21-23)

21 Jesus t̄y tag tó kar k̄y tóg ti m̄y e tĩ. Krĩ kufy jagy ti n̄ĩ, k̄y tóg ã mré mũ tĩ ag m̄y: “ki hã sóg tó mũ, hã k̄y sóg ke mũ,” he mũ. “Ājag k̄mĩ ũ v̄y p̄a'i ag m̄y inh ven ke mũ,” he tóg.

22 K̄y tóg ag m̄y e tĩ. Ki kagt̄ig ag n̄ytĩ, k̄y ag tóg véké jagn̄e ki ěv̄anh mũ.

23 Hã ra ũ tóg Jesus rã hã n̄ĩ n̄ĩ, ěn k̄a, ti t̄y ti to há n̄in k̄y.

24 K̄y Pedro tóg ti m̄y ã n̄ĩgé ven mũ, k̄y tóg ti m̄y: “ti ki j̄m̄ẽ há han,” he mũ, ũ t̄y Jesus rã hã n̄ĩ ěn m̄y.

25 Kĩ tóg ti to grẽn ke kũ ti mĩ: “Senhor,” he mũ. “Ủ tỹ hẽ nẽ?” he tóg ti mĩ.

26 Kĩ Jesus tóg ti mĩ: “ẽmĩ tỹ sóg ti kume kã tỹ pun ke mũ,” he mũ, “kĩ sóg ti mĩ nĩm ke mũ sir. Ẽn hã vẽ,” he tóg mũ, Jesus ti. Tag tó kĩ tóg ẽmĩ mǎg mũ, kĩ tóg ti kume kã tỹ pun ke mũ sir, kĩ tóg Judas mĩ nĩm mũ, Simão Iscariotes kósin ẽn mĩ.

27 Kĩ Judas tóg ko mũ. Ti tỹ ko kar mũ ra vėsỹmér Satanás tóg ti kãra rã ja nĩ sir. Kĩ Jesus tóg ti mĩ: “ã tỹ nén han sór mũ ẽn han tĩg nĩ, to fũrũn nĩ,” he mũ.

28 Hã ra ù ag tóg ki kagtĩg nỹtĩ, Jesus tỹ ti mĩ nén tó mũ ẽn ki.

29 Judas vỹ ag jãnkamy ki rĩr tĩ. Hã kĩ ag kãmĩ ù tóg: “ti hỹn ti mĩ: “ẽg mỹ festa to compra ù han tĩg,” he sór mũ, ke tũ nĩ kĩ ti tỹ ùn jagãgtar ag mỹ nén ù nĩm ke hỹn,” he ag tóg mũ.

30 Hã ra Judas tóg ẽmĩ ẽn ko kar kĩ (tóg) króm ke kãkutẽ mũ, re ra. Hã ra tóg kuty nỹ.

Vẽnh jykre tãg

31 Judas tĩg kar kĩ Jesus tóg ã mré mũ tĩ ag mỹ: “vãhã tóg vẽn ven ke mũ, isỹ tỹ ùn mág nĩ ti,” he mũ. “Tỹ sóg ẽprã ke fi kósin nĩ. Hã ra sóg vẽn kar mỹ Topẽ tỹ tỹ ùn mág nĩ tag ven ke mũ gé.

32 Isỹ vẽn kar mỹ Topẽ tỹ tỹ ùn mág nĩ ven kĩ Topẽ tóg vẽn kar mỹ ven ke mũ gé, isỹ tỹ ùn mág nĩ ti. Vėsỹmér tóg tag han ke mũ, Topẽ ti, ha vemnĩ,” he tóg, Jesus ti.

33 “Inh jãvy', ãjag mré sóg nĩ sĩ pẽ han mũ ver,” he tóg. “Inh jãvãnh jé ãjag tóg ke mũ, hã ra ãjag tóg inh venh ke tũ nĩ. Tag tó inh, Judeu ag mỹ, hã ra sóg ãjag mỹ tag hã tó mũ gé, hã vỹ: ãjag pi(jé) isỹ hẽn ra tĩg ke mũ ẽn ki kanhró nỹtĩ', he mũ.

³⁴ Kÿ sóg ãjag mÿ vënh jykre tãg nÿm sór mÿ, hã vÿ: jagnë to há tãvÿ nÿtĩmnĩ, he mÿ. ãjag to há tãvÿ sóg nĩ gé. Tag ri ke han nĩ, jagnë mÿ. Vënh jykre tãg hã vë.

³⁵ ãjag tÿ jagnë to há nÿtĩn kÿ vënh kar vÿ ãjag jykre ki kanhrãn ke mÿ. “Ti mré ke vÿ tÿ ag nÿtĩ,” he jé ag tóg ke mÿ ãjag to, ag tÿ ãjag jykre há ve kÿ,” he tóg, Jesus ti.

Jesus tÿ Pedro mÿ nén tó mÿ

(Mt 26.31-35; Mc 14.27-31; Lc 22.31-34)

³⁶ Kÿ Simão Pedro tóg Jesus mÿ: “Senhor,” he mÿ. “ã tÿ hë ra tĩg sór në?” he tóg. Kÿ Jesus tóg: “ën ra ã tĩg ke tũ nĩ ver, inh mré,” he mÿ. “Kar kÿ ã tóg kejën ën ra tĩg ke mÿ gé, inh nón,” he tóg.

³⁷ Kÿ Pedro tóg ti mÿ: “isÿ ã mré tĩg há tóg tĩ,” he mÿ. “Isÿ ã tugrĩn ter ken kÿ tóg inh mÿ tÿ nén ù tũ tĩnh mÿ,” he tóg.

³⁸ Hã ra Jesus tóg ti mÿ: “vó,” he mÿ. “Ûri ã tóg ón kÿ iso: “ti ki kagtĩg sóg nĩ,” henh ke mÿ. “Ti ki kagtĩg sóg nĩ,” he tãgtũ han jé ã tóg ke mÿ, galo kynkyr to hã. Ki hã sóg tó mÿ, ha vemnĩ,” he tóg, Jesus ti. Ti tÿ Pedro mÿ tón hã vë.

14

Kanhkã to ãmĩn

¹ Kÿ Jesus tóg ã mré mÿ tĩ ag mÿ: “krĩ kufy han tũg nĩ,” he mÿ. “Inh ki rã há han nĩ, kÿ Topë ki rã há han nĩ gé.

² Inh panh jamã tá ãjag ãn vÿ e nÿtĩ, ki hã sóg tó mÿ. Ti tÿ tá tũ nÿtĩ ra sóg tónh ke tũ nĩ vë. Ra tĩg jé sóg ke mÿ, isÿ ãjag mÿ ãjag ãn kãnkãn jé.

³ Isy kãnkãn kar ky sóg tá kãtĩg mãn ke mũ gé, sỹ ãjag tatĩn tĩg jé, ky ãjag tóg inh mré tá nỹtĩnh mũ.

⁴ Ti to ãpry ki kanhró ãjag nỹtĩ, sỹ hẽ ra tĩg ke to ãmĩn ti,” he tóg.

⁵ Ky Tomé tóg ti mỹ: “ẽg pi(jé) ki kanhró nỹtĩ, ã tỹ hẽ ra tĩg ke ti,” he mũ. “Hã ky ẽg tóg ti to ãpry ki kagtĩg nỹtĩ gé,” he tóg.

⁶ Ky Jesus tóg ag mỹ: “ti to ãmĩn vỹ tỹ inh nĩ,” he mũ. “Vẽnh vĩ há hã tó sóg tĩ. Inh hã vỹ ãjag rĩnrĩr han ke mũ. Ủ tỹ inh ki ge mũ ag vỹ inh panh venh ke mũ.

⁷ ãjag tỹ inh ki kanhró nỹtĩn ky ãjag tóg inh panh ki kanhró nỹtĩ gé. Inh ki kanhrãn ãjag tóg huri, inh ve ãjag tóg huri,” he tóg, Jesus ti.

⁸ Ky Filipe tóg ti mỹ: “ẽg mỹ ẽg jóg mág ti ven nĩ,” he mũ. “Ẽg tỹ ti venh há tóg tĩ,” he tóg.

⁹ Ky Jesus tóg Filipe mỹ: “ã mỹ inh ki kagtĩg nĩ ver', isỹ ãjag mré tĩg mág ja ra?” he mũ. “Ã tỹ inh ve ky ã tóg inh panh ti vég mũ gé. Hã ra ã tóg inh mỹ: ẽg mỹ ti ven nĩ, he mũ.

¹⁰ Inh panh mré sóg tỹ ùn pir nĩ, ky tóg inh mré tỹ ùn pir nĩ gé. ã mỹ tag kri fig tũ? Inh pi(jé) isỹ vėsóg ki nén to jykrén mũ tó tĩ'. Inh panh tũ hã tó sóg tĩ, ti tũ hã han sóg tĩ, inh mré tỹ ùn pir nĩ ẽn tũ ti. Ky tóg inh mré nén kar han mũ, inh panh ti.

¹¹ Inh vĩ kri nĩmnĩ, isỹ ã mỹ: “inh panh mré sóg tỹ ùn pir nĩ,” hen ky. ã tỹ hã ra inh vĩ kri fi sór tũ nĩn ky isỹ nén han mũ ẽn ki ẽvãnh nĩ, ã tỹ to jykrén há han jé.

¹² Ki hã sóg tó mũ, hã ky sóg ke mũ. Ủ tỹ inh ki rã há han mũ ẽn vỹ isỹ nén han mũ ri ke han ke mũ

gé, hã ra tóg isỹ nén han mũ kãfór han ke mũ, ha vemñĩ, isỹ ùri inh panh venh tĩg ken kỹ.

¹³ Kỹ sóg ãjag tỹ inh mẽ nén ù to vĩ mũ ẽn hyn han kãn ke mũ, isỹ tỹ ãjag kãke nĩn kỹ. Isỹ vẽn kar mẽ inh panh tỹ tỹ ùn mág nĩ ven ke vẽn, hã jé sóg ãjag mẽ ãjag tỹ nén to vĩ mũ ẽn hyn han ke mũ.

¹⁴ Kỹ, ãjag tỹ inh mẽ nén ù to vĩnh ken kỹ sóg ẽn hyn han kãn ke mũ, isỹ tỹ ãjag kãke nĩn kỹ, ha vemñĩ,” he tóg, Jesus ti.

Jesus tỹ Topẽ kuprĩg jẽnẽnh ke

¹⁵ “Ãjag tỹ iso há nỹtĩn kỹ han nĩ, isỹ ãjag mẽ nén tó mũ ti.

¹⁶ Kỹ isóg inh panh mẽ ti kuprĩg to vĩnh ke mũ, ti tỹ ãjag mẽ ti jẽnẽ jé, ti tỹ tỹ ãjag jagrẽ nĩ jé, ti tỹ ãjag tar han jé, kỹ tóg ãjag tovãnh mãn ke tũ nĩ. ãjag mẽ tóg ki hã tónh ke mũ.

¹⁷ Hã ra tóg ù tỹ inh ki ge jãvãnh ẽn ag mẽ nén ù tónh ke tũ nĩ, ag tỹ ti ki kagtĩg nỹtĩn kỹ. Ag jãvo ãjag tóg ti ki kanhró nỹtĩ. ãjag kãtã tóg ãjag mré nĩ nĩ, Topẽ kuprĩg ti,” he tóg, Jesus ti.

¹⁸ “Inh pi(jé) ãjag tovãnh ke mũ'. Isĩg mũ ra sóg vỹn kenh ke mũ, ãjag to.

¹⁹ Kãnħmar ù tỹ inh ki ge jãvãnh ẽn ag tóg inh ve mãn ke tũ nĩ. Ag jãvo ãjag tóg inh ve mãn ke mũ. Rĩr inh nĩ nĩ, kỹ ãjag tóg inh ri kén rĩr mãn ke mũ gé.

²⁰ ãjag tỹ Topẽ kuprĩg tỹ ãjag jagrẽ venh ke kurã ẽn ki ãjag tóg inh ki kanhrãn há han ke mũ, isỹ inh panh mré tỹ ùn pir nĩ ẽn ti. Kỹ ãjag tóg inh mré tỹ ùn pir nỹtĩnh mũ gé, ha mẽ,” he tóg, Jesus ti.

²¹ “Û tỹ inh vĩ hã ki kanhrãn mũ ẽn, ù tỹ inh vĩ hã ki króm mũ ẽn hã vỹ iso há nĩ. Kỹ ù tỹ iso há nĩ ẽn

to inh panh tóg há tâvĩ nĩ. Ën to sóg há tâvĩ nĩ gé. Ën vỹ inh venh ke mũ,” he tóg, Jesus ti.

²² Kĩ Judas tóg ti ki jẽmẽg mũ. Judas Iscariotes pijé', Judas ù vễ. Ën vỹ Jesus mỹ: “ẽg mỹ ã tóg vẽn ven sór mũ,” he mũ, “hã ra ã tóg ù tỹ ã ki ge sór tũ ag mỹ vẽn ven sór tũ nĩ. ã hẽ ri kenh ke mũ?” he tóg mũ.

²³ Kĩ Jesus tóg ti mỹ: “ũ tỹ iso há nỹtĩ kar ag vỹ inh vĩ ki króm ke mũ,” he mũ. “ũ tỹ inh vĩ ki króm mũ to inh panh tóg há nĩ, kĩ tóg ti mré ẽmãn ke mũ. Kĩ sóg ti mré ẽmãn ke mũ gé.

²⁴ ù tỹ iso há tũ ẽn vỹ inh vĩ han sór ke tũ nĩ gé. Inh pi(jé) inh vĩ hã tĩ'. ù tỹ inh jẽnẽg mũ ẽn vĩ hã tó sóg tĩ, inh panh vĩ ti,” he tóg.

²⁵ “ãjag mré sóg nĩ nĩ ver, kĩ sóg ãjag mỹ tag kãmén mũ.

²⁶ Isĩg kar kĩ sóg ãjag mỹ vễsỹmér ù tỹ ãjag tar han ke mũ ẽn jẽnẽnh ke mũ, hã vỹ: Topẽ kuprĩg, he mũ. Inh panh vỹ ãjag mỹ ti jẽnẽnh ke mũ. Ën vỹ nén ù kar to ãjag kanhrãn há han ke mũ. Kĩ tóg ãjag mỹ tó mãn ke mũ gé, sỹ ãjag mỹ nén tó mũ kar ti, ãjag tỹ kã jatun tũ nĩ jé,” he tóg, Jesus ti.

²⁷ “ãjag krĩ kãnhvy han jé sóg ke mũ. Sỹ ãjag mỹ nén nĩm ke mũ hã vỹ: krĩ kãnhvy, he mũ. Hã ra tóg ù tỹ inh ki ge jãvãnh ag krĩ kãnhvy sĩ ẽn ri ke tũ nĩ, sỹ ãjag mỹ ãjag krĩ kãnhvy han mũ ti. Krĩ kãnhvy pẽ ãjag nỹtĩnh ha. Hã kĩ krĩ kufy han tũg nĩ. Kanẽ jur han tũg nĩ gé.

²⁸ Inh vĩ tag mẽ ãjag tóg huri, isỹ ãjag mỹ: “tũg jé sóg ke mũ, kar kĩ sóg ãjag to vỹn kenh ke mũ gé,” he mũ ti. ãjag tỹ iso há nỹtĩ ra tóg ãjag mỹ sér tĩnh

mũ vễ, isỹ inh panh venh tĩg ke ti. Inh panh vỹ inh kãfór nĩ.

²⁹ Ũri sóg ãjag mỹ tag kãmén mũ, ãjag tỹ ẽn venh ke to hã. Kỹ inh mĩ ẽkrén nĩ, ãjag tỹ ẽn venh ken kỹ. Ẽn kã inh ki ge kỹ nỹtĩmnĩ.

³⁰ Isỹ ãjag mré vēmén tag vỹ rur nĩ ha. Ẽprã pã'i mág jun ke nẽ ha. Hã ra ti pi(jé) tỹ inh krĩg mỹ ke nĩ'.

³¹ Hã ra sóg sỹ nén han ke mũ ẽn han sór mũ, ẽprã ke kar ag tỹ inh jykre ve jé, isỹ inh panh to há tãvĩ nĩ ti. Kỹ sóg inh panh tỹ inh mỹ nén tó mũ ẽn han kãn tĩ. Hã ven sór inh mũ, ẽprã ke kar ag mỹ. Mũ jé ha, re ra," he tóg, Jesus ti. Tĩ tỹ ã mré mũ tĩ ag mỹ ag tỹ nén venh ke kãmén hã vễ.

15

Jesus tỹ uva fa ri ke nĩ

¹ Ag mũn kỹ Jesus tóg ag mỹ: “uva fa ri ke inh nĩ,” he mũ. “Inh panh vỹ ù tỹ uva ki rĩr mũ ẽn ri ke nĩ.

² Kỹ ãjag uva pẽ ri ke nỹtĩ,” he tóg. “Ủ tỹ inh vĩ han sór tũ ẽn ag hã vỹ uva pẽ kanẽn vãnh ẽn ri ke nỹtĩ. Ẽn kym kỹ tóg fón tĩ, inh panh ti, uva pẽ kanẽn vãnh ẽn ti. Ẽn kanẽ há han mũ ẽn ki rĩr há han tóg tĩ, ẽn féj rógrãm tóg tĩ, ti pẽ kãsir nẽgnẽm tóg tĩ gé, ti tỹ kanẽ e han jé.

³ Tag ri ke han ti tĩ, inh panh ti, ãjag tỹ. Ẽjag tỹ há' he tóg huri, inh panh ti, ãjag tỹ inh vĩ kri nĩm tigrĩn.

⁴ Isovãnh tũg nĩ, kỹ sóg ãjag tovãnh ke tũ pẽ nĩ gé. Uva pẽ ẽn ri ke ti nĩ. Tĩ tỹ ti pẽ rógrãm kỹ tóg tóg mũ. Jãvo ti pẽ tỹ uva fa ẽn to nỹgtĩn kỹ tóg kanẽ há han tĩ. Ẽn ri ke ti nĩ, ãjag tỹ inh ki ge kỹ nỹtĩ tag ti. Ẽjag tỹ

inh ki ge kÿ nÿtÿn kÿ ãjag tóg vënh jykre há hã han kÿ nÿtÿ nÿ, jávo ãjag tÿ isovãnh kÿ ãjag tóg vënh jykre há tovãnh ke mÿ gé,” he tóg, Jesus ti.

⁵ “Uva fa ri ke inh nÿ, kÿ ãjag tóg uva pë ri ke nÿtÿ gé. ãjag tÿ inh ki ge kÿ nÿtÿn kÿ ãjag tóg kanë e han ke mÿ, ãjag tÿ isovãnh tÿ nÿn kÿ. ãjag pi(jé) ãjag pir mÿ nén ù há han ki kanhró nÿtÿ'. Inh hã ne ãjag tar han tÿ'.

⁶ Û tÿ isovãnh ke mÿ ên fón jé tóg ke mÿ, inh panh ti. Êg tÿ uva pë kórég kym kÿ vãm ên ri ke tóg nÿ. Êg tÿ ti pë kym kÿ fón kÿ tóg tóg mÿ, kÿ êg tóg ti pÿn tÿ sir. Ên ri ke han jé tóg ke mÿ, inh panh ti, ù tÿ isovãnh mÿ ên tÿ.

⁷ ãjag tÿ isovãnh tÿ nÿn kÿ, ãjag tÿ isÿ ãjag mÿ nén tó mÿ ên to jykrén kÿ nÿtÿn kÿ, kÿ inh mÿ nén kar to vÿmnÿ. Han jé sóg ke mÿ, ãjag mÿ, ãjag tÿ inh mÿ nén to vÿ mÿ ên ti, ha vemnÿ.

⁸ ãjag tÿ vënh jykre há han kÿ tóg uva pë tÿ kanë e han ri ke nÿ. Kÿ vënh kar ag tóg ãjag jykre ve kÿ Topë to: “ùn há vÿ tÿ ti nÿ,” henh ke mÿ. Hã ki ag tóg ki kanhró nÿtÿnh mÿ, ãjag tÿ tÿ inh mré ke nÿtÿ ti.

⁹ Inh panh vÿ iso há tâvÿ nÿ. Ge inh nÿgtÿ gé, ãjag to. ãjag to ha pë sóg nÿ gé. Inh ki ge kÿ nÿtÿmnÿ, sÿ ãjag to há tâvÿ nÿ jé.

¹⁰ ãjag tÿ isÿ ãjag mÿ nén tó mÿ ki króm kÿ ãjag tóg inh ki ge kÿ nÿtÿnh mÿ, kÿ sóg ãjag to há nÿ gé. Hã kÿ sóg inh panh vÿ hã ki króm kãn mÿ, kÿ tóg iso há tâvÿ nÿ.

¹¹ Inh mÿ tóg sér tÿ. Kÿ sóg ãjag mÿ tag tó mÿ, ti tÿ ãjag mÿ sér tÿn jé gé, ti tÿ inh mÿ sér ên ri ke tÿn jé

gé, ãjag mÿ. Ti tÿ ãjag mÿ sér tĩ hã jé sóg ãjag mÿ inh jykre kãmén mÿ.

¹² Sÿ ãjag mÿ vënh jykre nĩm mÿn hã vë, ha mē. Jagnē to há pē nÿtĩmnĩ, sÿ ãjag to há nĩ ěn ri ke han nĩ, he sóg mÿ.

¹³ Ũ tÿ ã mré ke ũ ag jagfy ter sór mÿ ěn vÿ ag to há ja nĩgtĩ. Ũ tÿ ěg to há kãfór pē ěn venh ke tũ ěg tóg nĩ, ěprã.

¹⁴ Inh mré ke pē vÿ tÿ ãjag nÿtĩ, ãjag tÿ inh vĩ ki króm kÿ.

¹⁵ Hã kÿ sóg ãjag to: “inh camarada ag,” he tũ nĩgtĩ gé. ěg pi(jé) ěg camarada ěn ag mÿ ěg tÿ nén to jykren mÿ ěn kãmén tĩ'. ěg mré ke ag hã mÿ ěg tóg kãmén tĩ. ãjag mÿ sóg inh panh tÿ inh mÿ nén tó mÿ ěn kãmén kãn huri, hã kÿ sóg ãjag to: “inh mré ke ag,” he mÿ.

¹⁶ ãjag pi(jé) inh kuprëg'. Inh hã ne ãjag kuprëg'. Kÿ sóg ãjag mÿ: “kanē e han nĩ,” he mÿ ha, hã vÿ: vënh jykre há, he mÿ. Vënh jykre há hã vÿ tũ' henh ke tũ nĩ. ãjag tÿ ěn han kÿ jatun mÿ Topē mÿ nén kar to vĩmnĩ, inh jyjy tó kÿ. ãjag tÿ ti mÿ nén ũ to vĩ mÿ ěn han jé tóg ke mÿ, Topē ti, ãjag tÿ vënh jykre há han kÿ nÿtĩn kÿ.

¹⁷ Sÿ ãjag mÿ nén tó mÿn hã vë, hã vÿ: jagnē to há nÿtĩmnĩ, sÿ ãjag to há nĩ ěn ri ke, he mÿ,” he tóg, Jesus ti.

Ũ tÿ ěg to jũnh ke ag

¹⁸ Ũ tÿ inh ki ge tũ ag vÿ iso jũ vén ja nĩgtĩ, kÿ ag tóg ãjag to jũ nÿtĩ gé. Tag mĩ ěkrén nĩ, ag tÿ ãjag to jũnh ken kÿ.

19 Ājag pi(jé) tỹ ag mré ke nỹtĩ'. Ājag tỹ tỹ ag mré ke nỹtĩ ra ag tóg ājag to há nỹtĩnh ke mũ vễ, hã ra ājag tóg tỹ ag mré ke tũ nỹtĩ. Ājag kuprēg inh, ag kãmĩ, ājag tỹ tỹ inh mré ke nỹtĩ jé, hã kỹ ag tóg ājag to jũ nỹtĩ.

20 Vāsỹ sóg ājag mỹ: “ājag pi(jé) inh kãfór nỹtĩ',” he ja nĩgtĩ. Tag mũ ēkrén nĩ. Inh camarada ri ke ājag nỹtĩ, jãvo sóg tỹ ājag patrão ri ke nĩ. Ag kãmĩ ù tóg inh vóg kónãn ke mũ. Ēn vỹ ājag vóg kónãn ke mũ gé. Ag kãmĩ ù tóg inh vĩ ki króm tĩ. Ēn ag vỹ ājag vĩ ki króm ke mũ gé.

21 Hã ra ag tóg ājag vóg kónãn ke mũ gé, ājag tỹ tỹ inh mré ke nỹtĩn kỹ. Ag pi(jé) ù tỹ inh jẽnēg mũ ěn ki kanhró nỹtĩ'.

22 Inh kãtĩ tũ ra, isỹ ag mỹ inh vĩ tó tũ ra ag tóg: “hã ra ěg tóg ki kagtĩg nỹtĩ,” henh ke mũ vễ. Hã ra sóg ag mỹ tó, hã kỹ ag tóg ki kanhró nỹtĩ.

23 Û tỹ iso jũ nỹtĩ ěn ag vỹ inh panh to jũ nỹtĩ gé.

24 Nén ù han vãn hyn han sóg tĩ, ag rĩnve, kỹ ù vỹ tag han ja tũ pẽ nĩ ijo. Isỹ tag han tũ nĩ ra ag tóg: “vég tũ ěg nĩ,” henh ke mũ vễ. Hã ra ag tóg vé, ag tỹ vég mũ ra ag tóg ge ra iso jũ nỹtĩ, kỹ ag tóg inh panh to jũ nỹtĩ gé.

25 Hã ra ag tóg rãn kỹ nỹtĩ, Topẽ vỹ tỹ rãn kỹ nĩ ki. “Nén ù tũ to ag tóg iso jũ sór mũ,” he tóg, Topẽ vỹ rá ki. Hã kỹ ag tóg ke tĩ,” he tóg, Jesus ti.

26 “Hã ra tóg kãtĩg ke mũ, ù tỹ ājag tar han ke ti. Topẽ kuprĩg to ken hã vễ. Ti hã vỹ ki hã tónh ke mũ, inh panh kuprĩg ti. Ēn hã vỹ ājag mỹ inh kãmén ke mũ.

27 Kỹ ājag tóg vẽn h kar mỹ inh kãmén ke mũ gé, ěn kã. Inh mré ājag tóg mũ ja nĩ, isỹ ājag mỹ tó vén

mũn kã,” he tóg.

16

¹ “Ăjag mÿ sóg tag kãmén kãn mũ, ãjag tÿ ki kanhró nÿtĩ jé, ãjag tÿ isovãnh sór tũ pẽ nĩ jé, ãjag jagtar ke kurã ên kã.

² Ăjag pan jé ag tóg ke mũ, pã'i ag, ãjag tÿ vënh kanhrãn jafã ra mũ mãn tũ nĩ jé. Kÿ ag tóg ãjag kãgtén ke mũ gé. Ăjag kãgtén kÿ ag tóg ón kÿ: “Topẽ vÿ ěg mÿ tó, hã kÿ ěg tóg ag kãgtén,” henh ke mũ.

³ Ag tÿ ěg jóg mág ki kagtĩg nÿtĩ hã kÿ ag tóg tag han ke mũ. Inh ki kagtĩg ag tóg nÿtĩ gé.

⁴ Ũri sóg ãjag mÿ tó mũ. Kÿ ãjag tóg, ãjag tÿ tag ve kÿ (ãjag tóg): “ěg mÿ tóg tó ja nĩ, ěg tÿ ũri nén vég mũ tag ti,” henh ke mũ,” he tóg, Jesus ti.

Topẽ kuprĩg kãtĩg ke

Vãsÿ sóg ãjag mÿ tag tó ja tũ nĩ ver. Vãsÿ sóg ãjag mré tĩg nĩ vë, hã ra sóg ãjag mÿ tag tó ja tũ nĩ, sÿ ũri ãjag mÿ nén tó mũ tag ti.

⁵ Ũri sóg tĩg ke mũ, isÿ ũ tÿ inh jëněg mũ ên ve jé. Kÿ ãjag pi(jé) inh mÿ: “ã tÿ hẽ ra tĩg ke nẽ?” henh ke mũ!

⁶ Ăjag mÿ tóg e tĩ, sÿ ãjag mÿ isĩg ke tag tó ja nĩn kÿ, kÿ ãjag tóg fe kaj nÿtĩ.

⁷ Há ti nĩ hã ra, isĩg ke ti, ha mẽ. Isĩg tũ nĩn kÿ ũ tÿ ãjag tar han mũ ên vÿ kãtĩg ke tũ nĩ vë, Topẽ kuprĩg ti. Isĩg kÿ sóg ãjag mÿ ti jëněnh ke mũ.

⁸ Ěn vÿ, ã kãtĩg kÿ (tóg) vënh kar mÿ: “Topẽ vĩ mranh ã huri,” henh ke mũ, kÿ tóg ag mÿ vënh jykre kuryj tónh ke mũ gé, kÿ tóg ag mÿ Topẽ tÿ ag vóg kónãn ke ěn tónh ke mũ gé.

9 “Jesus ki ã tóg rã tũ nĩ, hã kũ ã tóg Topẽ vĩ mranh tĩ,” he jé tóg ke mũ, vẽn kar mũ.

10 Kũ tóg ag mũ vẽn jykre kuryj tónh ke mũ gé, Topẽ kuprĩg ti. Jãvo sóg tĩg ke mũ, inh panh kukãm, kũ ag tóg inh venh ke tũ nĩ.

11 Kũ Topẽ kuprĩg tóg ag mũ Topẽ tỹ ag vóg kónãn ke ãn tónh ke mũ gé. Tag ki ãn tỹ tỹ ãn mág pẽ tỹ Nén-Kórég ãn to tóg: “kórég ti nĩ,” hé huri, Topẽ ti. Hã to ãg tóg ti tỹ ãn vóg kónãn ke mũ ãn ag ki kanhró nỹtĩ,” he tóg, Jesus ti.

12 “Sỹ ãjag mũ nén tónh ke mũ vỹ ver e nỹtĩ, hã ra tóg ver ãjag mũ mẽ jagy tĩ, hã kũ sóg tónh ke tũ nĩ.

13 Topẽ kuprĩg tỹ ãjag ki jun kũ, ã tỹ ki hã tó tĩ ãn kãtĩg kũ tóg komẽr hã ãjag mũ tó kãn ke mũ, nén tỹ ki hã tó mũ ãn ti. Ti pi(jé) ã tỹ nén to jykrén mũ ãn tónh ke mũ, Topẽ kuprĩg ti. Inh panh tỹ inh mré nén to jykrén mũ ãn hã tó jé tóg ke mũ. Kũ tóg ãjag mũ ãjag tỹ kar kũ nén venh ke ãn tónh ke mũ gé.

14 Ti hã vỹ iso: “ãn mág vỹ tỹ ti nĩ,” henh ke mũ gé. Inh vỹ hã tó jé tóg ke mũ ãjag mũ, hã kũ tóg isỹ tỹ ãn mág nĩ tónh ke mũ.

15 Inh panh tỹ nén tó mũ ãn hã tó sóg tĩ gé. Kũ tóg ãn hã tónh ke mũ gé, ti kuprĩg ti. Hã kũ sóg ãjag mũ: inh vỹ hã tó jé tóg ke mũ,” he mũ,” he tóg, Jesus ti.

Jesus tỹ ter kar kũ rĩr mãn ke

16 “Kãnhmar ãjag tóg inh ve mãn ke tũ nĩ ha, kejẽn ãjag tóg kurã ã ki inh ve mãn ke mũ gé,” he tóg, Jesus ti.

17 Kũ ti mré mũ tĩ ag tóg jagnẽ mũ: “ti hỹn ne tó sór mũ, hã kũ tóg: kãnhmar ãjag tóg inh ve mãn ke tũ nĩ ha, he mũ, hã kũ tóg: kejẽn ãjag tóg kurã ã ki inh ve mãn ke mũ gé, he mũ?” he ag tóg. “Ti tỹ ne

tónh ke nê hÿn, hã kÿ tóg: inh panh kukãm sóg tÿg mÿ ha, he mÿ?” he ag tóg.

¹⁸ “Ne to ke nê hÿn, hã vÿ: kãnhmar, he mÿ? Ēg pi(jé) ti tÿ nén tó mÿ ěn ki kanhró nÿtĩ,” he ag tóg, jagnê mÿ.

¹⁹ Hã ra Jesus tóg ki kanhró nĩ, ag tÿ ti ki nén jẽmẽ sór mÿ ěn ki. Hã kÿ tóg ag mÿ: “inh vĩ mÿ ãjag mÿ e?” he mÿ. “Kãnhmar ãjag tóg inh ve mãn ke tũ nĩ ha, kejẽn hã ãjag tóg kurã ù ki inh ve mãn ke mÿ.

²⁰ Ki hã sóg tó mÿ, hã kÿ sóg ke mÿ. Kygfÿ jé ãjag tóg ke mÿ. Vẽsÿrénh jé ãjag tóg ke mÿ. Hã ra tóg ù tÿ inh ki ge tũ ag hã mÿ sér tÿnh mÿ. Fe kaj han jé ãjag tóg ke mÿ, tag pãte tóg ãjag mÿ sér tÿnh mãn ke mÿ gé.

²¹ Ûn tÿtá fi tÿ gÿr venh ken kÿ tóg fi mÿ jagy tĩ, fi kaga jagy ěn ti. Fi kósín tÿ fi ki mur kar kÿ tóg hã ra fi mÿ sér tĩ, kÿ fi tóg ã kaga ěn mĩ ěkrén mãn tũ nÿgtĩ. Fi tÿ ã kósín ve kÿ tóg fi mÿ sér tĩ.

²² Ge ve jé ãjag tóg ke mÿ. Ûri tóg ãjag mÿ jagy tĩ, hã ra sóg ãjag ve mãn ke mÿ, kÿ ãjag fe tóg mrin kenh ke mÿ, ãjag tÿ inh ven kÿ. Kÿ ù tóg ãjag fe kaj han mãn ke tũ nĩ ha, inh kãtÿg mãn kÿ.

²³ Ēn kã ãjag tóg inh mÿ nén ù to vĩ mãn ke tũ nĩ ha, isÿ ãjag mré nÿn kÿ. Ki hã sóg tó mÿ, hã kÿ sóg ke mÿ. Ājag tÿ inh panh mÿ nén ù to vÿn kÿ tóg ãjag mÿ vÿn kãn ke mÿ, ãjag tÿ ti mÿ nén ù to vĩ mÿ ěn tÿ, ãjag tÿ tÿ inh mré ke nÿtÿn kÿ.

²⁴ Ver ãjag tóg ti mÿ nén ù to vĩ ja tũ nĩ, ãjag tÿ ti mÿ: “ti mré ke vÿ tÿ ěg nÿtĩ,” hen kÿ. Ti mÿ nén ù to vÿmĩ, kÿ tóg ãjag mÿ hÿn han kãn ke mÿ, ãjag tÿ nén to vĩ mÿ ěn ti, kÿ tóg ãjag mÿ sér tãvĩ tÿnh mÿ,” he tóg, Jesus ti.

Jesus tỹ tỹ ěprā ke kar kri ke nĩ

²⁵ “Ājag mỹ sóg comparação han kỹ inh panh kāmén tĩ, kǎnhmar sóg jamā hár(a) ājag mỹ inh panh kāmén ke mũ, kỹ sóg ājag mỹ comparación han mǎn ke tũ nĩ sir.

²⁶ Kurā ěn kǎ ājag tóg vėsóg ki inh panh mỹ nén ũ kar to vĩnh ke mũ, ājag tỹ tỹ inh mré ke nỹtĩn kỹ. Kỹ sóg ājag jagfy vĩ mǎn ke tũ nĩ ha, ājag tỹ vėsóg ki ti mré vēmén kỹ. Ājag hǎ vỹ ti mré vēmén ke mũ ha.

²⁷ Inh panh vỹ ājag to há tǎvĩ nĩgtĩ, ājag tỹ iso há nỹtĩn kỹ, ājag tỹ iso: “Topě vỹ ti jěně,” hen kỹ.

²⁸ Inh panh tỹ inh jěněn hǎ kỹ sóg ga tag ki jun mũ. Hǎ ra sóg ũri inh mur ja ré kỹ tĩg ke mũ ha, inh panh kukǎm,” he tóg, Jesus ti.

²⁹ Kỹ ti mré mũ tĩ ag tóg ti mỹ: “vǎhǎ ģ tóg ěg mỹ kāmén há han mũ ha,” he mũ. “Vǎhǎ ģ tóg ěg mỹ comparación tó tũ nĩ ha.

³⁰ Nén ũ kar ki kanhró ģ tóg nĩ, vėg ěg tóg mũ. ěg tỹ ģ ki nén ũ jēmě sór kỹ ģ tóg ki kanhró nĩ. ěg tỹ ģ mỹ nén ũ tó tũ ra ģ tóg ki kanhró nĩ. Hǎ ki ěg tóg vėg mũ, ģ tỹ Topě tá kǎtĩg ja ti,” he ag tóg mũ, Jesus mỹ.

³¹ Kỹ tóg ag mỹ: “vǎhǎ ājag tóg inh ki ge kỹ nỹtĩ ha,” he mũ.

³² “Hǎ ra ājag tóg kǎnhmar inh ré kỹ mũ kǎn mũ ha, ājag ĩn ra. Vėnh kǎ pugpóv kǎn jé ājag tóg ke mũ, ũri. Hǎ ra sóg pir pě tũ nĩ, ājag tỹ inh ré kỹ mũ kǎn mũ (hǎ) ra. Inh panh vỹ ěgno kǎ inh mré jě nĩ.

³³ Tag kāmén sóg ājag mỹ, ājag tỹ krĩ kǎnhvy nỹtĩ jé, ājag tỹ inh ki ge kỹ nỹtĩ tugrĩn. Tag ki ājag tóg nén ũ jagy kar vėg tĩ ver. Hǎ ra to krĩ kufy han tũg nĩ.

Ēprã ke kar kri ke vỹ tỹ inh nĩ, ěprã ke kri pã'i ěn, Japo ěn kutēm inh huri,” he tóg, Jesus ti.

17

Jesus tỹ Topě mré vēmén

¹ Jesus tỹ ã mré mũ tĩ ag mỹ tag kãmén kãn kar kỹ tóg kanhkã ki ěvãnh mũ, kỹ tóg: “panh’,” he mũ. “Inh hora tán krỹg huri,” he tóg. “Ag mỹ isỹ tỹ ũn mág nĩ ven nĩ, isỹ tỹ ã kósin nĩn kỹ. Kỹ sóg ag mỹ ã tỹ tỹ ũn mág nĩ ven ke mũ gé.

² Ēprã ke kar kri ã tóg inh fĕg, isỹ ag mỹ rĩr krỹg ja tũ ven jé, ã tỹ inh mỹ ũn vin mũ kar ěn ag mỹ, fag mỹ ke gé.

³ Ũ tỹ ã ki kanhrãn mũ ěn vỹ rĩr krỹg ja tũ venh ke mũ, ũ tỹ ã to: “Topě vĕ,” he mũ kar ag, ũ tỹ ã to: “Topě ũ vỹ tũ nĩ,” he mũ kar ag, fag kar ke gé. Kỹ ag tóg inh ki kanhró nỹtĩ gé, isỹ tỹ Jesus Cristo nĩn ki, ã hã tỹ inh jĕně ěn ki.

⁴ Ag hã mỹ sóg ã tỹ tỹ ũn mág nĩ tag ven, ěprã ke ag mỹ, fag mỹ ke gé. Ā tỹ inh mỹ nĕn tó mũ ěn han kãn inh.

⁵ Vãsỹ, ěg tỹ ga tag han tũg ki sóg ã mré nĩ ja nĩgtĩ, ěn kã sóg tỹ ũn mág pĕ nĩ ja nĩgtĩ, ã mré. ěn han mãn nĩ, inh mỹ. Isỹ tỹ ũn mág pĕ nĩ han mãn nĩ, panh’.

⁶ Ũ ag kuprĕg ja ã nĩ, ag tỹ inh ki ge jé, fag ke gé. ěn ag mỹ sóg ã kãmén ja nĩgtĩ. Ā tũ ag vĕ, hã ra ã tóg inh mỹ ag vin, fag ke gé. Ā vĩ ki króm ag tóg tĩ, fag ke gé.

⁷ Ūri ag tóg ki kanhró nýtĩ, isỹ ã tũ hã han mũ ěn ki, fag ke gé. Ā hã ne inh mỹ nén kar ěn tó tĩ'. Tag vég ag tóg tĩ.

⁸ Ag mỹ sóg ã vĩ ti tó tĩ, kỹ tóg ag mỹ sér tĩ, fag mỹ ke gé. Kỹ ag tóg vég mũ, ã tỹ inh jĕnĕ ěn ti. Kỹ ag tóg iso: “Topĕ tỹ ũn jĕnĕg mũ ěn vĕ,” he mũ, fag ke gé.

⁹ Ā tỹ inh mỹ ũn vin mũ ěn ag hã jagfy sóg vĩ tĩ, fag ke gé. Ū tỹ inh ki ge tũ ěn ag jagfy sóg vĩnh ke tũ nĩ. Ā tũ ag hã jagfy sóg vĩ tĩ.

¹⁰ Ha vé, isũ kar vỹ tỹ ã tũ nýtĩ, kỹ ã tũ kar vỹ tỹ isũ nýtĩ gé. Ag hã tugrĩn sóg tỹ ũn mág nĩ, ũ tỹ inh ki ge kỹ nýtĩ ěn ag hã tugrĩn, fag ke gé.

¹¹ Inh mur ja ré kỹ sóg tĩg mũ, ijãvo ag tóg ěgno mĩ mũ nĩ sir, isũ mré ã tũ ag. Ag jãvo sóg ã venh kãtĩg mũ ha. Inh panh mág, há tãví ã tóg nĩ. Ag jy nĩgãn nĩ, ã jykre ki. Ā hã ne inh mỹ ag vin'. Ā mré sóg tỹ ũn pir nĩ. Ag tỹ jagnĕ mré tỹ ũn pir nýtĩ han nĩ, isỹ ã mré tỹ ũn pir nĩ tag ri ke han nĩ, ag tỹ, fag tỹ ke gé.

¹² Isỹ ag mré nĩn kỹ sóg ag jy nĩgãn tĩ, ã jykre ki, ã tỹ inh mỹ ũn vin mũ ěn ag kar jy, fag jy ke gé. Ag ki rĩr há han inh, kỹ ag kã ũ tóg vãfor ja tũ nĩ. Ūn pir tóg hã ra vãfor kỹ nĩ inhhã, hã ra tóg ti to rán kỹ nĩ, ti tỹ nũgme ki kutĕnh ke ti, hã kỹ ti tỹ ki kutĕnh ke nĕ ha.

¹³ Ūri sóg ã kukãm kãtĩg mũ, hã ra sóg ver tag ki ag mỹ kãmén mũ, ti tỹ ag mỹ sér tĩ jé, ti tỹ inh mỹ sér tĩ tag ri ke tĩ jé, ag mỹ.

¹⁴ Ag mỹ sóg hur ã vĩ kãmén. Kỹ ũ tỹ inh ki ge tũ ag vỹ ag to jũ mũ, ag tỹ tỹ ag mré ke tũ nýtĩn kỹ. Inh pí(jé) tỹ ag mré ke nĩ gé', ũ tỹ ag to jũ mũ ěn mré.

¹⁵ Hã ra sóg ã mỹ: “ha ag jé prĕr,” he tũ nĩ, “ag tỹ

ga tovãnh jé,” he tũ sóg nĩ. “Nén-Kórég jo ag jy nĩgãh nĩ,” he sóg mũ ã mỹ.

¹⁶ Ag pí(jé) tỹ inh ki ge tũ ag mré ke nỹtĩ'. Tỹ sóg ag mré ke tũ nĩ gé, ù tỹ inh ki ge jãvãnh ên ag mré.

¹⁷ ã vĩ há ki ag kanhrãh nĩ, ã tỹ ùn kuprêg mũ ên ag, ag tỹ komêr hã ã ri ke nỹtĩ jé. ã vĩ ên vỹ tỹ vênh vĩ há tãvĩ nĩ.

¹⁸ Inh jêñê ã tóg, sỹ ga kri mur jé. Kỹ sóg ã kóm ag jêgnênh mũ, ag tỹ êprã ke kar ên ag mỹ inh kãmén jé.

¹⁹ Ag jagfy sóg ã mỹ vênh fêg ke mũ, ag tỹ inh mré ã mỹ vênh vin kỹ nỹtĩ jé.

²⁰ Hã ra sóg nén ù to vĩ sór mũ gé, sỹ ã mỹ ag kãmén kar kỹ. Û ag tóg ag vĩ mẽ kỹ inh ki genh ke mũ. Ên ag to sóg vĩ sór mũ gé.

²¹ Ag kar tỹ tỹ ùn pir nỹtĩnh ken kỹ tóg há tĩ, ã tỹ inh mré tỹ ùn pir nĩ ên ri ke, isỹ ã mré tỹ ùn pir nĩ ên ri ke. Ag tỹ êg mré tỹ ùn pir nỹtĩnh kỹ tóg há tĩ. Kỹ vênh kar vỹ venh ke mũ, ã tỹ nén to inh jêñêg mũ ti.

²² Isỹ ã tóg ùn mág han. Kỹ sóg ag tỹ ùn mág han ke mũ gé, ag tỹ jagnê mré tỹ ùn pir nỹtĩ jé, ã tỹ inh mré tỹ ùn pir nĩ tag ri ke.

²³ Inh mré ke vỹ tỹ ag nỹtĩ, kỹ sóg tỹ ag mré ke nĩ gé, kỹ êg kar vỹ tỹ ùn pir ri ke nỹtĩ. Êg tỹ tỹ ùn pir nỹtĩ tugrĩh vênh kar tóg venh ke mũ, ã tỹ inh jêñê ên ti. Ûn tỹ inh ki ge kỹ nỹtĩ ên ag to há tãvĩ ã tóg nĩ, ã tỹ iso há nĩ tag ri ke. Tag ve jé ag tóg ke mũ, êprã ke ag, ag tỹ êg tỹ tỹ ùn pir nỹtĩ tag ven kỹ.

²⁴ Panh', vãsỹ ã tóg iso há nĩgtĩ vê, êg tỹ ga tag han tũg ki. Hã kỹ ã tóg isỹ ùn mág pẽ han. Kỹ tóg inh mỹ há tĩnh mũ, ag tỹ inh mré nỹtĩnh kỹ, ã tỹ inh mỹ ùn

vin mũ ên ag. Ag tỹ inh mré nỹtĩn kỹ ag tóg venh ke mũ, ã tỹ isỹ ùn mág han ja ti.

²⁵ Panh', jykre kuryj ã tóg nĩ. Û tỹ inh ki ge tũ ag vỹ ã ki kagtĩg nỹtĩ, ag jãvo sóg ã ki kanhró nĩ. Kỹ tag ki inh mré nỹtĩ ag vỹ ki kanhró nỹtĩ gé, ã tỹ nén to inh jẽnẽg mũ ti.

²⁶ Ag mỹ sóg ã kãmén huri, kỹ sóg ag mỹ ã kãmén mãn ke mũ gé, ag tỹ jagnẽ to há nỹtĩ jé, ag tỹ ã tỹ iso há tag ri ke nỹtĩ jé. Kỹ sóg ag mré êmãn ke mũ gé," he tóg, Jesus ti, ã panh mré vēmén kỹ.

18

Ag tỹ Jesus se

(Mt 26.47-56; Mc 14.43-50; Lc 22.47-53)

¹ Jesus tỹ tag tó kar kỹ tóg ã mré mũ tĩ ag mré tĩ mũ sir. Goj tỹ Cedrom kafã ù ra ag tóg pa mũ sir. Tá ka tóg krãkrãn kỹ nỹtĩ. Ka kré ên krêm ag tóg nĩgnĩ mũ sir.

² Hã ra Judas tóg ti tĩg ên ki kanhró nĩ gé. Tã tóg ã mré mũ tĩ ag mré vēmén tỹ hên ri ke han huri, Jesus ti, hã kỹ Judas tóg ag tỹ ra mũnh ke ki kanhró nĩ, ù tỹ pã'i ag mỹ Jesus ve ke mũ ên ti.

³ Kỹ tóg ag nón tá jun mũ sir, Judas ti, soldado ag mré, polícia ag mré hã ke gé, pã'i ag tỹ ag jẽgnẽn kỹ. Fariseu ag vỹ pã'i ag mré polícia ag jẽgnẽn ja nĩ gé. Lampião e gég ag tóg kãmũ mũ, pĩ jónhkó ke gé, ka kykyv mré hã.

⁴ Hã ra Jesus tóg ki kanhró nĩ, ã jagtar ken ki, kỹ tóg ag kato tẽ mũ sir. Kỹ tóg ag mỹ: "ãjag tỹ ù tỹ hẽ ve sór nẽ?" he mũ.

⁵ Kỹ ag tóg ti mỹ: "Nazaré tá ke ên ve sór ãg tóg mũ," he mũ. "Jesus vẽ mỹr," he ag tóg mũ. Kỹ Jesus tóg ag mỹ: "inh hã vẽ," he mũ. Hã ra Judas tóg ag

mré kâtĩg ja nĩ gé, ù tỹ pã'i ag mỹ Jesus ven mũ ěn ti.

⁶ Jesus tỹ ag mỹ: “inh hã vĕ,” hen kỹ ag tóg ti jo ranh ke mũ. Rom ke ag tóg mũ sir, ěprã.

⁷ Kỹ Jesus tóg ag mỹ vĩ mãn mũ. “Ājag tỹ ù ve sór nĕ?” he tóg. Kỹ ag tóg ti mỹ: “Jesus, Nazaré tá ke ěn,” he mãn mũ.

⁸ Kỹ Jesus tóg ag mỹ: “ājag mỹ sóg: inh hã vĕ, hé huri. Kỹ ājag tỹ ise sór kỹ inh mré ke tag ag togvãnh nĩ sir,” he tóg.

⁹ Hã ra tóg tag tó, ã tỹ to hã ã panh mỹ: “ã tỹ inh mỹ ùn vin ja ěn ag vỹ ki nỹtĩ, ag kãki ù vỹ vãfor ja tũ nĩ,” he jan kỹ. Ā tỹ ag jy nĩgãn jé tóg polícia ag mỹ: “ag togvãnh ra,” he mũ, ã mré mũ tĩ ag to.

¹⁰ Hã ra Simão Pedro tóg ã rógro ěn vyn kỹ tóg polícia ag kãki ù nĩgrĕg kym ke mũ. Ti pĕgja tá ti nĩgrĕg jĕ ěn tỹ tóg kym ke mũ. Topĕ tũ ki rĩr tĩ to pã'i mág camarada ja vĕ, ti tỹ ù nĩgrĕg kym mũ ěn ti, ti jijin hã vỹ: Malco, he mũ.

¹¹ Kỹ Jesus tóg Pedro mỹ: “ã rógro tỹ ti pãg ja tá fĕg,” he mũ. “Inh panh tỹ inh mỹ: “vĕsỹrĕnh jé ã tóg ke mũ,” he ja vĕ, hã kỹ sóg ag mỹ vĕnh fĕg ke mũ ha. Vĕnh nenh ke tũ sóg nĩ,” he tóg, Jesus ti.

Pã'i tỹ Anás tỹ Jesus ve

¹² Kỹ soldado ag tóg, ājag pã'i mré (ag tóg) Jesus mrĩnh mũ sir, vãfe tỹ. Polícia ag vỹ ag mré ti mrĩnh mũ gé.

¹³ Kỹ ag tóg ti pére mũ mũ, Anás ĩn ra. Caifás kakrã vĕ, Anás ti, hã ra Caifás vỹ tỹ Topĕ tũ ki rĩr tĩ ag to pã'i mág nĩ, prỹg ěn kã.

14 Hã ra Caifás ên vỹ pã'i ag mỹ: “ũn pir tỹ ãg povo jagfy ter kỹ tóg pãgsĩ nĩ,” he ja nĩ. Ên kakrã ãn ra ag tóg Jesus pére mũ mũ.

*Pedro tỹ Jesus to: “ti ki kagtĩg sóg nĩ,” he vén
(Mt 26.57-58, 69-70; Mc 14.53-54, 66-80; Lc 22.54-57)*

15 Kỹ Simão Pedro tóg Jesus nón tĩ mũ, Jesus mré ke ù mré. Hã ra Jesus mré ke ù ên tóg Topẽ tũ ki rĩr tĩ ag to pã'i mág ên ki kanhró nĩ, hã kỹ tóg Jesus nón Anás ãn kãra rã mũ, ãn vãso ra.

16 Hã ra Pedro tóg re tá jẽ nĩ, ãn jãnkã rã hã. Kỹ Jesus mré ke ù ên tóg ver ù tỹ jãnkã ki rĩr mũ ên fi mré vēmén mũ, kỹ fi tóg Pedro ti mỹ: “ha kãrã,” he mũ, ti mré ke ù ên tỹ pã'i mág ki kanhró nĩn kỹ.

17 Kỹ fi tóg ti mỹ: “ã hỹn tỹ Jesus mré ke nĩ,” he mũ, Pedro ti mỹ, ù tỹ jãnkã ki rĩr jẽ ên fi. Hã ra tóg fi mỹ ón kỹ: “vó,” he mũ.

18 Hã ra Anás camarada ù ag vỹ tá nỹtĩ gé, polícia ag mré. ãn vãso ki ag tóg pĩ han kỹ nỹtĩ, ti tỹ kusa jagy tĩn kỹ. Pĩ to ag tóg tugtón nỹtĩ. Kỹ Pedro tóg ag mré tón nĩ gé, pĩ ên ti to.

*Anás tỹ Jesus ki jẽmẽ sór
(Mt 26.59-66; Mc 14.55-64; Lc 22.66-71)*

19 Kỹ pã'i mág tóg Jesus mỹ: “inh mỹ ã mré mũ tĩ ag kãmén,” he mũ. “Á tỹ nén kãmén tĩ ên ti kãmén nĩ gé, inh mỹ,” he tóg, Anás ti.

20 Kỹ Jesus tóg ti mỹ: “vẽnh kar mỹ sóg jamã hár(a) tó tĩ,” he mũ. “Vẽnh kanhrãn jafã krêm sóg tó tĩ, Topẽ jo ãn krêm ke gé. Judeu kar tỹ vẽnhmãn kỹ nỹtĩn kỹ sóg ag mỹ kãmén tĩ. Inh pi(jé) vẽn pēju kỹ tó tĩ', kỹ vẽn kar vỹ ki kanhró nỹtĩ.

21 Hã ra ã tóg inh ki jëmẽ sór mũ!. Inh vĩ jëmẽg mũ ên ag ki jëmẽmnĩ. Ki kanhró ag tóg nỹtĩ, isỹ ag mỹ nén tó ja ên ki,” he tóg, Jesus ti.

22 Jesus tỹ tag tó kỹ polícia ù tóg Jesus tân h mũ, kỹ tóg ti mỹ: “pã'i mág vễ mỹr,” he mũ. “Hã ra ã tóg ti mỹ vĩ mũ,” he tóg mũ.

23 Kỹ Jesus tóg ti mỹ: “kỹ inh hỹn vễnh vĩ kórég tỹ ne tóg?” he mũ. “Ha inh mỹ sỹ vễnh vĩ kórég tó mũ ên tóg,” he tóg. “Vĩ há han inh, ã tỹ hã ra ne tugnĩn isãnh nẽ?” he tóg.

24 Tag pãte Anás tóg Jesus jënẽg mũ sir, ti tỹ Caifás venh tĩg jé, Topê tũ ki rĩr tĩ ag to pã'i mág ên mỹ. Ti mĩnh kỹ jê kỹ tóg ti jënẽg mũ.

*Pedro tỹ Jesus to: “ti ki kagtĩg sóg nĩ,” he mãn
(Mt 26.71-75; Mc 14.69-72; Lc 22.58-62)*

25 Hã ra Simão Pedro tóg tón nĩ nĩ, pĩ to. Kỹ tá nỹtĩ ag tóg ti mỹ: “ã hỹn tỹ ti mré ke nĩ gé,” he mũ. Hã ra tóg ón kỹ: “vó,” he mãn mũ.

26 Kỹ pã'i mág mỹ rãnrãj tĩ ù vĩ tá nĩ gé. Pedro tỹ ù nĩgrẽg kym ja ên kanhkã ù vễ. Ên vĩ Pedro mỹ: “ã ve inh, ka kré krêm,” he mũ. Tá ã tóg ti mré jê ja nĩ,” he tóg mũ.

27 Hã ra Pedro tóg ón kỹ ti mỹ: “vó,” he mãn mũ. Ên kã galo vĩ kynkyr mũ ha.

*Pilatos tỹ Jesus ki jëmẽ
(Mt 27.1-2, 11-14; Mc 15.1-5; Lc 23.1-5)*

28 Kusã pẽ ki ag tóg Jesus pére mũ mũ, pã'i tỹ governador ãn ra, ti vêmén jafã ra, palácio ên ra. Caifás ãn tá ag tóg ti pére kãpa mũ. Hã ra ag tóg pã'i tỹ governador ãn kã ra ge sór tũ nĩ. Ag tỹ festa tỹ Páscoa han ke vĩ kakó tĩ ha, kỹ ù tỹ pã'i tỹ

governador ãn kã ra ge mũ vỹ festa tỹ Páscoa ãn ki jẽn ke tũ nĩ. Ag jykre vỹ. Hã ra ag tóg ko sór mũ, hã kỹ ag tóg kã ra ge ja tũ nĩ sir.

29 Kỹ Pilatos tóg re ra kãkutẽ mũ, ag mré vēmén jé. Kỹ tóg ag mỹ: “ti hẽ ri ké?” he mũ. “Ti vẽn jykre kórég tỹ ne han’?” he tóg, Pilatos ti, Jesus to.

30 Kỹ ag tóg ti mỹ: “vẽn jykre kórég han ti tũ,” he mũ. “Ti há nĩ ra ãg tóg ã mỹ ti ven ke tũ nĩ vỹ,” he ag tóg, Pilatos mỹ.

31 Kỹ Pilatos tóg ag mỹ: “ha mũjẽg,” he mũ. “Ãjag jykre ki ãjag tóg ti jykre kórég ãn to jykrén kỹ tónh ke mũ, ti jykre ti,” he tóg. Hã ra ag tóg ti mỹ: “ti ter ke vỹ,” he mũ. “Kỹ ã hã vỹ ãg mỹ: “ha ti tén,” henh ke mũ,” he ag tóg, pã'i ag, Pilatos mỹ.

32 Hã ra Jesus tóg ag tỹ fóg tỹ pã'i mỹ ã fẽg ke tag tó ja nĩ, fóg ag tỹ cruz to ti sa kỹ ti tén jé. Hã kỹ ag tóg Pilatos mỹ ti ven mũ.

33 Kỹ Pilatos tóg ã ãn kãra rã mãn mũ, Jesus mré vēmén jé. Kỹ tóg ti mỹ: “ã mỹ tỹ Judeu ag pã'i mág nĩ?” he mũ.

34 Kỹ Jesus tóg ti mỹ: “ũ nỹ ã mỹ tag tó?” he mũ. “Ã tỹ vėsóg ki to jykrén mỹ vó, pã'i ag tỹ ã mỹ tó mỹ vó?” he tóg.

35 Kỹ Pilatos tóg: “inh pi(jé) tỹ Judeu nĩ,” he mũ. “Ã kanhkã ag vỹ inh mỹ ã fẽg, ã povo to pã'i ag. ã hẽ ri ké?” he tóg.

36 Kỹ Jesus tóg ti mỹ: “inh pi(jé) tỹ ga tag kri pã'i mág nĩ,” he mũ. “Isỹ tỹ tag ki ãn mág nĩ ra ãn krêm ke ag tóg Judeu ag mré jagnẽ génh ke mũ vỹ, kỹ ag tóg isenh ke tũ nĩ vỹ. Hã ra sóg tag ki tỹ ãn mág tũ nĩ, hã kỹ ag tóg isé, Judeu ag,” he tóg, Jesus ti.

37 Kÿ Pilatos tóg ti mÿ: “kÿ ã mÿ hã ra tÿ pã'i mág nĩ'?” he mÿ. Kÿ Jesus tóg: “ki hã ã tóg tó mÿ,” he mÿ. “Isÿ ki hã tó jé, hã jé sóg ga kri mur ja nĩ, hã jé sóg ga kri tĩ mÿ gé. Kÿ ù tÿ ki hã tó to há nÿtĩ ên ag kar vÿ inh vĩ jêmêg mÿ,” he tóg, Jesus ti.

38 Kÿ Pilatos tóg ti mÿ: “ne nÿ tÿ ki hã ke nĩ'?” he mÿ. “Sÿ ki kanhrân jãvãnh mẽ tóg tĩ,” he tóg, Pilatos ti.

Jesus ter ke

(Mt 27.15-31; Mc 15.6-20; Lc 23.13-25)

Kÿ tóg re ra tÿg mãn mÿ, pã'i ag mré vēmén jé, kÿ tóg ag mÿ: “ti pi(jé) vënh jykre kórég han tĩ',” he mÿ.

39 “Páscoa kar ki sóg ãjag mÿ vëse ù kavãg tĩ. Kÿ inh hÿn ãjag mÿ ãjag tÿ ù to: “Judeu ag pã'i,” he mÿ ên kyvãn ke mÿ,” he tóg, Pilatos ti.

40 Hã ra ag kar tóg prënrër mÿ sir. “!..Jesus pijé'..! Barrabás kava ra..!” he ag tóg mÿ sir, prënrër kÿ. Hã ra Barrabás ên vÿ tÿ ùn jykre kórég pẽ nĩ.

19

1 Kÿ Pilatos tóg soldado ag mÿ: “ti mrãnmrãn ra, ge kÿ,” he mÿ.

2 Kÿ ag tóg ti mrãnmrãn mÿ. Ti mrãnmrãn kar kÿ ag tóg sónh pĩrĩn kÿ ti krĩ tógfíg mÿ sir. Kÿ ag tóg kur kusũg tÿ ti kri fón mÿ gé sir.

3 Ti ki junjun kÿ ag tóg ti mÿ: “viva, Judeu ag pã'i',” he mÿ, ti nyg kÿ. Kar ag tóg ti tãnh mÿ gé sir.

4 Kÿ Pilatos tóg re ra kutê mãn mÿ gé sir. Kÿ tóg vënh kar mÿ: “ha vé ha,” he mÿ. “Ti jykre kórég mẽ ja tũ sóg nĩ vë. Kÿ sóg ãjag mÿ ti ven mÿ. Nén ù vënhmÿ han tũ ti nĩ vë,” he tóg, Pilatos ti, ag mÿ.

⁵ Kÿ Jesus tóg kãkutẽ mũ, hã ra tóg sónh tỹ ã krĩ tógfĩn kÿ kãkutẽ mũ, kur kusũg ãn tu kÿ ke gé. Kÿ Pilatos tóg vẽnũ kar mÿ: “ti ve ra,” he mũ, ag tỹ hẽn ri ke mũn ti tovãnh jé, ag tỹ ti jagtar ãn ve kÿ.

⁶ Pã'i ag tỹ ti ve kÿ, polícia ag tỹ ti ve kÿ ag tóg prẽnprẽn mũ gé sir. “!..Ka to ti sã..! !..Ka to ti sã..!” he ag tóg mũ sir, prẽnprẽn kÿ. Kÿ Pilatos tóg ag mÿ: “kÿ ãjag hÿn inhhã ka to ti sa sór mũ,” he mũ. “Ti pí(jé) nẽn ù kórég han mũ,” he tóg.

⁷ Kÿ ag tóg ti mÿ: “hã ra tóg: “tỹ inh Topẽ kósin nĩ,” he tĩ ãg mÿ,” he mũ. “Ëg tỹ ù tỹ ge tén ke vẽ. Hã tó ja ti nĩ, ãg mÿ, Topẽ ti, hã kÿ tóg rán kÿ nĩ,” he ag tóg mũ sir, Pilatos mÿ.

⁸ Kÿ Pilatos tỹ ti tỹ tỹ Topẽ kósin nĩ mẽ kÿ tóg ti mÿ e tãvĩ tĩ.

⁹ Kÿ tóg ã ãn kãra rã mãn kÿ Jesus mÿ: “tỹ ã hẽ tá ke nĩ?” he mũ. Hã ra Jesus tóg ti mré vēmén mãn sór tũ nĩ.

¹⁰ Kÿ Pilatos tóg ti mÿ: “ã mÿ inh mré vēmén ke tũ?” he mũ. “Isÿ ã kavãn sór nĩ kÿ sóg ã kyvãg mũ. Isÿ ka to ã sa sór kÿ sóg to ã sãg mũ gé. Tag to jykrén,” he tóg, Pilatos ti, Jesus mÿ.

¹¹ Hã ra Jesus tóg ti mÿ: “Topẽ tỹ ã tỹ pã'i han tũ nĩ ra ã tóg tag han ki kagtĩg nĩnh mũ vẽ,” he mũ. “Hã kÿ ù tỹ ã mÿ inh fẽg mũ ãn vỹ ã tỹ Topẽ vỹ mranh mũ tag kãfór nĩ ha,” he tóg, Jesus ti.

¹² Kÿ tóg Pilatos mÿ e pẽ tãvĩ tĩ, kÿ tóg ti kavãn sór mũ sir. Hã ra Judeu ag tóg ti mÿ: “ã tỹ tag kyvãn kÿ ã pí(jé) tỹ ãg kar kri pã'i mág pẽ tỹ Imperador ãn mré ke nĩ,” he mũ. “Û tỹ vēsÿ pã'i mág han mũ ãn vỹ Imperador kato tẽ mũ,” he ag tóg.

¹³ Kÿ Pilatos tóg ag vĩ tag mẽ kÿ mũmẽg mũ, kÿ tóg Jesus jé prěr mũ, ti tÿ ti mré re tá jẽnh kutẽ jé. Kÿ tóg ã nĩgja ẽn kri nĩ nĩ, ã tÿ hẽ tá vẽnũ kar jykre vég tĩ ẽn ki. Tá ag tóg pó nẽ ja nĩgtĩ, hã kÿ ag tóg to: “Pó Nẽ,” he tĩ, hã vÿ: “Gabatá,” he mũ, Hebreu vĩ ki.

¹⁴ Meio dia ki ke vẽ. Tÿ vaj kÿ ag tóg festa tÿ Páscoa ẽn han sór mũ, hã kÿ ag tóg ùri vẽnũ tÿ hẽn ri ke kãn mũ. Ẽn kã meio dia ki Pilatos tóg ã nĩgja kri nĩ nĩ, ag mẽ ag tÿ vẽnũ jykre han ke mũ ẽn tó jé. Kÿ tóg Judeu ag mẽ: “ãjag pã'i mág hã vẽ ha,” he mũ.

¹⁵ Hã ra ag tóg prẽnprěr kÿ: “!..ti tén ra, ti tén ra, ka to ti sã..!” he mũ sir.

“Kÿ inh mẽ ãjag pã'i mág tÿ cruz to sanh mũ'?” he tóg, Pilatos ti. Kÿ pã'i ag tóg ti mẽ: “pã'i mág ẽg nÿtĩ, hã vÿ: Imperador, he mũ,” he mũ.

¹⁶ Kÿ Pilatos tóg ag mẽ: “ha cruz to ti sanh mũjẽg gé,” he mũ sir.

Ag tÿ Jesus tÿ cruz to sanh ke

(Mt 27.32-44; Mc 15.21-32; Lc 23.26-43)

¹⁷ Kÿ ag tóg Jesus mẽ cruz fig mũ, ti tÿ vyn kÿ pãnónh tÿ Calvário ra tĩg jé, ag tÿ Hebreu vĩ ki to: Gólgota, he mũ ẽn ra.

¹⁸ Tá ag tóg cruz to ti sãg mũ sir. Ti mré ag tóg ùn régre ag tÿ cruz to ag sãg mũ gé, kÿ ù vÿ ti pẽgja tá cruz to sa, jãvo ù vÿ ti jakãnh tá cruz to sa gé. Jãvo Jesus vÿ ag kuju kã cruz ti to sa gé.

¹⁹ Hã ra Pilatos tóg Jesus to vẽnũ rá han ja nĩ, kÿ ag tóg ti krĩg mẽ vẽnhrá ẽn sa ja nĩ, hã vÿ: “Nazaré tá Jesus vẽ, Judeu ag pã'i tÿ rei vẽ,” he mũ, vẽnũ rán ki. Hebreu vĩ ki tóg rán kÿ nĩ, Latim vĩ ki ke gé, Grego vĩ ki ke gé.

20 Kÿ Judeu tÿ hên ri ke ag tóg vég mũ sir, vênh rá ti. Jerusalém vÿ tá kakó nĩ, Jesus tÿ hê tá cruz to sa kÿ jê ên ti tá, hã kÿ ù tÿ hên ri ke ag tóg ti venh kãmũjêg sir.

21 Kÿ tóg pã'i ag mÿ há tũ nĩ. Hã kÿ ag tóg Pilatos mÿ: “Judeu ag pã'i tÿ rei vê, he ja ã nĩ, vênh rán ki,” he mũ. “Hã ra tóg ki krov ja tũ nĩ. Vêso tóg: “tÿ sóg Judeu ag pã'i tÿ rei nĩ,” he ja nĩ. Kÿ: Judeu ag pã'i mág vÿ tÿ inh nĩ, he rán nĩ,” he ag tóg, Pilatos mÿ.

22 Hã ra Pilatos tóg ag mÿ: “vó,” he mũ. “Rán inh huri, kÿ tóg rán kÿ nĩ ha,” he tóg mũ.

23 Kÿ soldado ag tóg Jesus tÿ ka to sãg mũ. Kÿ ag tóg ti kur mãn kÿ vênh kãpãm mũ. Û tÿ 4 (ke) ag vê, soldado ag, hã kÿ ag tóg ti kur tÿ vênh kãpãm tÿ 4 (ke) han mũ. Hã ra ti vênh kri fêg ja vÿ kur pir tÿ há nĩ. Kurÿr tũ ti nĩ.

24 Kÿ ag tóg ti capa há ve kÿ jagnê mÿ: “êg hÿn tag kym ke tũ nĩ,” he mũ. “Ti capa to jogar he jê êg tóg ke mũ. Û tÿ mäg mũ ên hã vÿ tóg tunh mũ,” he ag tóg mũ. Kÿ ag tóg to jogar he mũ sir. Hã ra ag tÿ ti kur to jogar he mũ ên tóg rán kÿ nĩ gé, Topê vĩ rá ki, ha mẽ. “Inh kur tÿ vênh kãpãm ag tóg, hã ra ag tóg inh kur tÿ vênh kri fêg ja to jogar he mũ,” he ja tóg nĩ, Topê vĩ rá ki, hã kÿ ag tóg ke mũ.

25 Hã ra Jesus mÿnh fi vÿ tá jê nĩ, cruz rã hã, fi jãvy fi mré. Kar kÿ Maria Madalena fi vÿ tá jê nĩ gé, kar kÿ Maria ù fi ke gé, Clopas prũ fi.

26 Kÿ Jesus tóg ã mÿnh fi vég mũ sir. Ti mré tĩ mũ ù vÿ fi to grên ke kÿ jê nĩ, Jesus tÿ ù to há pê ên ti. Kÿ Jesus tóg ã mÿnh fi mÿ: “tag vÿ tÿ ã kósín nĩnh mũ ha,” he mũ, ã mré tĩ mũ ên to.

27 Jãvo tóg ti mÿ: “fi hã vÿ tÿ ã mÿnh nĩnh mũ ha,”

he mũ gé, fi to. Hã kÿ ti mré tĩ mũ ên tóg fi mÿ: “inh mré nĩnh kãtĩg,” he mũ, kÿ fi tóg ti ãn krêm nĩ nĩ, ti tÿ Jesus jĕgja ki fi jĕ'ÿn jé.

Jesus ter

(Mt 27.45-56; Mc 15.33-41; Lc 23.44-49)

²⁸ Jesus tÿ ã mÿnh fi mÿ tag tó kar kÿ tóg sir ã tÿ nén hyn han ke mũ ên hyn han kãn ja nĩ. Hã to jykren kÿ tóg hã ra nén tÿ ã to rán kÿ nĩ ên hyn han kãn sór mũ, hã kÿ tóg: “inh og há tóg tĩ,” he mũ sir.

²⁹ Tá runja ù vÿ nĩ nĩ, hã ra vinho kaja pir vÿ ki nĩ, runja ên ki. Kÿ ag tóg esponja tÿ vinho ki tÿ pun ke mũ, kÿ ag tóg ka tÿ hissopo jurÿn kÿ (ag tóg) nén kugpe jafã ên kusón mũ, kusón kÿ ag tóg vinho kãra rãg kÿ ti mÿ jun mũ sir, vinho ti.

³⁰ Kÿ tóg ki ùnh ùnh ge mũ sir, vinho ên ki. Kÿ tóg: “ke kãn inh huri,” he mũ. Kÿ ti krĩ tóg héré' he mũ, kÿ tóg hun ke mũ. Kÿ tóg hur ter.

Soldado ù tÿ Jesus kusón

³¹ Kÿ Judeu ag tóg Pilatos mÿ to vĩ mũ, soldado ag tÿ ù tÿ ka to sa kÿ nÿtĩ ag fa mrynhmranh jé, ag tÿ kãnhmar kãgter jé. Tÿ vaj kÿ ag mÿ festa mág vĕ, kÿ ag tóg ùri festa ên to nén kar kãnkãn tĩ gé. Hã ra tóg ag mÿ kórég nĩ, ù tÿ ag festa kurã ki cruz to sa kÿ ter mũ ti. Hã kÿ ag tóg Pilatos mÿ ag kãgtén ke to vĩ mũ, ag tÿ ka to ag kãrem jé.

³² Kÿ soldado ag tóg ù tÿ Jesus mré cruz to vin kÿ nÿtĩ ag fa mrynhmranh mũ mũ.

³³ Kÿ ag tóg Jesus fa mrynhmranh sór mũ gé, hã ra tóg hur ter, hã kÿ ag tóg mrynhmranh tũ nĩ sir.

³⁴ Kÿ soldado ù tóg ã rógro tÿ ti jĕn'yr ki kusón mũ, kÿ ti kyvénh tóg ki kãkutĕ mũ, kyvénh jãpri mré.

³⁵ Tag ve inh, mÿr, ha mẽ, hã kÿ sóg ãjag mÿ tó mũ. Sÿ ki hã tó vễ. Sÿ ãjag mÿ tag kãmén vễ, ãjag tÿ inh vĩ tag kri fi jé, ãjag tÿ ti ki ge sór jé.

³⁶ Hã ra tóg rán kÿ nĩ gé, ag tÿ ti kusón ke tag ti. “Ag pi(jé) ti kuka mrynhmranh ke mũ,” he tóg, Topễ vĩ tÿ rán kÿ nĩ ki.

³⁷ Kÿ tag tóg rán kÿ nĩ gé, hã mẽ. “Ag tÿ ùn kusón mũ ên ve jé ag tóg ke mũ,” he tóg mũ gé, Topễ vĩ ki, Jesus to.

Ag tÿ vễnh kej ra ti va mũ

(Mt 27.57-61; Mc 15.42-47; Lc 23.50-56)

³⁸ Kÿ Jesus to há ù tóg nĩgtĩ, Arimatéia tá José. Ên vĩ ti mré tĩg ja tũ nĩgtĩ, ti tÿ pã'i ag kamêg kÿ, hã ra tóg Jesus to há nĩ. Ên vĩ tóg sir Pilatos venh tĩ mũ, kÿ tóg ti mÿ: “sÿ Jesus tÿ ka to ti kătérem há tóg tĩ,” he mũ. Kÿ Pilatos tóg ti mÿ: “há ti nĩ,” he mũ. Kÿ Arimatéia tá José ên tóg Jesus tÿ cruz to ti kătérem tĩ mũ.

³⁹ Kÿ Nicodemos vĩ kătĩ mũ gé, ù tÿ kuty tá Jesus mré vēmén mũ ên ti. Ên vĩ ger há ma kătĩ mũ, 45 (ke) quilos vễ mÿr. Ka tÿ mirra jênjo ger há vễ, kar ka tÿ aloés jênjo ger há mré. Ên ma kătĩg tóg mũ, Nicodemos ti.

⁴⁰ Kÿ ag tóg Jesus ti kătérem mũ sir, cruz to, José mré Nicodemos ti. Ti pãg ag tóg mũ sir, kur tÿ, hã ra ag tóg nén ger há ên tÿ ti pãg ke ên kākã nĩm mũ gé. Judeu ag jykre hã vễ, ag tÿ vễnh kej tá ù fi kÿ.

⁴¹ Ka kré ù vĩ Gólgota tá kakó nĩ, kÿ tóg tá vễnh kej tãg nĩ, pãró nor ti, ka kré ên tá. Kuprã ti nÿ.

⁴² Ên kākã ag tóg ti fig mũ, ti kakó nĩn kÿ. Hã ra tóg rāké nÿ ha, kÿ ag festa tóg kakó' he mũ ha, hã kÿ ag tóg vễnh kej tãg ên kākã Jesus fig mũ sir.

20

*Jesus rĩr mǎn**(Mt 28.1-8; Mc 16.1-8; Lc 24.1-12)*

¹ Tỹ vaj ũn kỹ, semana ki kurã ve ki Maria Madalena fi tóg Jesus venh tĩg sór mũ, ti kej tá. Kusã pē ki fi tóg ra tĩ mũ, kurã sĩ hã ra. Hã ra fi tóg tá jun kỹ (fi tóg) pó ěn vég mũ, ti kej nĩfe ěn ti. Kunũnh kỹ tóg jẽ nĩ, kỹ tóg sir nor kỹ nỹ nĩ, ti kej ti.

² Kỹ fi tóg Simão Pedro to vėnhvãg tĩ mũ sir, Jesus mré tĩ tĩ ũ to ke gé, ũ tỹ Jesus to há tãvĩ ěn to. Kỹ fi tóg ag mỹ: “ěg Senhor va ag tóg mũ ja nĩ,” he mũ. “Ā kej kãki tóg tũ nĩ,” he fi tóg mũ. “Ag hỹn hẽ ra ti va kagáv,” he fi tóg mũ ag mỹ.

³ Kỹ ag tóg venh mũ mũ gé, Pedro ti, Jesus mré tĩ tĩ ũ ěn ke gé.

⁴ Pétẽ ag tóg mũ mũ, hã ra ũ ěn tóg Pedro kã raran ke mũ, kỹ tóg tá jun vén mũ.

⁵ Kỹ tóg pãró nor ěn ki pãnh ke kỹ kãtá kur ěn vég mũ, ti pãg ja ti, hã ra tóg kãra rã ja tũ nĩ.

⁶ Kỹ Simão Pedro tóg ti nón tá jun mũ gé, hã ra tóg inhhã kãra rã mũ, ti kej kãra, Pedro ti. Kỹ tóg kur ěn vég mũ gé sir.

⁷ Ti krĩ pãg ja vỹ vyr mỹ nĩ nĩ, kónhpẽn kỹ.

⁸ Kỹ ũ ěn tóg ti nón kãra rã mũ gé sir, kỹ tóg ã tỹ ven kỹ: “hã ja vẽ,” he mũ.

⁹ Vãhã ag tóg ki kanhró nỹtĩ. Tag to hã ag tóg ti vĩ to jykrén há han ja tũ nĩ ver, ti to nén rán kỹ nĩ ěn to, ti tỹ ã ter kar kỹ rĩr mǎn ke ěn to. Vãhã ag tóg ki kanhró nỹtĩ.

¹⁰ Ag tỹ ti kej tỹ kuprã nỹ ve kar kỹ ag tóg vỹnvỹn ke mũ, ãjag ĩn ra.

*Jesus tỹ Maria Madalena fi mỹ vẽn h ven
(Mt 28.9-10; Mc 16.9-11)*

¹¹ Hã ra Maria Madalena fi tóg tá jẽ nĩ, ti kej nor nĩ ên tá. Fỹ fi tóg jẽ nĩ. Fi fỹ kỹ fi tóg ti kej to pãnh ke kỹ (fi tóg) kãtã êvãnh mũ sir.

¹² Kỹ fi tóg ùn régre ag vigvég mũ. Topẽ tỹ jẽgnẽ jafã ag vẽn. Kur kupri rĩnh kỹ ag nĩgnĩg kỹ nỹtĩ, Jesus nỹgja tá, ti kej kãtã. Û tóg ti krĩ nĩgja tá nĩ, kỹ ù tóg ti pẽn nỹtĩgja tá nĩ gé.

¹³ Kỹ ag tóg fi mỹ: “ã tỹ ù jãvãnh kỹ fỹ nẽ, jỹ?” he mũ. Kỹ fi tóg ag mỹ: “inh Senhor va ag tóg mũ ja nĩ, hã ra sóg ag tỹ hẽ ra ti va mũ ja ên ki kagtĩg nĩ,” he mũ.

¹⁴ Kỹ fi tóg vẽnkyã êvãnh mũ, hã ra Jesus tóg tá jẽ nĩ. Hã ra fi tóg ti ki kagtĩg nĩ.

¹⁵ Kỹ tóg fi mỹ: “ã tỹ ù jãvãnh kỹ fỹ nẽ, jỹ?” he mũ gé. Hã ra fi tóg ti to: “ti hỹn tỹ ka kré tag ki rĩr tĩ jẽ, he sóg mũ,” he mũ. Hã kỹ fi tóg ti mỹ: “ã mỹ ag tỹ hẽn ra ti va mũ vég tũ, vỹ?” he mũ.

¹⁶ Kỹ Jesus tóg fi mỹ: “Maria’,” he mũ, fi jiji tó kỹ. Kỹ fi tóg ti tỹ fi mỹ fi jyjy tó kỹ (fi tóg) vãhã ti ki kanhrãn mũ sir. Kỹ fi tóg ti mỹ: “Raboni’, ã hã mỹ’?” he mũ. Hebreu vĩ ki fi tóg tó mũ, hã kỹ fi tóg: “Raboni’,” he mũ. Êg vĩ ki êg tóg tag to: “Senhor,” he tĩ. Fi tỹ vãhã Jesus ki kanhrãn kỹ nĩn kỹ fi tóg ti mỹ ke mũ.

¹⁷ Hã ra Jesus tóg fi mỹ: “inh vóg tũg nĩ ver,” he mũ. “Isỹ ver inh panh ra tãpryn h ke vẽn. Inh kanhkã ag mỹ tónh tĩg nĩ hã ra. Ag mỹ: “isỹ ver inh panh venh tĩg ke vẽn, hã ra tóg tỹ ãjag panh nĩ gé, he tóg,” hemnĩ. “Isỹ ver inh Topẽ to tãpryn h ke vẽn, kỹ tóg tỹ ãjag Topẽ nĩ gé, he ti,” hemnĩ ag mỹ,” he tóg Jesus ti,

Maria Madalena fi mỹ.

¹⁸ Kĩ fi tóg tĩ mũ, ti mré mũgtĩ ag mỹ tó jé. “Ëg Senhor ve inh,” he fi tóg mũ. Kĩ fi tóg ag mỹ tó kãn mũ sir, ti tỹ fi mỹ nén tó mũ ãn ti.

Jesus tỹ ã mré mũ tĩ ag mỹ vãnh ven

(Mt 28.16-20; Mc 16.14-18; Lc 24.36-49)

¹⁹ Kurã ãn kã, semana tỹ kurã ve ãn tỹ rãkãnh kỹ ag tóg vãnhmãn kỹ nỹtĩ, ãn ã krẽm, ti mré mũ tĩ ag. Hã ra ag tóg jãnkã nĩfẽnh ja nĩ, chave tỹ, ag tỹ ãprã pã'i ag kamẽg kỹ. Hã ra Jesus tóg vãnh vãnh ven mũ, ag kãki, kỹ tóg ag mỹ: “mỹ sér nỹtĩmĩ,” he mũ.

²⁰ Tag tó kỹ tóg ag mỹ ã nĩgẽ nug ven mũ, ã jẽn'yr ti ke gé. Kỹ tóg ag mỹ sér tĩ sir, ag tỹ ãg Senhor ven kỹ.

²¹ Kỹ tóg ag mỹ ke mãn mũ. “Mỹ sér nỹtĩmĩ,” he tóg. “Inh panh tỹ inh jẽnẽ vẽ. Kỹ sóg ãri ãjag jẽnẽg mũ gé, ti tỹ inh jẽnẽ ri ke,” he tóg.

²² Tag tó kar tóg ag ki hu he mũ, ag kar ki, kỹ tóg ag mỹ: “Topẽ kuprĩg vỹ tỹ ãjag jagrẽ nỹtĩ ha,” he mũ.

²³ “Ãjag tỹ ã mỹ: “ã tỹ Topẽ vĩ mranh ja ãn tỹ tóg vãnh pãte fón mũ,” hen kỹ tóg vãnh pãte fón kỹ nĩ. ãjag tỹ ã mỹ: “ã mỹ ti vãnh pãte fón ke tũ nĩ,” hen kỹ tóg vãnh pãte fón ke tũ nĩ,” he tóg, Jesus ti, ti tỹ ag mỹ vãnh ven vén kỹ.

Tomé tỹ vãnh Jesus ve

²⁴ Hã ra Tomé vỹ ag mré nĩ ja tũ nĩ, ag tỹ Jesus vég mũ ãn kã. Tomé ãn vẽ, ag tỹ ã to: “ũn vẽnĩ,” he mũ ãn vẽ, Jesus mré tĩ tĩ ãn ti.

²⁵ Ag tỹ Tomé ãn ve kỹ ag tóg ti mỹ: “ãg Senhor ve ãg,” he mũ. Hã ra tóg ag mỹ: “ti nĩgẽ nug ve sór

inh mũ,” he mũ, “isỹ ag tỹ prego tỹ ti nĩgé nugnón ja ěn mẽ jé, inh nĩgé tỹ,” he tóg mũ. “Kỹ sóg ti jẽn'yr ki mẽnh ke mũ gé, sỹ ki ti kusón ja ěn mẽ jé. Ke tũ nĩ (mũ) ra isóg kri nĩm ke tũ pẽ nĩ, ti rĩr mãn kri,” he tóg, Tomé ti.

²⁶ Kurã tỹ 8 (ke) tũg kỹ ag tóg vẽn h mãn kỹ nỹtĩ gé, kỹ Tomé vỹ ag mré nĩ gé. Īn jãnkã vỹ ki chaven kỹ nỹtĩ. Kỹ Jesus tóg ag mỹ vẽn ven mãn mũ, ag mré jẽn kỹ. Kỹ tóg ag mỹ: “mỹ sér nỹtĩmĩ,” he mũ.

²⁷ Kỹ tóg vẽn sỹmér Tomé mỹ: “ã nĩgé tỹ inh nĩgé nugnór mẽ,” he mũ. “Ã nĩgé tỹ inh jẽn'yr kusón ja ěn ti mẽ gé. Kri nĩmĩ, to: “vẽn h ó vẽn,” he mãn tũg nĩ,” he tóg, Jesus ti.

²⁸ Kỹ Tomé tóg ti mỹ: “inh Senhor,” he mũ. “Topẽ’,” he tóg.

²⁹ Kỹ Jesus tóg ti mỹ: “vãhã ã tóg kri nĩm sór mũ ha, ã tỹ inh ve kỹ,” he mũ. “Û tỹ ã tỹ inh vэг tũ ra kri nĩm mũ ěn mỹ tóg vĩ há pẽ han ke mũ, Topẽ ti,” he tóg, Jesus ti, ti tỹ ag mỹ vẽn ven mãn kỹ.

Ĕg tỹ Jesus ki ge jé livro tag tóg rãn kỹ nĩ

³⁰ Jesus vỹ ag rĩnve ěg tỹ nén han vãn h hyn han kãn ja nĩgtĩ, nén tỹ hẽn ri ke, hã ra sóg rãn kãn ja tũ nĩ.

³¹ Sỹ livro tag rãn vẽn, ù tỹ vẽn h rá tag vэг mũ kar ěn ag tỹ Jesus ki ge sór jé, ag tỹ ti to: “Cristo vỹ tỹ ti nĩ, Topẽ kósin vỹ tỹ ti nĩ,” he jé. Kỹ ãjag tỹ ti ki ge kỹ ãjag tóg rĩr krỹg ja tũ ěn venh ke mũ, ti tugrĩn, mỹr, ha mẽ.

21

Jesus tỹ ã mré mũ tĩ ù ag mỹ vẽn ven mãn

¹ Tag pãte Jesus tóg kejĕn goj tÿ Tiberíades tá ag mÿ vĕnh ven mǎn mÿ, kÿ tóg ge tĩ, ha mĕ.

² Simão Pedro vÿ tá nĩ, Tomé ti ke gé, ag tÿ ù to: “ũn vĕgni,” he mÿ ĕn ti, kar kÿ Natanael ti ke gé, ĕmã tÿ Caná tá ke ĕn, ga tÿ Galiléia tá ke ĕn, kar kÿ Zebedeu krĕ ag vÿ tá nÿtĩ gé, ù tÿ Jesus mré mÿ tĩ régre ù ag ke gé.

³ Kÿ Simão Pedro vÿ ag mÿ: isÿ pirã kugmĩnh tĩg vĕ,” he mÿ. Kÿ ag tóg ti mÿ: “ã mré ĕg mũnh mÿ,” he mÿ gé. Kÿ ag tóg barco ki ge mÿ, goj kri mÿ jé. Hã ra ag tóg nĕn ù kãgmĩg tũ pĕ nĩ, kuty ĕn kã.

⁴ Tÿ vaj kÿ kusã pĕ ki, rã tÿ jun ke mÿ ra Jesus vÿ ga fyr tá jĕ nĩ, hã ra ag tóg ti ki kagtĩg nÿtĩ ver.

⁵ Kÿ tóg ag mÿ: “ãjag mÿ pirã ù kãgmĩg tũ?” he mÿ. Kÿ ag tóg ti mÿ: “hÿ,” he mÿ.

⁶ Kÿ tóg ag mÿ: “rede tÿ barco pĕgja tá fón,” he mÿ, “kÿ ãjag tóg kugmĩnh ke mÿ, pirã ti,” he tóg mÿ. Kÿ ag tóg ke mÿ. Kÿ tóg fór mÿ, rede ti, kÿ ag tóg kãtãnfyn kórég nÿtĩ, ti kufy tĩn kÿ, pirã e nÿtĩn kÿ.

⁷ Kÿ ù tóg Pedro mÿ: “ĕg Senhor hã vĕ,” he mÿ. Jesus tÿ ù to há pĕ ĕn vÿ Pedro mÿ ke mÿ. Kÿ Pedro tóg ti vĩ tag to ã kur rĩnh mǎn mÿ. Kunũnh ja ti nĩ, ti kur ti. ã kur rĩnh kÿ tóg barco ki kãkutĕ kÿ (tóg) goj kãmĩ tĩ mÿ sir, ti tÿ Jesus kukãm tĩg jé, goj kãmĩ.

⁸ Hã ra ag tóg ti nón barco kãmĩ mÿ mÿ gé, rede ĕn raran ag tóg mÿ mÿ. Kakó ti nĩ ha, goj fyr ti, 100 (ke) metros hÿn.

⁹ Ag tÿ vagvag ke pa kÿ ag tóg Jesus jãká vég mÿ sir. Pirã kugjin tóg nĩ nĩ, kÿ ĕmĩ tóg tá ti rã nĩ gé.

¹⁰ Kÿ Jesus tóg ag mÿ: “ãjag pirã gé kãmũjĕg,” he mÿ.

11 Kÿ Simão Pedro tóg barco kãra rã kÿ rede ãn raran mũ. Goj fyr kukãm tóg ma tĩ mũ, kÿ tóg vag ke mũ sir, tar tá. Hã ra tóg fór nĩ, rede ti, pirã tÿ, 150 (ke) hÿn, pirã mág tãvĩ. Hã ra rede tóg jar ja tũ nĩ, ti e tãvĩ nÿtĩ ra.

12 Kÿ Jesus tóg ag mẽ: “konh kãmũjẽg,” he mũ. Hã ra ag tóg ti mẽ: “tÿ ã ù nĩ?” he jãvãnh nÿtĩgtĩ. Ti ki kanhró ag tóg nÿtĩ, ti tÿ tÿ ẽg Senhor nĩn ki.

13 Kÿ Jesus tóg ag mẽ ẽmĩ ãn kã vẽn ken mũ sir, pirã ti ke gé.

14 Jesus tÿ ag mẽ vẽn ven tãgtũ vẽ ha, ãn kã, ti ter kar kÿ rĩr mãn kar kÿ.

Jesus tÿ Pedro mré vẽnén

15 Ag jẽn kar kÿ Jesus tóg Simão Pedro mẽ: “Simão!,” he mũ. “João kósin!,” he tóg. “Ã mẽ iso há tãvĩ nĩ, ã mré ke ag tÿ iso há nÿtĩ ãn kãfór?” he tóg, Jesus ti, Pedro mẽ. Kÿ tóg ti mẽ: “hÿ, hã vẽ,” he mũ. “Ki kanhró ã tóg nĩ, isÿ ã to há pẽ nĩn ki,” he tóg, Pedro ti, Jesus mẽ. Kÿ Jesus tóg ti mẽ: “kÿ ù tÿ inh ki ge kÿ nÿtĩ ag mẽ inh vĩ tómnĩ,” he mũ.

16 Kÿ tóg ti mẽ vĩ mãn mũ, Jesus ti, Pedro mẽ. “Simão!,” he mãn tóg. “João kósin!,” he tóg. “Ã mẽ iso há nĩ?” he tóg. Kÿ tóg ti mẽ: “hÿ, hã vẽ,” he mãn mũ. “Ki kanhró ã tóg nĩ, isÿ ã to há nĩn ki,” he mãn tóg. Kÿ Jesus tóg ti mẽ: “kÿ ù tÿ inh ki ge kÿ nÿtĩ ag mẽ inh vĩ tómnĩ,” he mãn mũ gé.

17 Kÿ Jesus tóg ti mẽ vĩ mãn mũ gé, vĩ tãgtũ han kÿ. “Simão!,” he tóg. “João kósin!,” he tóg. “Ã mẽ iso há nĩ?” he tóg. Kÿ tóg Pedro mẽ e tĩ, ti tÿ ti mẽ ke tãgtũ han kÿ. Ti ki jẽmẽ tãgtũ han tóg, hã kÿ tóg ti mẽ e tĩ. Kÿ tóg ti mẽ: “nén kar ki kanhró ã tóg nĩ,” he mũ. “Ki kanhró ã tóg nĩ, isÿ ã to há nĩn ki,” he

tóg, Jesus mÿ, Pedro ti. Kÿ Jesus tóg ti mÿ: “kÿ ù tÿ inh ki ge kÿ nÿtĩ ag mÿ inh vĩ tómnĩ,” he mǎn mÿ.

18 “Á mÿ sóg ki hã tó mÿ, ha mē,” he tóg mÿ. “Á kyrũ kã ã tóg ã kur rĩnh kÿ ã tÿ hēn ra tĩg sór mÿ ěn ra tĩg ja nĩgtĩ. Kejēn ã kófa nĩnh ke vē. ěn kã ã tóg ag mÿ ã nĩgé tÿ vēnh kri tÿ tam kenh mÿ, kÿ ag tóg ã senh mÿ, ha vemnĩ, kÿ ag tóg ã pére mũnh mÿ, ã tÿ hē ra tĩg sór tũ ěn ra,” he tóg, Jesus ti, Pedro mÿ.

19 Ti tÿ ti mÿ ag tÿ ti tén ke tó vē. Hã ra ag tóg Topē tÿ tÿ ùn mág nĩ venh ke mÿ, ag tÿ Pedro tén ke tugrĩn. Tag tó ti, Jesus ti, Pedro mÿ. Tag pãte tóg ti mÿ: “mÿ jé ha, inh mré,” he mÿ gé sir, Jesus ti.

Jesus tÿ João to Pedro mÿ vĩ

20 Ag mũn kÿ Pedro tóg vēsÿjãm ěvǎnh kÿ (tóg) ù tÿ Jesus nón kãtĩg mÿ ěn vég mÿ gé, Jesus tÿ ù to há tãvĩ ěn. Ag jēn rēn ja ěn tá tóg Jesus rã hã nĩ ja nĩ, ti mré tóg jagnē to grēn ke kÿ nĩ ja nĩ, Jesus tÿ ù to há tãvĩ ěn. ěn kã tóg Jesus ti mÿ: “ũ nÿ hÿn ã ven ke mÿ, pã'i ag mÿ?” he ja nĩ. ěn hã vÿ Jesus nón tĩg mÿ, Pedro tÿ ti mré tĩg kÿ.

21 Pedro tÿ ti tÿ ag nón kãtĩ mÿ ve kÿ tóg Jesus mÿ: “jãvo ù tÿ ěg nón kãtĩg mÿ tag ti?” he mÿ.

22 Kÿ Jesus tóg ti mÿ: “sÿ ti mÿ nén tó mÿ vÿ vyr mÿ nĩ,” he mÿ. “Kÿ sÿ ã mÿ nén tó mÿ vÿ vyr mÿ nĩ gé,” he tóg mÿ. “Sÿ ti mÿ: “ter ke tũ ã tóg nĩ, isÿ vÿn ke ve jé ã tóg ke mÿ,” he sór mÿ ra sóg ti mÿ tónh ke mÿ vē,” he tóg. “Á hã mÿ sóg ã tũ tónh ke mÿ, hã kÿ sóg ã mÿ: mÿ jé ha, inh mré, he mÿ,” he tóg, Jesus ti, Pedro mÿ. Ti tÿ ù tÿ ag mré kãtĩ mÿ ěn to ken hã vē.

23 Jesus vĩ tag tugrĩn vēnh kar tóg ti to: “ter ke tũ ti nĩ,” he tĩ, Jesus ki ge kÿ nÿtĩ kar ag. Hã ra Jesus

pi(jé) ti to: “ter ke tũ ti nĩ,” he ja nĩgtĩ¹. Ti to tóg: “sỹ ti mĩ: ter ke tũ ã tóg nĩ, isỹ vỹn ke ve jé ã tóg ke mũ, he sór mũ ra sóg ti mĩ tag tónh ke mũ vễ,” he ja nĩ, Pedro mỹ, ù ẽn to. Hã kỹ ti to: “ter ke tũ ti nĩ,” he tũg nĩ.

João tỹ vễnh kãmén

²⁴ João vỹ tỹ inh nĩ. Inh hã vỹ tag ve kãn ja nĩ, hã kỹ sóg rán. Kĩ hã tó sóg tĩ, vễnh kar vỹ tag kĩ kanhró nỹtĩ.

²⁵ Hã ra sóg Jesus tỹ nén hyn han mũ ẽn rán kãn ja tũ nĩ. Ti tỹ nén hyn han mũ ẽn vỹ e tãvĩ nỹtĩ, e tãvĩ. Ęg tỹ tag rán kãn sór mũ ra ẽg tóg livro tỹ hẽn ri ke hyn han ke mũ vễ. Kỹ ẽg hỹn hẽ tá livro kar tag vin han ke mũ'? Sĩ ti nĩ, ẽg ga ti, kỹ ẽg tỹ hẽ tá livro tag vin han ke tóg tũ tĩnh mũ, ẽg tỹ Jesus tỹ nén hyn han ja ẽn rán kãn sór mũ ra.

Hã vễ.

Topẽ vĩ rá **New Testament in Kaingang (BR:kgp:Kaingang)**

copyright © 2011 Wycliffe Bible Translators, Inc.

Language: Kaingang

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kaingang

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 18 Apr 2025 from source files
dated 29 Jan 2022
16af52c8-0e45-5e91-b36c-cd314d36d7fc